

হজলাইতিনি কেরাঙ কথমা

উপেন্দ্র দেববর্মা

কম্বিওনাই

ড. নিতাই আচার্য



Tribal Research and Cultural Institute
Govt. of Tripura, Agartala

হজলাইতিনি কেৰাঙ কথমা

উপেন্দ্ৰ দেববৰ্মা

কমথিঙনাই
ড. নিতাই আচাৰ্য



TRIBAL RESEARCH & CULTURAL INSTITUTE
GOVERNMENT OF TRIPURA

a Kokborok folk tale, Hajlaitini Kerang Kothoma written by Upendra Debbarma and edited by Dr. Nitai Acharjee

© Tribal Research & Cultural Institute
Government of Tripura

First edition :
21st August, 2020

Cover Design : Shabdachitra, Agartala

Type Setting : Shabdachitra, Agartala

Printed by : Kalika Press Pvt. Ltd., Kolkata

Published by :
Tribal Research & Cultural Institute
Government of Tripura.

ISBN : 978-93-86707-41-3

Price : ₹ 100/-

হজলাইতিনি কেৰাঙ কথমা

সায়নাইনি কক

আগিঅ নানা দাবুৰাসঙনি থানি হজলাইতিনি কেৰাঙ কথমান আঙ খীনামানি তঙগ আব জতত সঁইসঁগই মানলিয়া, তব জে মুইতু খায়ই মানমানিন উনসুগই-ন সঁয়খা, সঁয়মানি ফা-ন মিলিয়া জাগাঅ মিলিৰিঅই মা রিখা, কিসা কুসু জাগাঅ জত সঁয়থানি চায়াফান উঙগই মান', চায়া হিনকাই সঁনামই তীলাঙদি বজাগাঅ বুবতীই ককন রিনানি, চিনি হজলাইতিনি কেৰাঙ কথমানি হুকুমু মুকুমুন নারীকনানি বাগই-ন আগি খীনামানি আঙ কিসা সঁয়জাখা। আঙ আসা খাইঅ নরকনি থানি অনুমোদন মানানী হিনই। অনুমোদন মানখাই আনি সঁয়মানি সার্থক উঙগানী, আনি আসীক-ন কক-চুবাই জতন-ন যাকজুর।

তাং ২০১৭ ইং, ২৪শে সেপ্টেম্বর
বাং ১৪২৪, ৭ই আশ্বিন, রবিবার


য়াকজুর
উপেন্দ্র দেববর্মা

ককসীকাঙ

ট্রাইবেল রিসার্চ এন্ড কালচারেল ইনস্টিটিউটনি তায় চাঁঙ বিসি বুরুম বুরুমন’ হান্তেনি যন্ত দফানি লাইবুমা, তাঙমুঙ-তাইমুঙ, কেৰেংকথমা, ককলপ বিজাপরগ কারিঅ, অব’ চিনি সামুঙ বীতাঙগ’ খবজাক। চিনি দফানি সাইকৌরীঙ সিনাই - নুকনাইরগ তাইব’ আব’ হয় দাল বিদাল বিজাপ সাইথানি সাকথারমুঙ নাথুঙ হিনয় চাঁঙ মাঁচাং শ্রী উপেন্দ্র দেববর্মাৰায় সাইজাক “হজলাইতিনি কেৰাঙ কথমা” বিজাবন’ কারিনা বাৰ্গাই সাকথারখা।

বিনি অ পালকতিনি কেৰাঙ কথমানি বিসিংতাই চিনি দফানি সিরিসিতিনি সিমি ফাইমা তাংরাইদা ছুকুমু, মুকুমুনি মারিন’ খবাই উনসুকমা ফেহেলীই তিসামা নুগজাগ’। অ বিজাব জতনি থানি হামজাকমুঙ মানানী খাখীলাইঅ।

আং শ্রী উপেন্দ্র দেববর্মা তাই কমথীংনাই ড. নিতাই আচার্যন’ অ “হজলাইতিনি কেৰাঙ কথমা” সাইথানি সাকথারমানি বাৰ্গাই বেলাইখে হামবাই যাফার’।


০১.০৭/২০২০

(ধনঞ্জয় দেববর্মা)

দাগিফাঙ

আপুলি,

১ সেপ্টেম্বর, ২০২০

ট্রাইবেল রিসার্চ এন্ড কালচারেল ইনস্টিটিউট

ত্রিপুরা হাফাঙ

কমথিঙনাইনি কক

খোয়াইনি লাথা কলকনি তাখুক অকরা মীচাঙ উপেন্দ্র দেববর্মা ককবরক ককরীবাই তেই হুকুমুনি আথুকিরি কীচাঙ কলসা। বিনি কেরাঙকথমানি বিজাপ কাঙসা তেই জাদু কলিজানি রীচাবমুঙ বিজাপ কাঙসান-ব সীকাঙগ-ন ত্রিপুরা হাফাঙনি সঙদুক নাইফিল তাই হুকুমু তাঙখর বাই সাপগাঁই কারিজাগখা। রীচাবমুঙ-মীসামুঙ বাই ব বীসীক গীদালজাক আবন আঙ বাইথাঙনি মকল বাই নাইনানি সেপ মানখা রবীন্দ্রনাথ ঠাকুরনি ফিল ১২৫ আচাইমা সালন রীগাঁই ত্রিপুরা হাফাঙনি ককথুম হুকুমু তাই বেরাইখিরি তাঙখর বাই লুডাজিজাক তেই আগরতলানি বেসিক ট্রেনিং কলেজ' সঙচাজাক ককবরক বাই রবীন্দ্ররীচাবমুঙ তেই মীসামুঙনি মেইল'। আফুর ব-ন আ মেইলনি জতনি অকরা ককবরক বাই রবীন্দ্ররীচাবমুঙ রীচাবনাই তেই মীসানাই।

আঙ মীচাঙ উপেন্দ্র দেববর্মানি য়াক বাই সীয়জাক কেরাঙকথমা থাইবান মা পরিখা। আবরগ আংখা— ১. হজলাইতিনি কেরাঙকথমা, ২. তকসা রাঙগিয়ানি কেরাঙকথমা, ৩. যঙলা আবুমনি কেরাঙকথমা, ৪. মারে মারাইনি কেরাঙকথমা তেই ৫. তকথু হাজারিনি কেরাঙ কথমা। সীয়নাইনি ককন সীয়থানি ব সাখা, ব বিনি নানা-দাবুরাসঙনি থানি খীনামানি কেরাঙকথমারগন মুয়তু খীলাই খীলায়ীই উানসুগাঁই ব আবরগন সীয়থাফন। বিনি অ কেরাঙকথমারগন পরিউই আঙ অবরগন থাঙনুক হাইসে মা তঙখা। অবরগন কেরাঙকথমা রীগাঁই সীয়জাক থাঙনুক হিনীই সাখাই-ন চাকুগনাই হিনীই আঙ খা খীলায়'। তেই থাইসা কক অবরগ বীসীক জরাতাই ককবরক কেরাঙকথমানি গীরাঙ বাই গীদালজাক অ সীঙমুঙ-ব ফায়'। পরিনাইরগ-ন অ ককরগন উানসুগাঁই নাইলাইজাথুন। ফিয়াবা অবলে মানীই কীতাল মুঙসা, অ ককনলে জত-ন গসিনাই হিনীই খা খীলাইজাগ'।

পাইথাগ' আঙ সানা মুচুঙগ, কেরাঙকথমা ফান' হিনদি এবা কেরাঙকথমা রীগাঁই সীয়জাক থাঙনুক ফান' হিনদি অবরগ জত-ন আংখা সীয়কীরীঙ তেই কককীরীঙ

তাখুক অকরা মীচাঙ উপেন্দ্র দেববৰ্মানি ককবরক ককরীবাই রাঁগজাক সামুঙনি
বীথাইরগ। আঙ খা বাই খুক বাই-ন পুইতু চাঅ বিনি “হজলাইতিনি কেরাঙ কথমা”
ককবরক ককরীবাইন তেই-ব গীনাঙ খারিনাই তেই তেই-ব কুচুগ’ তিসাথানি-ব
চুবানাই।

আগরতলা
১৪/০৮/২০২০

খুলুমবাইখা
ড. নিতাই আচার্য

হজলাইতিনি কেরেঙ কথমানি চালা বাই বারাইরগ

- ১। গইরাম
- ২। হইরাম
- ৩। তনাই
- ৪। গমাঙ
- ৫। নমাই (তনাইনি বিহিক)
- ৬। গুনাতি (গমাঙনি বিহিক)
- ৭। মেরুডা
- ৮। খুমতয়া (মেরুডানি বিহিক)
- ৯। বারাতি (মেরুডানি বাঁসাজীক)
- ১০। কলকসা
- ১১। মৌলাঙতি (কলকসানি বিহিক)
- ১২। মাখুকসা
- ১৩। হেলেঙতি (মাখুকসানি বিহিক)
- ১৪। হাইরাই
- ১৫। কুসতি (হাইরাইনি বিহিক)
- ১৬। বিখারি
- ১৭। বুদিনি
- ১৮। কেদেকরাই (বুদিনিনি বাঁসোলা)
- ১৯। হজলাইতি (গমাঙনি বাঁসাজীক)

হজলাইতিনি কেরেঙ কথমা

পুইলা ককনি য়াফাঙ উঙখা কামি কাইসা কতরমা কামিঙনি মুঙ উঙখা দফিদার কামিঙ, অ দফিদার কামিঙগ অ জরাঅ আরঅ বরক খরকসা ফা-ন গীনাঙ হিনই কীরীই জত-ন জানি জরাতীই হুগন খায়ই-ন চাজাবাইঅ, আবতীই হুকন হগই-ন চালাইঅ। আরনি বিসিঙ খরকসা-খরসু বসরনি মাইন কীরীঙগই চানাই তঙগ। তবে আরনি বিসিঙ জতনি কীরীই বিগীরা খরঙ খরঙ হিনজাগই তঙনাই হিনকাই গমাঙ হিনজাগনাই বরক খরকসা। বিনি নগ-ব কিচিক মিচিক নুখুঙ কীপীলা থুঅই তঙফুরু নখানি আথুকিরি নুগসঅই তঙগ, কানমানি রিরক-ব সুসুন দীরাই পলাকনাই পলাকথাম সুবজাগ বিহিগনি-ব আহাই-ন বীসাইনি-ব আহাই-ন। আবতীই বরক বিগীরা খরখ খরঙ ফা-ন বুইনি খগই চায়া বুইনি হুঅই চায়া, বুইন তাতাল সায়া বুইন বুইতাল সায়া বুইন থকেয়া বুইন সলেয়া সুলআনা খায়ই চাঅ সুলআনা খায়ই তঙগ। বুইনি তঙমানি হাময়া নুগখাই বুইনি চামানি হাময়া নুগখাই গমাঙ সাঅই রিনাই ফীরীঙগই রিনাই আব তীই খায়ই তা তঙদি আবতীই খায়ই তা চাদি হিনই। আরনি বররক গমাঙনি ককন খরকসা ফা-ন নারীকনাই কীরীই তামঙগই হিনবা বলে বিগীরা খরঙ খরঙ বীলা, বুইনি সীলাই জতনি কীরীই বিগীরা পাইথাক বাই। তাবুক খীনাদি তনাই বাই বীসীকসঙ হজলাইতিনি কেরেঙ কথমান সালাইমানি ককন।

আগিঅ কেরেঙ কথমান সানানি কীরীঙ হিনকাই তনাই খরকসা তঙগ, অ তনাই হিনজাগনাই থানিঅ পানদা খায়ই আচুকলায়ই জাতেরে জাতনি কেরেঙ কথমা-ন খীনালাই ফন, অ পানদা আচুকলাইথানি সিকীলা সিকিলিরক জতনি সীলাই বিসি খায়ই বাঙ ফন। অ সিকীলা সিকিলিঅ অ তনাই হিনজাকনাই বুরান বিসি খায়ই-ন দাবুরা রিঙনাইরক মাঙন বিসি খায়ই বাঙ ফন। আরনি বিসিঙ বুরা বীরীইচীক-সাকাইসানি বুমা সাকাইসানি বুফা আবতীইরক-ন তঙফন। সালাচা আরনি চদিরি হিনজাগনাই পানদা খায়ই কেরেঙ কথমা খীনা লাইনানি হিনই পানদা কাইসা রিঙখা হিনতা, অ পানদা রিঙগই আচুক লাইথানি জত-ন ফাইবাইখা তনাই বুরানি থানি কেরেঙ কথমা ন খীনানানি হিনই কুথুম লায়ই উর নাঙলায়ই তঙখা হিনতা।

গইরাম হইরাম তাই তনাই ফাইকা।

- হইরাম : দাবুরা নিনি থানি চাঁঙ চিনি হজলাইতিনি
কেরাঙ কথমান চাঁঙ খীনানানি, নীঙ চাঁঙন
কাহাম খাই অ বীরাইনি কেরাঙ কথমা ন সাঅই
খীনারিদি।
- গইরাম : আউ দাবুরা নাহারদি তিনি নিনি থানি কেরেঙ
কথমা খীনানানি হিনই ফাইনাই বীসীক বরক
বাঙখা নীঙ নাইসিগই নাইদি নিনি নগসে
চাকলিয়া উয়ে উয়ে উঙগই তঙখা।
- তনাই : নরগ তাবুক আচুকবাইদি। নরক আনি থানি
কেরাঙ কথমান, খীনানানি হিনই ফাইকাবা
আঙ নরগন কেরেঙ কথমা থাইসা সাঅই-ন
খীনা রিসিনাই।
- হইরাম : দ সাদি খাই দাবুরা।
- তনাই : তামনি কেরেঙ কথমান নরগন আঙ তাবুক
সাঅই খীনারিনাই নরগ জতন সাবাইদি।
- গইরাম : হজলাইতিনি কেরেঙ কথমান সাঅই খীনারিদি
দাবুরা।
- তনাই : আগি আইদঅ গমাঙ হিনই বরক খরকসা তঙ
ফ-ন, অ বরক-ন কামিঙনি জতনি সীলাই
কীরাই থাকচুকমানি হিনতা। ব কীরাই ফা-ন
বুইন তাতাল সায়া বুইন হাময়া সায়া, থকেয়া
সলেয়া হিনতা। -ব থকেয়াত থকেয়া-ন ব
চেরাই ফাঙসিনি সিমি-ন বুইন বুইন কক কাহাম
লাম কাহাম সিমি-ন সাঅই ফাইনাই বরক।
মীতাই তা উঙদি, মীতাই তা সকদি হিনই। ব
সালসা সাখা হিন' চাঁঙ তীয়' মাই কায়ই চানানি
তঙগ, চাঁঙ সালসা রিমুঙ সিনিয়া চাইস-র
বকসানানি তঙহিনই সালসা নখা সাকাতাই

বরক বিরই থানানি তঙগ হিনই সাকা হিনতা ।
 আফুরু খাই বুই বন কুদিখা হিনতা নগ' মাইরাঙ
 কীরাই খাই কীরাই কক সামানি সুদু-ন আকল
 ফা-ন কীরাই তীয়' মাই কায়ই চাঅই মালাঙ-ন,
 রিমুঙ সিনিয়া চাইস-র বকসাঅই মানন । নখা
 সাকাটাই বরক বিরই থাঙগই মান-ন হিনই
 জত-ন গমাঙন চাজাগয়া উঙবাইখা হিনতা ।

হইরাম
 তনাই

: উল' খাই তাই তাম উঙখা দাবুরা ?
 : উল' খাই তাই তাম উঙনানি, গমাঙ বরক
 খরকসা মালাই-ব সাখা, বরক খরকনাই
 মালাই-ব সাখা, বরক পাল বাই মালাই-ব অ
 ককন সাকা ব তেই-ব সাখা উল হিনকাই বরক
 সইনি লামাফাইসিঙ বাগসা হিমমানী বাকসাবা
 লামা লামতিরি বীখাক ফাইসিঙগ হিমানী । উল
 হিনকাই চিনি বরক মুনুইসুরক য়াকুঙ বাই
 সুদু-ন হিমনিয়া বুইনি সাকাটাই কাঅই নীঙ
 জে থানানি মুচুঙমানি জাগাঅ খায়ই থাংগানী ।
 উল' হিনকাই চাঙ বরক হিনজাগনাইরক
 খরকসা ফা-ন য়াকুঙ বুকচা তঙলাইনিয়া মুসুক
 বুকুরনি জুতা সুবলায়ই কালাইয়ানী । উল'
 হিনকাই তঙমানি জুদা চামানি জুদা ফাইয়ানী ।
 উল হিনকাই চিনি বরক মুনুইসুরক মীটাই
 তঙনিয়া বদলকজাগটাই উঙগই থাংবাইয়ানী ।
 আবতাই হিনই গমাঙ বন বন সাঅই খীনারিঅ
 উল' খাই বিনি অ ককন বুই উনসুকলায়ই
 নাইলাইখা বিনি অ কক কুবুইদে উঙনা হিনই ।

গইরাম
 তনাই

: উল' খাই তাই তাম উঙখা দাবুরা ?
 : অ দফিদার কামিঙগ নকবার কতর ফায়ই জত
 বরকন থীয়ই থাংবাইখা বাকসাবা
 বানচেরীকখা আবতাই উঙগই অ দফিদার

কামিঙগ অৱইপৱই উঙগই লানসান খাঅই
 থাংবাইখা। অ নকবাৱ কতৱ ফাইমানি দাৱাতে
 বাকসাবা খৱা উঙবাইখা, বাকসাবা গুজা
 বাকসাবা কানা বাকসাবা য়াকুঙ কীবাই য়াগ
 কীবাই উঙগই থঙগাৱ' গুনজিৱি তঙবাইখা
 অ মাইয়ু অ মাইয়ু চালাইবায়ই, আব তাই
 নাইনানি হাময়া জাত উঙলায়ই। আফুৰু খাই
 অ গমাঙ হিনজাগনাই নক বুৰুম নক বুৰুম
 কাঅই নাইয়ই বিথি খল খলই জতন-ন
 চাৱিমানি বিথি, ফুলই ৱিমানি বিথি ৱিঅই
 হামৱিবাইখা, আফুৰু খাই জত-ন হিনবাইখা-ম
 বৱক গমাঙনবা চীঙ আগিঅ বন কীৱাই হিনই
 বিনি কক সামানিন চীঙবা সাকসে নাঙয়া
 উঙগই তঙবাইবেলে, তাবুকসে চীঙ বন
 সিনিনানি কীলাইয়।

হইৰাম

: উলখাই তাই তাম উঙখা দাবুৱা?

তনাই

: তাবুক খাই গমাঙ বাই বিহিগ কক সালাই- মানি
 খীনাডি। আঙ তাবুক সাডীনী।

গইৰাম

: নীঙ তাবুক গমাঙ বাই বিহিগ কক সালাই-
 মানি ককন উল' সাদি তাবুক নীঙ চীঙ পালন
 ৱীচামুঙ থাইচা ৱীচাবই খীনাৱিদি দাবুৱা নিনি
 ৱীচাবমুঙ খাই চীঙ খীনানানি মাঙ মুচুঙগই
 তঙগ।

বুই পাল জত-ন ৱীচাবদি ৱীচাবদি হিনই
 হিনবাইখা য়াফান খৱবলায়ই জে কেৱাঙ
 কথমান খীনানাইৱক।

তনাই ৱীচা ব'

গুৱজুঙ বুফাঙগ মনাই কৱম বথব থুমনানি

ৱমনানি হিনই মাঙ গৱঙ মূৱই কাঅই থাংমানি

অ মনাই করম নীঙ বর বিরই মা থাং ?
 ননলে নুগই হামজাগই রমনা ফাইমানি
 তুবইলে নন য়াগ' রিনা হিনমানি
 অ মনাই নীঙ বর খারই মা থাং ?
 বাসীক খাই নন আঙলে হামজাগ তঙখীনা
 ননলে তুবই য়াগ' রিনানি মুচুঙমা
 তামঙ তঙলাওয়া নীঙ উঙ ?
 খাঅলে ডানসুগই বিগরকখীনা
 আঙ থাংমানি নাইখীলাই তঙখীনা
 অ বাঅই তঙমানি বুফাঙ কতরনি চলঙ ।
 বাসীক আডাস উঙগই থাংকীনা
 খানিলে ককতমা সাঅই পাইনা উঙখীনা
 বিরসাঅই থাঙকা নীঙ খুমুলীঙ কুথুকনি বলঙ ।
 দেখাত রিনানি আঙলে ফাইমানি
 জাঙগাঅ চবই রিঅই তননানি
 তামঙ য়াকীলাম চগই মা থাংবা হলঙ ?
 বাঁখা বাবেমা আসা নীঙ আন খাইয়া
 আন বরক হিনই নীঙ সাঁওয়া
 থাইয়াসাক নন গাইল রিথানী নীঙলে তা হামতন হিনই ।

[কেরেঙ কথমা খীনানাইরক জতন
 হামজাগই হিনলাইখা আউ বিনি ম হাই রীচামুঙ
 খীনাতক তাই কীরীই, ফাইদি চাঙ-ব জত-ন
 পাল খায়ই মীতীই জাদু কলিজান
 রীচাবলাইয়ানী, চিনি ম জাদু কলিজা রীচামুঙন
 হিনকাই চাঙ জেসা খাই ফা-ন মা
 নারীকলাইনাই । ম বেলে চিনি হুকুম
 মুকুমুবেলে । চাঙ মন বুথারই থিবি কাই চানিয়া
 আউ আউ হিনই য়াফা খরবলাইখা জত-ন ।]

তনাই

: তিনি আসীক-ন খীনা ফাইবাইদি, খীনা সাঅই
 খীনারিডানী হজলাইতিনি কেরাঙ কথমান ।

গইরাম, হইরাম, তনাই, তাই খীনানাইরক থাংকা ।
তনাই, গইরাম তাই হইরাম ফাইকা ।

হইরাম : আবনি উল' খাই তাই তাম উঙখা দাবুরা ?
গইরাম : তিনি খাই তাই কিসা লকরি সাদি ।
তনাই : আঙ তাবুক সাডানী খীনাডি ।

গমাঙ বাই গুনাতি ফাইকা ।

গুনাতি : নীঙ অ জাতেরে জাত কক সামানিবা বুই নন
চাসে চাজয়াবেলে, নন বুই কক নাঙয়া মাঙ
সাত হিন' । নন বুই জত-ন নগবেলে কীরীই
খরঙ খরঙ ককবেলে নাঙয়া হাতার হাতার
ককন সাতই বুই ন ফসলকনানি নাইয়
হিনবাইঅ নন জত-ন ।

গমাঙ : বুই জত-ন আন আবতীই-ন হিননা, আনি আব
হাই কক নাঙমানি তাই কীসে কীরীই । নাঙমানি
কক হিনকাই সাতই মাঙ তঙনানি বুই আনি
ককন মজি খীনাতন মজি খীনায়া, বরক জে
ডানসুকনানি কীরীঙ হিনকাই ব-ন আনি ককন
খতেঅই নাইয়ানী ম কক কাহামদে হাময়া ।
নীঙ কাহাম সামানি-ন বখরক কাহাম
হিনকাই-ব-জেতীই-ন কক কাহাদে হাময়া-ব
জেসা কাই-ন খতেঅই নায়নাই ।

গুনাতি : আবলে কীরীই বরকন খাই বুই কক খুক
সাতকগ', নীঙ কাহাম ফা-ন সাদি নীঙ হাময়া
ফা-ন সাদি নিনি ককব নাঙজাগয়া, ব নন
হাময়া-ন হিননাই ।

গমাঙ : জে চাজাগয়া উঙনাই উঙগই-ন তঙথন তে-ব
আঙ নাঙমানি ককন-ন সাতই তঙনাই ।

গুনাতি

: সাসে সাদি জে নাঙমানি কক হিনকাই, নাঙয়া
ককন খাইলে কিসা ফা-ন তা সাদি ফিয়া। বরক
সাঅই মানয়ারকসে নাঙয়া কক-ন সাঅ,
নাঙমানি বরক হিনকাই কক নাঙয়া সাসে
সায়া।

গনাঙ

: ককনি বিসিঙ কাক হিনই তঙগ, আব বাই-ন
বাগসা ককদে কাকদে বুজিসুগই মানয়া আব
বাই-ন বাকসা বাকসা বরক নুগই বুইরাগি
খীনাঅই বুইরাগি উঙগ, বুজিসুগই বুইরাগি
উঙয়া।

গুনাতি

: আবতাই বরক মাঙ কীবাঙতা, বুজিসুগই
বুইরাগি উঙনাই সা-ব তঙবা ম দেস দুইনাইঅ।

গমাঙ

: আউ আবলে আহাই-ন, বুজিসুগই বুইরাগি
উঙনাইলে খরকবীসীক তঙবা জত-ন সাকা
সাকা মুয়া ফাইনাই মাঙসে বাঙগ।

গমাঙ বাই গুনাতি থাংকা।

মেৰুউ বাই গমাঙ ফাইকা।

মেৰুউ

: দা গমাঙ নীঙ জে ককন সামানিবা জত-ন
নাঙমানি কক মাঙসেবেলে, নিনি অ ককন
আঙ জত-ন খতেঅই নাইখা। বা নীঙ
সীকাঙনি ককন বাহাইখাই সাহরই মানখা, নিনি
আর তাতাল হিনই কক থাইচা ফা-ন কীরাই
জতকক-ন সহিত' মামাঙ। পুইলা নিনি ককন
চীঙ নাঙয়া কক তাতাল কক হিনইসে
উরিরিঅই রিহরবা তাবুক আঙ জুইত খায়ই
খতেঅই নাইবা আব হাই কক কাহাম তাই হা
সাকাত কীরাই নিনি আব হাই।

গমাঙ

: আঙ কক নাঙয়ান সাঅই মানয়া, চাঁঙ আগিঅ
চিনি দাঙগাইমা দাঙগাই ফা চাঁঙন ফাঁরীঙগই
কীলাঙমানিসে কুবুই ককন ফাঁরীঙগই
কীলাঙগই থাংগ। আবন নারীকয়ইদে তঙগই
মান, উঙয়াখাইবা চিনি জাতিগুসতিসে
কীমাঅই থাংগানী।

মেরুউ

: আউ আবলে আবতাই-ন, আঙ জে নুগমানি
বুইনি জাতিগুসতি খাই চাতি চাঁঙফাইটাইসে
চাঁঙগই ফাইয়, চিনি জাতিগুসতি খাইবেলে
তাম কীমারীক কীমারীক হাইসে নুগ', উল'
নায়ই তঙসীলাই চাঁঙন দাঙগাইমা
দাঙগাইফাসঙ ফাঁরীঙসুগই কীলাঙমানি হুকুমু
মুকুমুন সীকীমালায়ই খিবানী। নায়ই তঙদি
চাঁঙত নুগলাঙনিয়া চিনি সীলাই জে উল' খায়ই
জে তঙনাইরক বরক কাহাম খাই নুগলাঙগানী
নায়ই তঙদি আঙ সায়া সীইলা সালাঙথা।

গমাঙ

: আবতাই ককরকন জত বরক সাঅই মানয়া
জে খতেঅই নাইয়া বরক হিনকাই উল খাই
হুকুমু মুকুমু ককরকনসে বুজিনাই তঙনিয়া
আবসে কমরই থাংবাইয়ানী। নায়ই তঙদি আঙ
সায়া সীইলা সালাঙথা। দাঙগাইমা
দাঙগাইফানি ককন-ত খীনানাই ফা-ন
তঙনিয়া।

মেরুউ

: উল' খাই চিনি মানি ককনসে পগই
থাংবাইয়ানী।

গমাঙ

: জেসা হিন-ব থানানি হিনকাই কীলাই,
ফাইনানিসে লের ফা-ন কীরীই উঙনানি সে
কীলাই ফা-ন গীনাঙ উঙনানি লের' নিয়াদা।

মেরুউ

: আবলে আবতাই-ন দা গমাঙ।

মেৰুডা বাই গমাঙ থাংকা ।
কলকসা বাই মাখুকসা ফাইকা ।

মাখুকসা

: দা কলক চিনি কামিঙগ কৌৱাই বরক হিনই
গমাঙনি ককন কে-ব নাৱীকয়া কে-ব সাক
নাঙয়া উঙলায়ই তঙলাইমানি চিনি দফিদার
কামিঙগ নকবার কতর ফায়ই নক বায়ই হুগ
বায়ই বরক থাইলাই থাঙলাই উঙগই খরা
কমপা উঙগই থঙগার' গুঙ গরগই
তঙনাইরকন গমাঙ নগবুবুম নগবুবুম কাঅই
থাংগই নাইকানি খায়ই বিথি বগই বিথি
চারিঅই ৱিঅই আসীক খরা কমপান হামরিঅই
ৱিঅইফুবুসে দা গমাঙন বরক সিনিঅই মান',
উঙয়া আসীক সাল বন চাঙ সিনিঅইসে
মানয়া ।

কলকসা

: আকন বরকন বরক সিনিঅই থিবনানি আ ব
আহাই ককদেবা কক সাকাই বরক বরকনি
বাগই নিয়াদা । বরক যাখাই চাঙ জত-ন
বানচেঅইসে মানয়া । দা গমাঙ আবতাই
নকবুবুম নকবুবুম থাংগই কাঅই অ গুঙগরক
তঙনাইরকন বিথি খলই চাৱিয়াখাই বিথি বগই
ৱিয়া হিনকাই তাবুক-ব অ থঙগার' গুঙগরগই
তঙ নাইরক তাবুক-ব হামগীলাখামন ।

মাখুকসা

: আব-ত মীসা ৱীকনাইরক-ন কাহামতা, মীসা
নুগই খারই থাংনাইরকদে কাহামবা । দা গমাঙ
খাই মীসা নুগই ৱীগই ৱিহর নাইজাতবেলে
আববাই-ন মীসান ৱীগই ৱিহরখাতা ।

কলকসা

: আববাই-ন বুইনি খা খাম বুখাম' ৱীকথারই
থানানি নাঙতা, বুইনি খা খাম বুখাম' নীঙ
থাংয়াখাই বাহাইখাই চানাইবা, বব নিনি খা খাম

বুখাম রীকথারই ফাইনানি নাঙনাই, আহাই
খাইসে নীঙ বরকনি বহগ’ আচায়ই ফাইমানি
বরকনি কাম খাইকা হিনজাগনানি, নীঙলে
বরকবেলে।

মাখুকসা

: আববাই-ন চাঙ জত-ন ম ককন বুজিলাই-
নানি নাঙগানী ম কক নন জত বররক
সারীঙবাইখন।

মাখুকসা বাই কলকসা থাংকা।

মেরুউ বাই খুমতয়া ফাইকা।

খুমতয়া

: বা, বা, বা, তাবুক খাই দাদা গমাঙন
হামজাগবাইমানি কুল কীরাইখা, আগি খাই বন
কীরাই বিগীরা হিনই গিনাইলাইয়, আগিঅ খাই
দাদা গমাঙন গিনাইনাই মাঙসে কীবাঙ।

মেরুউ

: কীরাইন বুই আববাই-ন সাক নাঙয়া খুক
নাঙয়া নিয়াদা? ব জেসীক ফা-ন কক কাহাম
কাহাম সাথন নিনি অ ককন সাব খীনানি
খীনানাই কীরাই নিনি কীরাই- নি ককন সাব
খীনানিবা খীনানাই কীরাই। আববাই-ন
কীরাই বাই গীনাঙ গিলামা হাকচাল কীরাই
বরক বাই গীনাঙ বরক জেসা জাগা-ব খাপেয়া।
আববাই-ন কীরাই বাই কীরাই জত জরাঅ-ন
বীখা মিলিলায়ই থাঙচা উঙলায়ই তঙলাইনানি
নাঙনাই। কীরাই বরক হিনকাই কীরাইনি
ফাইসিঙগ-ন তঙনানি নাঙনাই। নীঙ কীরাই
বরক গীনাঙনি ফাইসিঙগ থাংজাগ তাই
উঙখাই-ন নীঙ গীনাঙ রকনি লাথা কঙসা
উঙখাতা, নীঙ খাই তাই আঙ গীনাঙরকনি
লাথা উঙখা হিনই, নীঙ বুজি অই মানগীলাগ।

খুমতয়া : আউ আবলে আহাই-ন গীনাঙরক নন তাম
খায়ই পায়ই খিব চাঁঙ আব জত বরক সাঅই
মানয়াদীলা ।

মেরুউ : আউ আবলে আবতাই ন ।

মেরুউ বাই খুমতয়া থাংকা ।

তনাই বাই নমাই ফাইকা ।

নমাই : নীঙলে কেরেঙ কথমা সিমি-ন সাঅই তঙসিঅ
দিবরনি সাইরিকনি মাইন চানানি মাই মুই
করঅই তঙখা । আ-ব বাহাইখাই আসীক
কেরেঙ কথমানবা সাঅই মানখা নীঙ আব বর
আসীক কেরেঙ কথমানবা নীঙবা মানখা,
আয়াঙব বিনি লগিঅ বরকসে কাগলিয়া বিনি
কেরেঙ কথমান খীনানি বাগই বেঙরাজনি
লগিঅ তকসা তকতাইরক কাগয়া হিনমানি হাই
উঙগই তঙখা রুপ রুপ চালায়ই ।

তনাই : বুই জত-ন কেরেঙ কথমান সাঅই খীনা রিদি
হিনকাইত মা খীনারিবেলে । বুই বেলে আনি
থানিসে কেরেঙ কথমান খীনানি আউাস
নাঙগই তঙখাই নীঙ খীনারিনানি-ন কীলাইতা
বিনি খীনানি আউাসত বাইরিঅই মা
রিউনাবেলে ।

নমাই : আউ আবত আহাইন তে-ব মাইরকলে চানানি
নাঙগানাবেলে ।

তনাই : আঙ কেরেঙ কথমান জান সাঅই মুস নাঙখাই
তাই মাই মুই ফা-ন চানানি মুচুঙয়া উঙগই
থাংগ ।

নমাই : বাবারি কেরেঙ কথমা সামানিদা আসীক মুস
নাঙগই থাং ?

তনাই

: আউ মুস নাঙয়াখাইলে।

তনাই বাই নমাই থাংকা।

তনাই, হইরাম তাই গইরাম ফাইকা।

গইরাম

: আবনি উল খাই তাই তাম উঙখা দাবুরা তাবুক
সাদি।

হইরাম

: তিনি খাই নীঙ সাখাই চাঙ সীরাঙনানি দাবুরা।

তনাই

: আউ নরগ সীরাঙগই নারীকদি চিনি সীলাই
সিরিসিতিনি উল হিনকাই মীতাই কেরেঙ
কথমারক তাই সানাই তঙগীলাক, আববাই-ন
নরগ তাবুক সীরাঙগই নারীগই নরগনি সীলাই
উল' আচাইনাইরকন নরগ ফীরাঙগই
কীলাঙগই মান।

গইরাম

: আউ আবখাই কুবুই-ন দাবুরা।

হইরাম

: আববাই-ন চাঙ তাবুক নিনি থানি ম কেরেঙ
কথমান সীরাঙগই নারীকনানি হিন'।

তনাই

: খীনাডি তাবুক আঙ সাউনৌ।

গমাঙ বাই মেরুডা ফাইকা।

মেরুডা

: দা গমাঙ নুঙবা ম দফিদার কামিঙনি বরকন
কাহাম খাইসুকখাবেলে জত বরক- নন।

গমাঙ

: হাই আঙ ম দফিদার কামিঙনি বরকন তাম
কাহাম খায়ই মানখাবা, আঙ অ য়াকুঙ য়াগ
কীবাই থঙগার' কীলায়ই গুঙগরক
তঙনাইরকন কিসা থাংগই বিথি বকতে মানি
বাইদা আঙ খাইসুকনানি খাইনানি হিনখাই
তে-ব তঙখ।

মেরুডা

: হাই আবনি সীলাই খাইনানি হিনকাই তাই তাম
তঙখবা, নীঙ জে-খাইমানি আ-ব হিনই

কিসানি দেবা থঙগার' গুঙগরগই কীলাইয়ই
তঙনাইরকনসে বিথি খলই বিথি চারিঅই বিথি
ফুলরিঅই হামরিঅই থিববাইনানি হিনকাইবা
আবনি সীলাই কামন কাহাম খাইনাই তাই সাব
তঙবা?

গমাঙ

: আঙ কামন খাইমানি কুসতাময়াখ, তেব বিসি
খায়ই বরক উঙগই কাম কাহামন খাইনানি
তঙগ।

মেৰুউা

: তাই তামন বরক উঙগই কামন কাহাম খাইনানি
তঙবা নীঙ জে খাইমানি আবনি সীলাই কাহাম
তাই বর তঙবা।

গমাঙ

: বা, বা, কাম কাহাম খাইনানি হিনকাই কুল
কীরাই।

মেৰুউা

: তাই তাম তাম তঙবা?

গমাঙ

: বরক উঙগই নীঙ বুইন তা গিনাইদি, বরক
উঙগই নীঙ বুইন অসই তা সেজাদি, বরক
উঙগই নীঙ বুইন অসই তাতাল তা সাদি। নীঙ
জত বরকনি বাগই-ন কাহাম খাইদি। নীঙ
জতনি বাগইলামা কাহামন ফুনুকদি নুঙ
জতনন বরকন সিনিমুঙ রিদি বরক বরকনি
বাগই হিনই। নীঙ জতনন তঙমুঙ চামুঙ
কাহাম-ন ফীরাইদি। নীঙ বরকনি আপদ বিপদ
উঙথানি বাঁচাদি।

মেৰুউা

: চীঙ জত জাগাত আবসীক খায়ই মানন।

গমাঙ

: নীঙ আসীক মানসীকয়া ফা-ন, নীঙ জে
কুলগই মানসাক খাইনানি নাঙনাই। নীঙ
জতনন খাইসুগই মাননানি আব ককয়া, নীঙ
বরক উঙগই জে কুলকগই মানসাক খাইনানি
নাঙনাই-ন। নীঙ উনি আসীরা বল, বলনি
আসীরা উা হিনমানি খীনায়াখ দেবা?

- মেরুডা : আউ তিনিসে নিনি থানি মীতাই ককন
খীনাবেলে সীলাই আগিঅ আঙ মীতাই কক
খাই সালাইমানি ফান খীনায়াখ ।
- গমাঙ : আঙ জত কক-ন আসীক সাচুগই মানয়া তে-ব
আঙ আনি বখরগ’ জে কাঅই তঙমানিন নন
সঅই খীনারিখাতা । চাঙ জে সামুঙ তাঙগই
তঙমানি খায়ই তঙমানি উঙখা বখরক বাই
মাঙসে, নীঙ জেসা কামন ফান খাইদি ।
- মেরুডা : আঙ তিনি নিনি থানি ম ককন খীনাঅই ফুঙ
আয়ই সাল কামানি হাই উঙগই থাঙকা
গীলাঙসা খায়ই ।
- গমাঙ : বরক বরকনি বাগই হিনকাই নীঙ জেসা
খাইফা-ন বরকনি বাগই কাহাম খাইনানি-ন
নাঙনাই ।
- মেরুডা : আববাই-ন দা গমাঙ নীঙ বরকন তাতাল সায়া
বুইতাল সায়াতা নন বরক থিক হিনই মান’ ।
- গমাঙ : আঙবা তাম থিক বরক উঙনানি আনি সীলাই
তেব থিক বরক তঙগ ।

গমাঙ বাই মেরুডা থাংকা ।
মেরুডা বাই মাখুকসা ফাইকা ।

- মাখুকসা : দা মেরুডা নীঙবা উসীকাঙগ দা গমাঙ বাই
জুইত খায়ই ককন সালাইখা হিনবেলে ।
- মেরুডা : সালাইখা আবখাই দা গমাঙ বাই । আঙ দা
গমাঙন আবতাই বরক হিনই সঅই মানয়া ।
- মাখুকসা : তাম উঙখাবা তাবুক দা মেরুডা ?
- মেরুডা : দা গমাঙ হাই বরক কাহামলে আঙ আচায়ই
ফাইমানি খরকসা-ন ফান নুগয়াখ । দা গমাঙবা
বুইন থকেয়া বুইন সলেয়া বুইন তাতাল সায়া
বুইন বুইতাল সায়া বরকসে বীলা ।

মাখুকসা
মেৰুডা

- : আববা আহাই-ন নুগই তঙবীলা বনবা ।
: নীঙ বন নুগসীকয়াথ দা গমাঙ বখরক বাই
কাম খাইনাই বরকসে ব, কাহামনি ককন
হিনকাই তাই সাবাইয়া সাবাইয়া খায়ই সাঅই
খীনারিত, খরকসা আপদ বিপদ নাঙখাই বিনি
ফাইসিঙগ বাঁচানানি, খরকসা হায়াচায়া
কীলাইখাই-ব বন নাইকলনানি, খরকসা মা
নুঙয়া মীচায়া উঙব বন চারিনানি, কাইসান
বানদেয়া থকেয়া উঙনানি, কাইসান
বানচেরিনানি আবতাই কক উসুকাঙগ আন
গিলামা সাঅই খীনারিখা ।

মাখুকসা
মেৰুডা

- : আব খাই বিনি থানি গিলা ককন সীরাঙ- গই
তুবই ফাইনানি ককতমা তঙগ ।
: কীরাই খাই নীঙ উইসাসীক বিনি থানি থাংগই
বিনি কক কাহামন কাহাম কাই সীরাঙগই তুবই
ফাইদি ।

মাখুকসা
মেৰুডা

- : আঙ উইসাসীক থাংগই বিনি থানি গিলামা
কক কাহামন সীরাঙগই তুবই মা ফাইনাই ।
: আবতাই বরক বাই-ন কীথারই কক কাহাম
সীরাঙগই তঙমানি-ন কাহামতা ।

মাখুকসা

- : কক কাহামন-ন সীরাঙমানি কাহামতা ।

মেৰুডা বাই মাখুকসা থাংকা ।

মেৰুডা বাই খুমতয়া ফাইকা ।

খুমতয়া

- : ফাইদি চাঙ সালসা নীঙ বাই থাঙগই দাদা
গমাঙনি নগ' বেরাইলায়ই ফাইলাইয়ানী নীঙ
বাই কীনাই খায়ই ।

মেৰুডা

- : হিমনাবা নীঙ বাই কীনাই খায়ই বিনি নগ'
থাঙগই বেরাইলায়ই ফাইলাইনানি-বা তাম

খুমতয়া

তঙবা । কামিঙ খুঙসাত থাংগই বেরাই- লায়ই
ফাইনানিবা কুসতাম কীরাইবেলে ।
: আউ আবত আবতাই-ন । তাম দাদা গমাঙনি
বিহিগ বাচাইনসে সাক কুপুলঙ উঙগই তঙখা
হিনই খীনাঅ । সাক কুপুলঙ- রক উঙগই
তঙখাইলে চাঙ বেরাইনানি হিনই থাংকাই অ
বাচাই বেজুউা নাঙজাগানু তাবুক থাংগই
বেরাইনানি হিনমানি চানিয়াখু ।

মেরুউা

: আবতাই বাচাই সাক কুপুলুঙরক উঙগই
তঙখাইবা তাবুক বরঅ বেরাইনানি থানানি
হিনমানি উঙসিনানি সীলাই, থানানি-ন
হিনকাই অ বাচাই বাগীরাথন সেঙগীরাথন,
উল-অ থাঙলাইয়ানীতা কীচাঙ কীচাঙ
খাইয়ই-ন ।

খুমতয়া

: আউ উল ফা-ন থাঙলাইসিডানীতাখাই, তাবুক
মীতাই ফুবুঅ থাঙকাই বাচাই বেজুউা
নাঙজাগগানী, আববাই-ন তাবুক থাংলিয়া
উল-ন থাংসিনু ।

মেরুউা

: আউ উল-ন থাঙলাইসিডানী ।

মেরুউা বাই খুমতয়া থাংকা ।

কলকসা বাই মাখুকসা ফাইকা ।

মাখুকসা

: চিনি দফিদার কামিঙনি জতনি সীলাই বরক
কাহাম সাব উঙন নীঙ ম সাঅইদে মান ?

কলকসা

: নীঙ সাঅই মানয়াদে ?

মাখুকসা

: মানয়া, সাঅই মানয়া উঙগই-ন নন সীঙতা ।

কলকসা

: ম কামিঙনি জতনি সীলাই বরক কাহাম-ন দাদা
গমাঙতা তাই অ ককন সানানিদে নাঙবা ?

- মাখুকসা : আউ আবলে আহাই-ন উঙগানী ।
- কলকসা : তাম আবলে উঙগানী আব কুকুবুইতা ।
- মাখুকসা : আঙলে তাতাল কিসা কিসা মা সানাই তাতাল
সায়্যাই তঙগই মান', খুকবুকচা হাই খাইয়ই ।
- কলকসা : নীঙ বরক কাহাম উঙনানি হিনকাই তাতাল
বুইতাল সায়্যাই-ন মা তঙনাই । তাতাল বুইতাল
সাখাইবা নীঙ বেজানদে চাঅই চুগই থাঙন-বা,
তাতালন সাখাইবা বেজান খায়ই চায়্যাসে
উঙগই থাংবেলে নিজি-ব হাময়া হিনজাগ' ।
বুই নন ম তাতাল সানাই বরক হিনই সাঅই
মানখাইত নীঙ কালিনি বাগই-ন বলে তাতাল
সানাই বরকসে হিনজাগই থাংসিনাই ।
- মাখুকসা : আহাই কাই আঙ তাতাল সাঅই তঙমানি
চায়্যাসে উঙগই তঙখানা ।
- কলকসা : আব য়াকাই তাম সীলাই চায়্য উঙসুগই
তঙখাতা হিনু নীঙ তাতাল-ন সাঅই তঙখাই
নীঙ আব-ন খিবই রিনানি খাই আব তাবুকয়া
তাতাল সামানি আব কাহাম দেবা, আব হাই
হাময়া কক তাই কীরীই ম হা সাকাঅ ।
- মাখুকসা : আউ নিনি আব সই কক-ন ।

কলকসা বাই মাখুকসা থাংকা ।

গমাঙ বাই গুনাতি ফাইকা ।

- গুনাতি : এই নীঙ চিনি বীসান চীলাদে হামজাগ বীরীই ?
- গমাঙ : আঙ চীলা-ব হাম জাগ' বীরীই-ব হামজাগ,
বীসাবা চীলাবাই বীরীই হিনকাই বাকসা-ন
বাকসা জত-ন সমান । নীঙ সীলাই চীলানদে
বিসি হামজাগ বীরীই-ন ?

- গুনাতি : চীলা হিনকাই মিরিকতা বীরাই হিনকাইবা
থানদাতা, আনি বহগনি বীসা তাবুক আচাই
খাই বীরাই-ন আচাইথন, বীরাই হিনকাই
থানদা-ব উঙগ চীলা হিনকাই তুঙগ।
- গমাঙ : আচাইথন জেসা ফান।
- গুনাতি : নীঙ বীরাই আচাইখাই চাজাগয়া উঙনাতা না?
- গমাঙ : আবতাই ককয়া আচাইথন জেসাফা-ন চীলা
বাই বীরাই বাকসা-ন, বাগসা চীলা কীরাই
খাই-ব উঙয়া বীরাই কীরাই খাই-ব উঙয়া।
চীলা-ব তঙনানি নাঙগ, বীরাই-ব তঙনানি
নাঙগ।
- গুনাতি : আবত আহাই-ন তবে নরগনি চীলারক চিনি
বীরাইরকন বিসি খায়ই তনিনানি নাইয়া জত
জরাঅ-ন বীরাইরকন খাই তলাঅ-ন বিসি
খায়ই-ন তনিনানি মুচুঙগ। আব-ন নরগনি
চীলারকনি রাইদাঅ রাইদান নরগ খিবনানি
মুচুঙয়া।
- গমাঙ : নরগ বীরাইরক চিনি সীলাই বিসি খায়ই লায়ই
থানানি বাগইদা? আববাই-ন চাঙ চিনি সীলাই
লাইরিনানি মুচুঙয়া।
- গুনাতি : চিনি বীরাই কীরাই খাই নরগ বানচেয়া।

গমাঙ বাই গুনাতি থাংকা।

গইরাম, হাইরাম তাই তনাই ফাইকা।

- হইরাম : আবনি উলখাই তাই তা-ম উঙখা দাবুরা?
- গইরাম : আবনি উল খাই গমাঙনি বীসাদে আচাই খা
সাদি দাবুরা। আচাইখাই অ বীসা চীলাদে বীরাই
উঙখা সাদি।
- তনাই : গমাঙনি বিহিগ গুনাতিনি বীসা বীরাই আচায়ই

গুনাতি কিসানি খাই হামজাগ মানিলিয়া জে
 বীসা আচাইদরপনি সিমি অ বীসাজীকন বামই
 তঙমানি হাঅ হিনই বেরাঅই কিসা ফা-ন
 তনিলিয়া, সমানে-ন বামই সিমিসে তনসিঅ।
 গমাঙনি বীসা বীরাই আচায়ই হরচুকু উঙগই
 থাংখাই-ন গমাঙ কীরাইজা ফা-ন সানই বিরই
 বীসাজীকনি আবুল সুকা, খরকসা খরকনাইন
 কীচারই নাহারই তুবই কুসু হম হম দম দম
 ডাসেক ডারেঙ খাইয়ই-ন অচাই কুমাজীকন
 নাহারই-ন আবুলন সুখা, গমাঙ অ আবু সুনানি
 আগিঅ দাঙগাইমা দাঙগাইফা ফীরাইঙগই
 কীলাঙগই থাংমানি হুকুমু মুকুমুনি রিতিনিতিন
 তীয়ই-ন বীসাজীকনি আবুলন সুকা মুঙখাই
 অচাই গমাঙনি বীসাজীকন কীরাইজা নকনি
 বীসা হিনই কুবজা হিনই ফারই রিখা। অ কুবজা
 হিনই অচাই মুঙ ফারই রিমানি বাই
 আবুলসুতানি গমাঙ বাই কীচারজাগই
 থাংনাইরক জত-ন চাজাগ বায়ই য়াফা
 তামলায়ই অ চেরাই কীলাইন জত-ন হামবাই
 রিখা হামই তঙথন চাঅই তঙথন হিনই। বুমা
 গুনাতি -ব চাজাগখা কাহাম-ন উঙখা
 খীনাৎক-ন উঙখা হিনই। অ কীলাইনি বুফা-ব
 চাজাগই খীনাৎকজাগখা। গমাঙনি
 বীসাজীকন আবুল সুমানি কক অর-ন পাইখা।

গইরাম

: গমাঙনি বীসাজীক আচাই অই আবুল সুমানি
 খীনাকা তাবুক নীঙ চাঙন তাই থাইচা রীচামুঙ
 রীচাবই খীনারিদি দাবুরা।

হইরাম

: আউ দাবুরা নীঙ চাঙন তাই থাইচা রীচাবই
 মা খীনারিনাই-ন খীনতকন নায়ই মা
 রীচাবনাই।

তনাই রীচাব’

সাগর’ তঙনাই সাগর সিকামবুক

অ ডারীক চিরমানি ডাবুক

বীখা বিসিঙগ খাতাঙগই তঙখা

তাম খাই তঙনানি তাবুক।

রাজা তীহমানি চাবুক

অ য়াগ’ তীহমানি দাসা দাকুবুক

মীনাইন মইতু খাই মাইন চামানি

তাম কুবুক কুবুক।

নাইথক তিয়ারি তীয়বুক

অ উনি ডামথা কুবুক

মীনাই চিকনসঙ সাবন উনসুক

কাবইলে মা তঙ খা সুবুক।

রাইসক মাইসিঙসা তানখা দা কুবুক

উনি হর সমা হদুক

বীখা তীহখীনা জলেজাগখীনা

নাঙখা বীখাঅ দুকদুক।

রাঙগামাতিনি তীহসা

নাঙখা কীপাল’ দসা

বুইনিলে হাময়া আনি নাহইয়া

নীঙন আনিলে কাইসা।

সাইচা মুইকীরীঙ যঙসা

থাইকীলাই তকসা মাসা

তাকীলাই বসর থাংসীলাবনিয়া

ফীনাঙ থিবানী দসা।

তীহখেরেঙ গাতি চাউনানী উইসা

পানথর কুনাত মাইন সঙগানী

বীখা পিরিতি নীঙ বাই রিলাইয়ই

চাই মান’ মাইন ফাইসা।

দাঙদাঁরীঙ কাকথন

চিনি মারিবা তঙথন

খাঁইয়াসাক-ন মুইতু খাই থানাই

নীঙবাই মাই চামা উইসা।

- গইরাম : নিনি ম হাই রীচামুঙন আঙ উইসা ফান
খীনায়াখ, তাবুক-ন আঙ খীনাঅ।
- হইরাম : আঙ-ব নিনি মতাই হাই রীচামুঙন খীনায়াখ
তিনি-ন আঙ খীনাঅ আঙ নিনি
রীচাবমুঙরকন মাসে মা সীরাঙনাই।
- তনাই : হাই সীরাঙগই নারীকবাইদি নরগ মীতাই
রীচামুঙন তাই বর মানসিনানি-বা তাবুক নরক
সীরাঙগই নারীকয়াখাই। জেসা ককমুঙন
হিন-ব জেসা রীচামুঙন হিন-ব সীরাঙগই
নারীকমানি-ন কাহাম। সীরাঙগই নারীকয়াসে
হাময়া।
- গইরাম : আঙখাই কালি-ন জবা মানফুরু নিনি নগ'-ন
ফায়ই সীরাঙফাইয়ানী নিনি রীচামুঙরকন।
- হইরাম : আঙ-ব ফাইয়ানী দাবুরা লগি মানখাই তেইব
তুবই ফাইয়ানী।
- তনাই : তুবই ফাইদি সীরাঙ ফাইবাইদি, তাবুক
থাংলাইসিডানী।

গইরাম, হইরাম তাই তনাই থাংকা।

মেবুডা বাই খুমতয়া ফাইকা।

- খুমতয়া : উসীকাঙগ মামা তনাই কেরেঙ কথমা সাতানি
রীচাবমানি আব কিসা খাই খীনা- তকলিয়া
হিনবেলে। জে ককথাই ককথাই খাই সাঅই
জে রীচাব হিনমানি জত-ন খীনানাইরক
বীচা-র বীচা-র খায়ই মা তঙবাইখাফন।

- মেৰুডা : অ আবতাইদে উঙগই মা তঙবাইখা হিন।
 ৰীচামুঙ কীৰীঙরকবা ৰীচাবখাই আবতাই-ন
 উঙগই মা তঙনাইতা।
- খুমতয়া : আনি জরা হিনই কীৰীই বাইসে আঙ-ব
 সীৰীঙগই মানখামনতা।
- মেৰুডা : আফুৰু-ব জরা কীৰীই আফুৰু-ব জরা কীৰীই
 হিনই মাঙ তঙখাই আবদে তাই সীৰীঙমুঙ
 হিনই তঙসি। জরা কীৰীই ফা-ন সীৰীঙনানি
 হিনকাই উইসিগই-ন মা সীৰীঙনাইতা। হিমদি
 জেফুৰু জরা কিসা মান' আফুৰু-ন থাংগই
 সীৰীঙলাইয়ানীতা হিমদি আঙ-ব নন লগি
 ৰিতাই আঙব সীৰীঙগানু, চাঙ কীৰীই-ন
 সীৰীঙ- লাইয়ানীতা। জরাদে তাই মান'
 সীৰীঙখাই সীৰীঙনানি আবসে কক।
- খুমতয়া : আহই খাইবা কক কাহামসে, হিমদি খীনানি
 সিমি-ন থাংলাইয়ানীতা।
- মেৰুডা : হিমনাবা থাংলাইয়ানীতা।

মেৰুডা বাই খুমতয়া থাংকা।

গমাঙ বাই গুনাতি ফাইকা।

- গুনাতি : নীঙ তিনি মাই মুই কিসা সঙগীৰাদি-দ, আঙ
 আনি মাতিঙন কিসা বামই উয়িঙগ মুথুঅই
 ৰিগীৰানাখু, আঙ মুথুবায়ই মুইদে সঙপায়ই
 মান-ন নাইগীৰানাখু।
- গমাঙ : নিনি বীসা হিনই নীঙন বামদি নীঙন উয়িঙগ
 চেকেবই মুথুদি নিনিলে বীসা অগবা, আনিলে
 বীসা অগয়াবা আঙখাইমা বাময়াঅই-ন মা
 তঙগ, বামদি নিনিলে বীসা অগবা।

গুনাতি

: আবতাই হিনই কক তঙ হিন নীঙব বুফা
অগ-ন নীঙ তাই কিসা তঙগই উ-ল নন বামদি
হিনতা, তাবুক আঙ উয়িঙগ মুথুবাই খাই
নীঙন সীকাঙ বামদি। আর-ব বীসা-ন হিনই
বুরারক কইকীরীঙ হাই কয়ই তঙখাদীলা।

গমাঙ

: আঙ নন বুরাবীরীচীক কয়ই তঙমানি হাই
খাই ফুনুকখাবা, আঙবা নীঙ সিমিসে বামই
তঙগ আনবা বা-ন বামরিয়া হিনকাই ননবা
হিননানি-ন বেলে আন উইসা ফা-ন বামরিয়া
হিনই।

গুনাতি

: নীঙ কইয়া উঙগানী আঙ বাইসে ককন
সাতালিয়াদে, ববা কইতেয়াফন বরক কয়ই
তঙমানি-ন জুদা উঙগই তঙগ, আঙ খাই
সাই মানয়াদে নীঙ কয়ই তঙমানি।

গমাঙ

: নীঙ আন খাই কক কীরীই-ন কক তাগই সাঅই
মান’। নীঙ হাই কক তাগই সানানি কীরীঙ
বীরীই তাই বর তঙ, নিনি মুঙ গুনাতিয়া, নিনি
মুঙ খাই কক তাকতিসে।

গুনাতি

: নীঙন আনি মা-বা উঙখাতা আন মুঙ ফারনাই।

গমাঙ বাই গুনাতি থাংকা।

কলকসা বাই মাখুকসা ফাইকা।

মাখুকসা

: ফাইদি নিনি বাই আনি মুঙ রীবাই চীঙ য়ার
খালায়ই থিবানী চিনি মুঙ রীবাই-বা। তাম তঙ
বায়াপ খানানি-বা?

কলকসা

: অ-আহাইখেবা কাহামনি কক সেবীলা বায়াপ
খালাইমানি-বা আহাই তিনিনি সিমি-ন নন
আঙ য়ারসে হিনই মানখাতা।

মাখুকসা

: তামঙগই য়ারবা হিনই মানয়া উঙনানিবা?

তিনি নীঙ বাই য়ার রিঙলায়ই সালচা নিনি নগ’
ফা-ন আনি নগ’ ফা-ন পানদা খায়ই য়ারন
খালায়ই খিবলায়ই মানতা।

কলকসা : আবতাই-ন খাইলাইনানিতা, য়ার কীরাগ
উঙনানিবা। চীঙ য়ার খালাইথানি খরকসা
খরকসুত অকীরা চাকীরক মানজাগমানি
নাঙগানীবেলে।

মাখুকসা : আবলে কুবুই-ন য়ার অকীরারক খাই কিসা
মানজাগমানি-ন নাঙগ, আহাইয়া খাই বাহাই
চানানি সীলাই?

কলকসা : আউ য়ার, অ চীঙ য়ার খাপুরু দা গমাঙন
খরকসা রিঙদি ফায়ই কক কাহামন সানানি
বাগই।

মাখুকসা : আঙ নীঙ বাই য়ার খাবাইগীরানাখ, চীঙ
থাংগই দা গমাঙনি থানি জাতেরে জাত ককন
সীরীঙগইনানি।

কলকসা : আউ য়ার নিনি অ কক খাই সই-ন, বিনি থানি
গিলামা কক কাহাম কাহাম তঙগ চীঙ জতত
সীরীঙগইসে নারীগই মানবাই- সুকনিয়া বিনি
থানি।

মাখুকসা : তে-ব জে সীরীঙগই নারীগই মানমানি আসীক
ফা-ন সীরীঙগই নারীকগানীতা য়ার।

কলকসা : আউ আবলে আহাই-ন, কিসা কক কাহামন
সীরীঙগই নারীক মানমানি হিন-ব কমদা?

মাখুকসা : চীঙ য়ার খাবাইগীরানাখ, য়ার বিনি অ কক
কাহামরকন সীরীঙনাই-ন সীরীঙনাই।

কলকসা : কক কাহামন সীরীঙয়াখাইবা কক হাময়া-নদা
সীরীঙনানি-বা, কক কাহামন-ন সীরীঙনানি
তা য়ার।

কলকসা বাই মাখুকসা থাংকা ।
তনাই বাই নমাই ফাইকা ।

- নমাই : দাকতি নীঙ মাই চাঅই তঙসকদি, অ নিনি
থানি কেৱেঙ কথমা খীনানাইরক তাই
সীরাপসাখাই ফায়ইসে সকাফাইলাইয়ানী নিনি
থানি কেৱেঙ কথমান খীনানানি বাগই ।
- তনাই : আউ চাউনানী তা হি-ন, কেৱেঙ কথমা
খীনানানি ফাইনাইরকনি বাগই আঙ আসীকদে
কাফীরাই তঙনানিবা ?
- নমাই : বরক বেলে নিনি থানি কেৱেঙ কথমান
খীনানানি হিনইসে ফাইঅ হিনকাই নীঙ বেলে
ফুতানি হাইসে উঙগই তঙনানি হিনকাই বুকুঙ
কতর তম-র ম-র উঙগই । বরক হিনকাই
তম-র ম-র ফুতানি উঙগই তঙনানিসে ককয়া ।
সাই মাননাই বরক হিনকাই জতনি সীলাই
চিকনসে উঙগই তঙনানি কক । বরক উঙগই
ফুতানি-ব সানানি ককয়া, বরক উঙগই জেতাই
মাতাই সানানি-ব ককয়া অজন খায়ই সানানি
কক বিসি লাইখাই বুইবাই হিনজাক তঙনানি
রীঙয়া সানানি রীঙয়া হিনই নীঙ কেৱেঙ
কথমান সানাই বরক নিয়াদে, আববাই-ন নিনি
থানি বরক খীনানানি ফাইঅ নিয়াদা ?
- তনাই : আঙব ফুতানি উঙয়া বেলে, বরক ফাই-
গীরাথনতা সাঅই খীনারি উনাতা, আঙ জে
মানমানি, সাঅই-ন খীনারিনাই তা, বুইব জতন
খীনাঅই সীরাঙগই নারীক বাইথন ।
- নমাই : আউ আবতাই-ন খাইবাইথন । নীঙ কেৱেঙ
কথমান সাঅই খীনারিমানি উল' চিনি
সিরিসিতিনি উলনি বররক ম কেৱেঙ কথমান

- সালাইনিয়া সীকীমালায়ই খিবই রিবাইয়ানী।
- তনাই : চিনি উলনি বররক চিনি মুকুমুন নারীকয়া
উঙলাইমানি আব চাঙদে খাইবা আব চাঙ
খাইয়া, বরক নারীকলাইয়াবা জেসা ফা-ন
উঙথনতা আবদে চাঙ তাই সাতই মালাঙসি
সীলাই?
- নমাই : আউ আবলে আবতাই-ন।

তনাই বাই নমাই থাঙকা।
তনাই, গইরাম, তাই হইরাম ফাইকা।

- হইরাম : চাঙ ফাইসাউখা দাবুরা নিনি থানি, নীঙ কেরেঙ
কথমান সাবাইয়া বারান চাঙ খীনানানি হিনই।
- গইরাম : তিনি নিনি থানি কিসা খীনাকাই উল' পাই সুগই
খীনাউনৌ তা, চাঙব নিনি থানি কেরেঙ
কথমা-ন খীনাঅই সীরাঙনানি
নাঙগানীবেলে।
- তনাই : দ আনি থানি কেরেঙ কথমান খীনাঅই
সীরাঙগই-ন তীলাঙনানি নাঙতা, খী-ব
খীনাদি সীরাঙ-ব তীলাঙদি। আনি ম কেরেঙ
কথমাঅ কীচার কীচাব কক কাহাম সাজাগমানি
গিলামা তঙগ। নরগ থিক খায়ই খীনাকাই
বুজিউনৌ বব কক কাহাম।
- হইরাম : আউ দাবুরা কেরেঙ কথমা-বা কক কাহাম
বাই-ন সাপুলজাগতা, বিনি মুঙন কেরেঙ
কথমা নিয়াদা। কক বানকজাগ-ব তঙনাই কক
বানকজাগয়া কক সহ-ব তঙনাই।
- গইরাম : আউ আবলে আবতাই-ন আববাই কেরেঙ
কথমান খীনালাইনানি কক, মুঙ কেরেঙ কথমা
ফা-ন আর সীরাঙগই থানানি কক গিলামা-ন

তঙগ, ককনি বীখাতাইন বুজিনানি হিনকাই
খীনানি নাঙনাই-ন। দাবুরা সাদি কাই তাবুক
সীকাঙ সামানি কেরেঙ কথমান।

তনাই

: তাবুক আঙ সাডানী খীনাদি।

মেরুডা বাই খুমতয়া ফাইকা।

খুমতয়া

: উসীকাঙগ মাখুকসানি নগ' মাখুকসা বাই
কলকসা য়ার খালাইতানি কীচারজাগই আঙ
থাঙগই ফাইকা, অ য়ার খাতানি বরক অকীরা
চাকীরারক জত-ন ফাইবাইখা বেলে। দাদা
গমাঙ তাই বিহিগ বাচাই-বত ফাইকা অ বীসা
কীলইন তুবই। নন হিমদি হিনই আঙ লগি
সমানি-ব নীঙ থাংলিয়া হিনকাই আঙ
সাইচীঙ-ন মা থাংকাতা।

মেরুডা

: বুবতীই উঙখা সীলাই বরগ য়ারতাই
খালাইমানি মাই মুইরক থদে থকবাইখা।

খুমতয়া

: বা, বা, বুই হামজাগলায়ইসে য়ার খালাই- মানি
হিনকাই আর মাই মুই থকয়া হিনই তঙন?
আর ফায়ই জে মাইন চানাইরক জত-ন
মাইমুইন থকজাগবাইখা জত ন-ন মাইমুইন
থককা হিনই সালাইমানি খীনাঅ।

মেরুডা

: আঙ-ব থাংজাগলিয়াতা, আঙ-ব য়ারতাই
খামানি মাইমুইন মীচাখামন।

খুমতয়া

: নন আঙ সায়াদেবা হিমদি সীরাবসা থাংলাইয়ই
ফাইলাইয়ানী হিনই, তাবুক মাই মুই কথক
মীচায়া বুখুক রামপীরাঅই তঙদি মাইমুই কথক
মীচায়া উঙগই।

মেরুডা

: আঙ চাডানীতা সালচা।

মেবুড়া বাই খুমতয়া থাংকা

- তনাই : মেবুড়া বাই বিহিগ খুমতয়া খাচুকসা বাই
কলকসা য়ার খাতানি খরকনাই খায়ই
থাংলাইয়া উঙমানি বাই বরগ হিচাকনাই
আবতাই খায়ই মাই মুই থকমানি ককন সালাই
তঙখাতা ।
- গইরাম : আবনি উল' খাই তাই তাম উঙখা সাদি দাবুরা ?
- তনাই : আবনি উল' তাই তাম উঙখা আঙ সাউনী
নরগ তাবুক খীনাди दादासङ्ग, तावुक साउनी
माखुकसानि कक बाई बनि यार कलकसानि
ककन ।

माखुकसा बाई कलकसा फाईका ।

- कलकसा : यार आगिअ नौङ बाई सालाईमानि तङ्ग नौङ
बाई यार खाबाईअई दा गमाङ्गनि थानि थांगई
कक काहाम सौरौङ्गलाइनानि हिनई सालाईमानि
आब बुफुबुअ चुङ थांग्लाईनानि सीलाई यार ?
- माखुकसा : आउ कुबुई-नता ना यार, फाईदि ब साल'
थांग्लाईनानि साल-न थिक खाईदिता यार, नौङ
जे साल थिक खाईअ आङ्ग अ साल'-न थानाई,
नौङ तावुक-न थिक खाईदि यार ।
- कलकसा : थानानि हिनकाई सौकाङ्गनि रववारनि साल'
हिमलाईखाई तामङ्ग सीलाई यार ।
- माखुकसा : थांगई मानलाईबेले अ रववारनि साल' फा-न
तामले तङ्ग्वा, नग' हामया चाया कौराईखाई-न
पाईय । हामया चाया तङ्ग्खाईले ककवा थांगई
मानया उङनानि ।
- कलकसा : आउ आवले आहई-न यार । अ दा गमाङ्गनि
नग' थानानि साल खाई आङ्ग निनि नग तहई-न

ফাইয়ানী য়ার, আঙ য়াঙতাই খায়ই ফায়ই-ন
নৌঙবাই তাখুকনাই খায়ই নৌঙ বাই থাং
পাইয়ানী য়ার ।

মাখুকসা

: আউ য়াঙতাই-ন ফাইদি য়ার ।

মাখুকসা বাই কলকসা থাংকা ।

হইরাম

: তাই তাম উঙখা দাবুরা ?

তনাই

: তাবুক তাই সালিয়া উল' সাচিউনৌ তাবুক নরগ
থাংবাইসিদি ।

গইরাম

: আউ তাবুক থাংকা খাই দাবুরা ।

তনাই, হইরাম, তাই গইরাম থাংকা ।

হইরাম, গইরাম, তাই তনাই ফাইকা ।

গইরাম

: আবনি উল' খাই তাই তাম উঙখা দাবুরা ?

হইরাম

: চাঙ কৌচাঙ কৌচাঙ খাই-ন খীনাউনৌ নৌঙ
কেরেঙ কথমা সামানিন ।

তনাই

: তাবুক আঙ হজলাইতিনি কেরেঙ কথমান
সাতই খীনারিউনৌ, তাবুক নরগ খীনা- বাইদি
আঙ সামানিন ।

হইরাম, গইরাম, তাই তনাই থাংকা ।

গমাঙ বাই গুনতি ফাইকা ।

তাই খীনানাই বরকরক-ব ফাইনাই ।

গুনতি

: বর আঙ বুইনি বুখুগ' কিসা খীনামানি কলকসা
বাই মাখুকসা য়ারতাই চিনি নগ' ফায়ই নিনি
থানি কক কাহাম কাহামন সৌরীঙনানি হিনই
ফাইলাইনানি হিন- বেলেনা আব কুবুইদা, নৌঙ
আ-ব সাতই দে মান ?

গমাঙ

: সিয়া-দ আবতাই কক আঙ খীনাখ, নীঙ খাই
বর খীনাকা সীলাই? দ-ফাইতনতা জে আঙ
কক কাহামন সাঅই মানমানিন আব নন সাঅই
মানখাইবা সাঅই রিহর ডানীতা। সাঅই-ন
মানলিয়া খাইবা সায়াঅই তঙগানীতা। ব-সাল
ফাইনানি নীঙ সাঅই দে?

গুনাতি

: তাম সীকাঙ রববারনি সালরগ' ফাইনানি হিনই
সালাইয়াখাই তাম সীলাই, অ সাল- রগ' ফান
ফায়ই মান'। তেব নীঙ অ সাল- রগ' নগনি
তা কুতুলদিতা, ফাইনানি কক হিনকাই
ফায়লাইয়ই ফান মান'।

গমাঙ

: দ, আহাইকাই নগনি কুতুলায়অই তঙগানীতা।
বরগ বা আনি থানি ব কক কাহাম-নব
সীরাঙনানি-বা উঙখা আঙ কুসতাম কক
কাহামন মানয়াবেলে।

গুনাতি

: বুবতাই কক কাহাম-ব নিনি থানি সীরাঙ- নানি
উঙখা তাম হিনই সানানিবা?

গমাঙ বাই গুনাতি থাংকা।
হাইরাই বাই কুসুতি ফাইকা।

কুসুতি

: চাঙ আগিঅ দাদা গমাঙন আসীক বরক কাহাম
হিন-ব সিয়া, আসীক কক কাহামন মান'
হিনই-ব সিয়া, তাবুক খাই বন বন সামানি
খীনাঅ গমাঙ হাই কক কাহামন মাননাই চিনি
কামিঙগসে তাই কীরাই ফন, কক কাহাম
সাঅই মাননাই।

হাইরাই

: বরক কাহামরক হিনকাই কক কাহামন
মানয়াইয়ই তসে তঙয়া। ব বরক-ব কাহাম
হিনকাই বিনি থানি কক-ব কাহাম-ন

- মাননাইতা, বরক হাময়া হিনকাই কক-ব হাময়া
মাননাইতা।
- কুসুতি : তে-ব দাদা গমাঙনি বীসা বীরীই খরকসা
উঙজাখা।
- হাইরাই : অ দা গমাঙনি বীসা চীলা হিনকাই তাই কিসা
কাহাম উঙখামনতা, বীরীই উঙগই বিসি
কামাইথালিয়াতা।
- কুসুতি : বীরীই হিনই তাই তাম উঙনানিবা বীরীই সে
বিসি কাহামবীলা সীলাই, বীরীই জে কাম-ন
মানমানিসীক চীলারক মাদে মানবা,
বীরীইবেলে তে জতনি-ন বুমা উঙগই মান'
চীলারক আবতীইদে মানবা? চীলারক থপচা
ফান আবতীইন মানয়া।
- হাইরাই : আবলে নরগ বীরীই জে খায়ই মানমানি- সীক
চীলারক আবসীক মানয়া।
- কুসুতি : চিনি বীরীইরকনি ফান কিসা কীরীই বাই সে,
উঙয়াখাই চীলারক চীঙন পাসে
পাইগীলাখামন, জেসা জাগাত ফান চিনি
বীরীই ফান কিসা কীরীই উঙমানি বাইসে।

হাইরাই বাই কুসুতি থাংকা।
কলকসা বাই মীলাঙতি ফাইকা।

- মীলাঙতি : নরগ য়ারতাই দাদা গমাঙনি থানি কক
কাহাম-ন সীরীঙনানি হিনই থাঙলাইনানি
হিনমানি আব বুবতীই কক কাহামন
সীরীঙলাইনানি সীলাই, নরগ খাইবা কক
কাহামন মানলাইয়াদে তাম, সানানি রীঙখাই
জত-ন কক কাহামবেলে, সানানি রীঙয়াখাই
জত-ন কক হাময়া- বেলে, আবদে উব কক

হাময়া উব কক কাহাম হিনই তঙ। নরগ
য়ারতাই সৌরীঙদি নগ’ তঙতীতাই-ন কক
কাহাম কাহামন।

কলকসা : নৌঙ সামানি আবতাইয়াবেলে, ককনি বিসিঙ
কাক তঙগ কাকনি বিসিঙ কক তঙগ, আবতাই
ককরকনসে চাঙ য়ার বাই তাখুকমাই খায়ই দা
গমাঙনি থানি সৌরীঙনানি হিনই চাঙ থানানি।

মৌলাঙতি : দ-নরক বৌসীক কক কাহামন সৌরীঙগই
তুবলায়ই ফাইলাই আঙব নুগগানৌ নরগনি কক
কাহাম সৌরীঙলায়ই তুবই ফাইমানি ককন
বৌসীক কাহামবা উঙখা অ ককবা।

কলকসা : চাঙ য়ার বাই সৌরীঙলায়ই তুবই ফাই কাই
নৌঙ জেতাই-ন খীনাডানৌ আনি থানি।

মৌলাঙতি : বুবতাই কক কাহাম-ব উঙখা আঙ-ব
সৌরীঙগই মানখামন নৌঙন সৌরীঙগই মান
খাই আঙ-ব সৌরীঙগই মান’।

কলকসা : দ ,আঙ সৌরীঙগই খিবগীরানাতা, নন উল
ফৌরীঙগানৌ নৌঙ বাই আঙ চাঙ কীনই-ন কক
কাহাম সানাইরক হিনজাগনানি বুইবাই।

কলকসা বাই মৌলাঙতি থাংকা।

মাখুকসা বাই হেলেঙতি ফাইকা।

হেলেঙতি : নরগ য়ারতাই তাখুকনাই বুফুবু দাদা গমাঙ-
নি কক কাহামন থাঙগই সৌরীঙলাইনানি
সৌলাই?

মাখুকসা : কক হাময়ান খিবিঅই কক কাহাম সামানি
সৌরীঙলাইনানিতা।

হেলেঙতি : আব বুবতাই জাত কক কাহাম কক কাহাম-
নবা নগ’ খাই সৌরীঙলায়ই মানয়াদেবা, নৌঙ

- বাসীক সৌরীঙনানি নগ' আচুক- তাঁতাই কক
কাহামনবা ।
- মাখুকসা : আবতাইয়া চাঙ চাঁরাই ফাঙসিনি বিনি কক
হাই চাঁঙ কিসাফান খীনায়া আবতাই
ককরকনসে চাঙ সৌরীঙনানি আবতাইনি
বাগইসে চাঙ দা গমাঙনি থানি থাংগই কক
সৌরীঙগইনানি, তাবুকলে নৌঙ বুজিখাদে ।
- হেলেঙতি : আউ তাবুকসে নিনি ককন বুজিসুগখা । বুফুরু
থাংলাইনানি সৌলাই নরগ ?
- মাখুকসা : থাঙলাইয়ানীতা তাই সালচা সালনাইনি উল' ।
মাখুকসা বাই হেলেঙতি থাংকা ।
হেলেঙতি বাই মৌলাঙতি ফাইকা ।
- মৌলাঙতি : মারে চিনি আবরক দাদা গমাঙনি থানি কক
কাহাম সৌরীঙনানি হিনই থাংলাইনানি হিনমানি
খাই বুফুরু থাংলাইনানি হিন নৌঙ সাঅইদে
মান ?
- হেলেঙতি : তাম আঙ আনি আবন সামানি খীনামানি খাই
তাই সানাই সালতাম তঙগইসে থানানি হিনই
সামানি খীনাবেলে মারে । আবলে থানানি খাই
থানানি হিনই আন সাঅ মারে ।
- মৌলাঙতি : মারে দাদা গমাঙনি থানি কক কাহাম
সৌরীঙ-লাইনানি থানানি হিনমানি আব
বুইতাই কক কাহাম হিনমানি আব । কক
কাহামবেলে বব, কক হাময়া বব তঙবা মারে ?
- হেলেঙতি : আবতাইয়া মারে, কক কাহাম হিনই-ন আলকা
তঙগ । রমদি নৌঙ কাহামকাই তঙদি কাহাম
কাই চাদি কাহাম কাই নায়ই নুগই সিনানি খাইদি
কাহামনি লামাতাই হিমদি ।
- মৌলাঙতি : অ আবতাই দা মারে । কক সিঁতীরা খাই বব

সীলাই মারে, আব বুবতাই ককনবা কক
সিতীরা হিনসীলাই?

হেলেঙতি

: কক সিতীরা খাই মারে, নীঙ থাংগই বুই বাই
ডালাইদি, বুই বাই থাংগই বুলাইদি, বুইনি নগ'
থাংগই খগইদি, বুইনি নগ' থাংগই দাকাতি
খাইয়ইদি, বুইন বুথারদি, বুইন তানই সুরই
রিঅইদি আবরক হাই কক হাময়াতা মারে।

মীলাঙতি

: অ আবতাইদা মারে আঙলে তাই কুবুনি ককসে
হিনই তঙবেলে।

হেলেঙতি বাই মীলাঙতি থাংকা।

গমাঙ, কলকসা তাই মাখুকসা ফাইকা।

গমাঙ

: নরগ য়ারতাইন উসকাঙগসে ফাইনাইনানি
হিনই খীনামানি তিনিদে নরগ ফাইলাইসি।

মাখুকসা

: চাঁঙ ফাইনানি হিনই তাবুকনি সিমি
হিনলাইমানিদে ফাইলাইয়ই মানয়া কাম
পাইলাইয়া বাই।

কলকসা

: আউ আবতাই-ন দাদা তিনি ফাইনানি হিন'
ফায়ই মানয়া খীনা ফাইনানিহিন ফায়ই মানয়া
আবতাই উঙগই লেরই থাঙলাই- খাতা,
আববাইসে ফাইলায়ই মানয়া উঙলায়ই তঙগ।

গমাঙ

: নরক তাম ককন সীঙনানি হিনই ফাইবা আন,
আঙ খাইবা বিসি কক কাহামন মানথানাইদেবা,
তব জে আঙ মাননিন সাউনৌ, আঙ মানয়ান
খাই সাতই মাননিয়াতা।

মাখুকসা

: কক কাহাম হিনমানি আব বুবতাই কক-ব
উঙখা আব নন সীঙনানি হিনই চাঁঙ ফাইঅ।

কলকসা

: কক কাহাম হিনমানি কক আব বুবতাই বুবতাই
তঙ আব নন সীঙগই সীরাঙগই তীলাঙগই

- থানানি হিনই-ন চাঙ নিনি থানি ফাইলাইয় ।
- গমাঙ : আব খাই কক কাহাম-ব কুল কৌরীই কক
সিতৌরা-ব কুল কৌরীই আবদে আসৌক
সাসুকগই মান ।
- মাখুকসা : কক কাহাম বুবতীই কক হাময়া খাই বুবতীই
আবন-ন চাঙন কিসা সাঅই খীনারিদি দাদা ।
- গমাঙ : পুইলা কক কাহামনদে সাগৌরানানি না কক
হাময়ান সাগৌরানানি নরগ তাবুক জে আন
সৌঙমানিন জে সাঅই মানমানিন আঙ সাঅই
খীনারিউনৌ, সৌঙদি নরগ তাবুক খাই আন
ববন সৌঙগৌরানানি ।
- মাখুকসা : কক হাময়ান-ন সাগৌরাদি দাদা ।
- গমাঙ : সাউনৌ আঙ উনসুগই খিবগৌরানাখু, তাবুক
লেলাবাইগৌরাদিখ ।

গমাঙ, কলকসা তাই মাখুকসা থাংকা ।

গমাঙ বাই গুনাতি ফাইকা ।

- গুনাতি : মরকদে অ য়ারতাইরক বরগ তাবুকবদে বব
কক কাহাম বব কক হাময়া বুজিঅই মানয়াখ,
বুবতীই য়ারতাইরক আবরক, অর নিনি থানি
তাখুকনৌ খায়ই রীক- থারলায়ই মা ফাইবা ।
- গমাঙ : নিনি আ কক আবতীইয়াখ, বাকসাবা সিনাই
হিনই বরক তঙগ, বাকসাবা সিয়া বরক হিনই
তঙগ, বরগ য়ারতাই তাখুক- নৌই হিনকাই বব
কক কাহাম বব কক হাময়া সাঅই
মানলাইয়াখতা, আববাই-সে আনি থানি কক
কাহামন সৌরীঙনানি হিনই ফাইবাইদৌলা ।
- গুনাতি : নৌঙ খাই তাবুক তাম কক কাহামন বরগন
ফৌরীঙগই রিহরনানি সৌলাই, বরগত নিনি

- থানি কক কাহামন খীনানি সীৰাঙনানি হিনই
ফাইলাইজাবাইখা।
- গমাঙ : বা! নীঙ তাবুক-বদে আনি বিহিগ উঙগই কক
কাহাম বব কক হাময়া বব সাঅই মানয়াখ।
- গুনাতি : মানয়াখ নীতা নীঙলে চীলাবা আর আর
থাংগই জাতেরেজাত ককমুঙন সীৰাঙগই কক
কাহাম কক হাময়া-ন সীৰাঙগই ফাইজাগ',
আবদে তাই আঙ নন পাইসি।
- গমাঙ : নীঙব আঙ হাই-ন নখরই থাংগই সীৰাঙদিতা
আঙ-ব নন মানা খাইয়াবেলে, বীরাই হিনই
নগ' খুচুরাই তঙখাই উঙয়া, বীরাই-ব থাংনানি
নাঙনাই বীরাই-ব নাই নানি নাঙনাই, আহাই
খাইসে সিনানি নাঙনাই উঙয়াখাই সিয়া উঙগই
নগ' চকচক আচুগই তঙনানি নাঙসিনাই বুইন
নুগতাই বুইন সিটাই খায়ই।
- গুনাতি : তাবুক আঙ নখরনানি-ব বীসা মাসা তঙতা
উঙয়াখাই আঙ-ব সবা পানদাঅ নখরই মান
খামন।
- গমাঙ : তাবুক সে বীসা গীনাঙ বীসা তরই নখর দিতা,
তাই গিলামা জরা তঙবেলে নখর- নানি
হিনকাই।
- গুনাতি : দ-আনি বীসা তরগীরাখনতা।

গমাঙ বাই গুনাতি থাংকা।

গমাঙ, মাখুকসা তাই কলকসা ফাইকা।

- মাখুকসা : দ-দাদা সাদি খাই কক হাময়ান-ন।
- কলকসা : আউ আবন-ন সাগীরাদি দাদা।
- গমাঙ : বুইন বুদি বুইন বুথারদি আব কক হাময়া, বুইনি
খকদি বুইনি নগ' দাকাতি খাইদি আব কক

হাময়া, বুইন থকেদি বুইন সলোদি আব কক
হাময়া, বুইন তাতাল সাদি বুইন বুইতাল সাদি
আব কক হাময়া, বুইন সীলাই মেৱে খাইমানি
আব কক হাময়া বুইন চাৱিয়া আঙ সাইচুঙন
চানানি চুকনানি হিনমানি আব কক হাময়া বুইন
চাৱিয়া খানিয়াঅই আঙ সাইচুঙন অগ পুঙগই
চানানি আব কক হাময়া, বুইন সেজাঅই ককন
সামানি আব ককহাময়া, আঙ কাইসান বুথারই
আঙ চানানি হিনমানি কক হাময়া, কাইসান
লামা কাহাম ফনুকয়াই লামা লামাত্রি
হিমরিমানি আব হাময়ানি কক। আঙ সাইচুঙ
বানচেঅই বুইন বুথারনানি হিনই সামানি আব
কক হাময়া। বরক উঙগই বরকন নাইসকয়া
আব কক হাময়া, নীঙ বরকন মায়া দয়া কাঁৱাই
উঙমানি আব হাময়া কক, নীঙ বরকন
গিনাইমানি আব হাময়া কক, নীঙ বরকনি
হাময়া খাইমানি আব হাময়ানি কক। আবন
কাৱই-ব তাই গিলামা কক হাময়া হিনই কক
তঙগ আবনি ফাইসিঙগ চাঙ থানানি ককয়া
চাঙ বরক মুনাইসু উঙগই। নৱগ-ব আবনি
ফাইসিঙগ তা থাংবাইদি নৱগ য়াৱ- তাই-ব।

মাখুকসা

: আউ দাদা নিনি বুখুগ'সে মীতাই ককন খীনা
বা আঙ আচাই ফাই মানি তাই আঙ কাইসানি
বুখুগ' ফান মীতাই ককন খীনায়াখ, নীঙ
উঙগই-ন চাঙন মীতাই খায়ই বব কক হাময়া
ককন সাই খীনানি।

কলকসা

: আঙ ব জে আচাঅই তৱই ফাইমানি মীতাই
ককন খীনায়াখ নিনি থানি তাবুক-ন পুইলা
খীনাগীৱাঅ।

গমাঙ, মাখুকসা তাই কলকসা থাংকা ।
মাখুকসা বাই হেলেঙতি ফাইকা ।

হেলেঙতি

: নরগ মিয়াঅ আনি কিচিঙ বাই দাদা গমাঙনি
থানি কক হাময়ান খীনানানি হিনলায়ই
থাংলাইমানি বুবতাই কক কাহামন
খীনাবুলাইখা সীলাই, আব বুবতাই বুবতাই
কক কাহামন নরগন সাঅই খীনারিখা সীলাই
নরগন ।

মাখুকসা

: আব তাবুক জতত আসীক সাঅই খীনারিঅই
মান-ন? বুইনি নগ' তা থকদি বুইনি তা হুইদি
বুইনি নগ' দাকাতি তা খাইদি বুইন তা সেজাদি
বুইন ফুতানি কক তাসাদি, বুইন তাতাল
বুইতাল তা সাদি বুইন তা থকেদি বুইন তা
সলেদি, বরকন বরক হিনদি আব তাঁই গিলামা
ককন চাঙন সাঅই খীনারিখা কুল কীরাই
খায়ই, আবতাই খায়ই দা গমাঙ চাঙন জাতেরে
জাত কক কাহামন সাঅই খীনারি খাই চাঙ
আফুরু খাই সাঅই মানখাতা কক হাময়াবা
মীতাইসে বীলা হিনই । বিনি অ কক খাই
নাঙমানি-ন আর নাঙয়া হিনই থাইচা ফান
কীরাই ।

হেলেঙতি

: নরগ অ কক কাহাম হিনমানি খাই বুফুরু থাংগই
খীনালাইনানি সীলাই চাঙব থাংগই খীনাঅই
মানখামনতা, যাঙ ন-গ কাম পাইলাইয়া
বাইসে ।

মাখুকসা

: নরগ থানানি নাঙয়া চাঙ য়ার বাই খীনালায়ই
ফাইকাই নরগন ফায়ই সাফাইয়ানী ।

হেলেঙতি

: আউ নরগ থাংগই খীনাঅই ফায়ই সাফাইদি
চাঙন, নরগ খীনাঅই ফায়ই সাফাইখাইন
উঙগ ।

মাখুকসা বাই হেলেঙতি থাংকা ।
কলকসা বাই মীলাঙতি ফাইকা ।

মীলাঙতি

: নরগ য়ারতাই কক হাময়ান খীনালাইনানি
হিনই থাঙলাইমানি বুবতীই কক হাময়া
সিতীরান সাঅই খীনারিখা সীলাই নরগ
য়্যারতাইন আব বুবতীই কক সিতিরাবা সাঅই
খীনা রিঅই হরকা নরগনবা, কক সিতিরা
গিলামা-ন তঙগ গাইজালাঙনাই গেলেলাঙনাই
মরকি নাঙগই উঙগই থাইনাই, বুইবাই
বুথারজাগই থাইনাই মীসা উথারজাগই
থাইনাই হাকর গেলেঅই মীনামই থাইনাই,
বুই বাই কাঁসীগই বুথারজাগনাই আবতীই হাই
কক গিলামা-ন তঙগ আবতীইদা নরগন সাঅই
খীনারিমানি দাদা গমাঙ বুবতীই ককন সাঅই
খীনারি নরগন?

কলকসা

: নিনি মনি সীলাই তেব বিসি কক হাময়া তঙগ ।
নিনি ম কক খাই কাঁইসান জলে অই সীলাই
খিবমানি ককসে ।

মীলাঙতি

: আব খাই বুবতীই কক হাময়া কক সীলাই দ,
নাঙ কিসা আন সাঅই খীনারিদি ।

কলকসা

: আবনি সীলাই কক হাময়া হিনকাই বুইনি নগ’
তা থকদি বুইনি নগ’ দাকাতি তা খাইদি, বুইন
তা সেজাদি বুইনি হাময়া তা খাইদি, বুইন
তাতাল তাসাদি বুইন তা থককদি বুইন তা
সলেদি, বুইন অসই তাবুদি, বুইন লামান কারই
লামত্রি তা ফুনুকদি বরকন বরক হিনই সৌঙদি
আবতীই তাই গিলা গিলা কক তঙগ আবতীই
ককন হিন’ হাময়া কক ।

মীলাঙতি

: অ আবতীইদা, আবতীই ককন হিনকাই চাঙ

অকীরা চাকীরাকনি সীরাঙনানি-ন
নাঙনাইতা।

কলকসা

: কক-ন তঙগ কক সীঙনানি হিনকাই, বুদদিন
সীঙনানি হিনকাই বখরক থাইতামন সীঙদি
হিনই।

মীলাঙতি

: আউ আবলে বখরক থাইতামন-ন সীঙনানি
নাঙনাই। আবলে বখরক থাইতামরক দগলাম
বারখাই-ন নন সিনিঅই খিবি ফন নীঙ
কাহামদে নীঙ হাময়াদে।

কলকসা বাই মীলাঙতি থাংকা।

মীলাঙতি বাই হেলেঙতি ফাইকা।

হেলেঙতি

: মারে তিনি কিচিঙসঙ তাই উইসা থাংলাইখা।
তিনি খাই বরক কক কাহামন সীরাঙলাইনানি
ফন, আবলে বরগন উসীকাঙগ দাদা গমাঙ
জে ককন সাঅই রিহরমানি অ ককরক বেলাই
কাহামনি কক। আবতাই ককরক আগিঅ খীনা
ফান আসীক জুইত খায়ই খীনাভাগয়াতা,
তাবুকসে কাহাম খায়ই বিনি থানিঅ
খীনাভাগ’।

মীলাঙতি

: আউ আবলে আহাই-ন মারে তাবুক বরক
ফাইকাই কক কাহাম বব চাঙ খীনাউনী।

হেলেঙতি

: বরগ খীনাঅই সীরাঙগই ফাইগীরাথন চাঙ
সীঙলায়ই নাইয়ানী বুবতাই কক কাহামন
নরগন ফীরাঙগই রিহরকা হিনই।

মীলাঙতি

: আবদে সীঙগই নাইয়া তঙ সীলাই মারে আববা
সীঙনাইন সীঙনাই, সীরাঙগই ফাইগীরাথন।

হেলেঙতি

: নিজিনি সাইনবা সীঙগই নাইনানি-নতা মারে।
তামঙগই সীঙগই নাইয়ই মানয়া উঙনানিবা ?

মীলাঙতি

: আউ মারে আবলে আহাই-ন।

মীলাঙতি বাই হেলেঙতি থাংকা।

মেরুউ বাই খুমতয়া ফাইকা।

খুমতয়া

: দাদা গমাঙনি থানিবা কুকুবুই খাই কক কাহাম
তঙ হিনবেলে কলকসা বাই মাখুকসা সঙ
বাইদা গমাঙনি থানি থাঙগই কক হাময়া
বুবতাই আবন থাংগই সীঙলাইখা হিনবেলে।

মেরুউ

: আবতাই য়াখাই তাম হিন সীলাই, অ ককন
আঙ খীনাখা কিসাদা গমাঙ কক হাময়া বুবতাই
আবন বেকেরেঙ সীবায়ই সাঅই রিহরকা
হিনবেলে, মীতাই কক খাই হাময়া মীতাই
কক-ব হাময়া হিনই বেকেরেঙ বুকুর সীবায়ই
সাঅই রিহরকা হিন- বেলে।

খুমতয়া

: সাঅই রিহরনানি-নতা, বুই বেলে নন সীঙনানি
হিনই সে থাংগ হিনকাই দাদা গমাঙলে
তামঙগই সাই রিহরয়া উঙনানিবা, বলে চিনি
কামিঙনি অকরা উঙগই তঙখাই। আঙ
সুদুনসে সালচা থাংগই বিনি কক কাহাম
সামানিন খীনাই- নানি হিনই তঙগ। বতাই
অকীরা চাকীরা থাইয়াসানি-ন কক কাহামন
সীঙগই নারীকনানি নাঙনাইতা। আবতাই
খায়ই কক কাহাম সীরাঙগই নারীকখাইসে
চাঙব উল' সানানি নাঙগানীবেলে আবতাই
কক কাহামনবা।

মেরুউ

: ফাইদি চাঙ বুকুকনাই সালচা থাংগই সীরাঙ-
লায়ই ফাইলাইয়ানীতা।

খুমতয়া

: হিমনাবা তাম তঙবা সালচানি বেসা থাংগই-ন
সীরাঙলায়ই-ন ফাইলাই মানলাইয় হিমদি
বসাল' থাংলাইনানি।

- মেৰুডা : দ কাম তীই পাইগীৱানাবা থাংলাইয়ানীতা
সালচা, জেফুবু দুডামুঙব অ দুডামুঙন।
- খুমতয়া : আউ জেফুবু ফা-ন অ দুডামুঙন।

মেৰুডা বাই খুমতয়া থাংকা।
গমাঙ, মাখুকসা, তীই কলকসা ফাইকা।

- কলকসা : তিনি খাই নীঙ চাঙন কক কাহাম-ন সাঅই
খীনাৱিনানি হিনকাই চাঙ ফাইউকাতা বুজিয়ানি
জাগাঅ বুজিয়ানি হিনই।
- মাখুকসা : দ সাদি খাই দাদা কক কাহাম কক হিনমানি
খাই বুবতীই আবনন সীকাঙ সাগীৱাদি। নীঙ
সাঅই চাঙ বুজিয়া জাগাঅ হিনকাই নন
সীঙগানী চাঙ।
- গমাঙ : কক কাহামনি কক হিনকাইবা আব নৱগ
জত-ন সাঅই মানবেলে বুবতীই ককন খাই
কক কাহাম হিন। বুইবাই গীদালই তঙদি,
মাফান সাক নাঙয়া তা উঙদি, বৱকন বৱক
হিনই সীঙদি, অজনই তঙদি অজনই চাদি,
বৱকন কক কাহাম সাদি, বৱক হাময়া চায়া
কীলাই খাই বন চুবা চুৱুদি, বৱক নন চুবাচুৱু
সানকাই চুবাচুৱুদি, বৱকন খনতাই তা ৱিদি,
বৱকনি বাগই বীচাদি, বৱকন লামা কাহাম'
হিমৱিদি, ককলাম বখৱক থাইতামনি থানি
সীৱীঙদি, লামা বুসু গীনাঙতাই তা হিমদি,
লামা লামত্ৰিতাই তা হিমদি। কক হাময়া-ন
খুনজু তা কানদি, বৱক হাময়ান বুজগই লামা
কাহাম ফাইসিঙগ তুবদি, কীৱীইনি ফাইসিঙগ
তঙদি, কীৱীই বাই কীৱীই লামা থানচা হিমদি।
তাই-ব সানানি হিনকাই গিলামা-ন তঙগ, আব

সা-ব সাচুগই মানয়া, নরগ আন সৌঙনানি
হিনকাই-ব ককন বুজি সৌঙদি, নরগ আন জে
সৌঙমান আব আঙ ফিরকগইদে মান-ন
নাইয়ানী।

কলকসা : দাদা মৌতাই কক কাহামন আগি আইদঅ সাব
সৌকাঙ সাঅই ফৌরৌঙগীরা নৌঙ আব সাঅইদে
মান দাদা?

গমাঙ : মৌতাই কক কাহামন পুইলা সাগীরানাই খাই
চিনি সৌলাই গিলামা সৌকাঙ আচায়ই থাংকা
দাঙগাইমা দাঙগাইফা হিনই বসে মৌতাই কক
কাহামন সাঅই কৌলাঙগই থাংগ চিনি
সিরিসিতিনি বাগই। কাহাম কাই তঙলাইথন,
কাহাম কাই চালাইথন হিনই। আববাই-ন
বরকনি হুকুমু মুকুমু-ন চিনি জাতিগুসতি জেসা
খাই ফান তায়ই মা থাংনাই উঙয়াখাই নঙ
বুইবাই তলাঅ খিকৌলাইজাগই তঙনাই। হিমদি
তিনি আসৌক-ন সালাইয়ানী উল’ তাই-ব
সালাইয়ানীতা।

কলকসা : আউ হিমলাইদিতা, উল’ তাই উাইসা
সালাইসিউনৌ।

মাখুকসা : আউ খাই হিমদি, তিনি নিনি থানি বেলাই খায়ই
কক কাহামন খৌনাকা উল’ তে-ব চৌঙ নিনি
থানি কক কাহাম খৌনা ফাইনাই।

গমাঙ, মাখুকসা তাই কলকসা থাংকা।

হাইরাম, গইরাম তাই তনাই ফাইকা।

গইরাম : আবনি উল’ খাই তাই তা-ম উঙখা দাবুরা?
হাইরাম : তাবুক খাই আবনি উলনি ককন সাচিদি দাবুরা।
তনাই : আবনি উল’ হিনকাই গমাঙনি থানি কক

কাহামবব কক হাময়াবব জতন ফায়ই কিসা
 কিসা সীরাঙফাইবাইখা, গমাঙ কীরাইজা
 বরক, ব বুইন কক কাহাম ফান হাময়া ফান
 ফীরাঙ রিনানি বিসি জরা কীরাই বাই
 ফীরাঙগই মানসুকয়া তামঙগই হিনবা, ব বুইনি
 জত জরাঅ-ন মুলা থাংগই কামরক খাইনানি
 নাঙগ আব বাই-ন বুই বাগসা বন চাজাগয়া
 হাই উঙলায়ই থাংলাইয়, বিনি বীসা বীরাই
 আচাইমানি-ব তালথাম জাগাসে উঙথু হিনকাই
 বিহিগ-ব মুলা উঙনানি থাংগই মানয়া
 আববাই-ন গমাঙ সাইচুঙ মাঙ বুইনি হুগ মুলা
 খাইনানি থাংগই মা তঙখা। গমাঙ বিহিগ
 গুনাতি বাই খাই বেজান খায়ই কীথালাইয়,
 বরক বিহিগ-ব বীসাইন নুগয়াখাই তঙগই
 মানয়া, বীসাই-ব বিহিগন নুগয়াখাই তঙগই
 মানয়া আবতাই উঙলাই তঙলাইয় বরগ বিহিগ
 বাই বীসাই।

- গইরাম : আবনি উল' হিনকাই তাই তাম উঙখা দাবুরা ?
 হাইরাম : তাবুক নীঙ সাদি চীঙ খীনাডানী দাবুরা।
 তনাই : তাবুক আঙ সাডানী নরগ খীনাদি।

গইরাম, হাইরাম, তাই তনাই থাংকা।
 গমাঙ, কলকসা তাই মাখুকসা ফাইকা।

- মাখুকসা : দাদা চীঙ বরক মুনুইসু সিদা খায়ই লামান
 হিমলায়ই থানানি হিনকাই চীঙ তাম তাম
 খাইনানি নাঙন ?
 গমাঙ : চীঙ সিদা খায়ই লামান হিমলাইনানি নাঙনাই
 আব-ন কক সই, নাহারদি তাতাল হিনই তঙগ
 কুবুই হিনই তঙগ আবনি বাদে তাই কুসতাম
 ফান কীরাই।

কলকসা

: তাতাল খাই বব, কুবুই খাই বব সীলাই দাদা
নৌঙ আ ককন কিসা সীবাইঅই সুকুবুমই সাদি
খাই দাদা।

গমাঙ

: কুবুইনি কক হিনকাই নৌঙ জে য়াগ বাই রমই
তঙগই মানমানি, নৌঙ জে নুগই খুনজু বাই
খীনামানি, নৌঙ জে মকল বাই নুগই তঙমানি,
নৌঙ জে বখরক বাই কায়েয়ই মানমানি, নৌঙ
জে ফাইকা হিনই বীসাগ' দিস মানমানি, নৌঙ
জে মকল বাই নুগসুকমানি, নৌঙ লুমমানি, নিনি
বহগ সামানি, নিনি য়াকুঙ য়াগ সামানি, নিনি
বীসাক হাময়া উঙমানি, হা সাকাঅ জে
আচাইলাইমানি, হা সাকাঅ জে থাইলাইমানি,
হা সাকাঅ বানচেলাইনানি হিনই চালাইমানি
নুঙলাইমানি, আচায়ই ফায়ই জে মা বাই বান
নুগই তঙমানি, আচায়ই ফায়ই নৌঙ য়াখাই আঙ
উঙয়া, আঙয়া খাই নৌঙ উঙয়া, তাই বরক
বাই বরক কীথারলায়ই তঙলাইমানি আব-ন
কুবুইনি কক।

মাখুকসা

: তাতাল কক হিনমানি খাই বব সীলাই দাদা?

গমাঙ

: তাতাল কক হিনমানি খাই নিনি মকল বাই জে
মানীইন নুগয়া আব-ন তাতাল, সরগ' তঙগ
হিনমানি পাতাল তঙগ হিনমানি খীয়ই থাংকাই
সরগঅ থাংগ হিনমানি, নিনি কীপাল' তঙগ
হিনই সামানি, নৌঙ নিনি মকল বাই নুগয়াই
কক-ন সামানি, নুঙ তঙ ফন চা ফন হিনই
ককন সামানি, নৌঙ দরম খাইকাই সরগঅ থাং
হিনমানি, বিনি বাইগ গীনাঙ হিনমানি, বিনি
থাইনানি তঙগ হিনমানি, কাইসান সীকাল
হিনলাই- মানি, ইলিম তঙগ হিনলাইমানি,
বিনি কীপাল' কীরাই উঙনানি তঙগ হিনলাই

- মানি, নুগয়াই-ন নুগ হিনই সামানি, বলে
সরগঅ কীসাঅই থাংকা হিনমানি, মীতাই
আচাইয়ু হিনমানি, থকেউই চাঅ হিনমানি,
আবরকন হিন' তাতাল, আঙ তাই সালিয়া ।
- কলকসা : গীনাঙ খাই তামঙগই গীনাঙ উঙগই থাঙ,
কীরাই খাই তামঙগই কীরাই উঙগই
তঙসীলাই আব তামঙগই খাকনাই উঙগই
তঙসীলাই নীঙ আবন কিসা সাদি দাদা ।
- গমাঙ : নাইসিগই নাইদি নীঙ গীনাঙ বাই কীরাই
হিনকাই চালমানি নখা বাই হা চাললাই
মানিসীক চাল লায়ই তঙগ । গীনাঙ বাই কীরাই
জেসা জাগাঅ ফান খাপেয়া, গীনাঙ কতর
হিনকাই কীরাইরক-ন কুসুবই চানাই-ন তাই
কীরাই বররক হিনকাই কুসুব জাগনাই-ন
গীনাঙরক বাই । আব বাই-ন কীরাই বাই
গীনাঙ জেসা জাগাঅ ফান খাপেলাইয়া, গীনাঙ
কতররক কীরাই বরকন থকেমানি সাঅই তা
মানথন হিনই-ন দরমন নন চাপকগই রিনানি
নাইয়, নীঙ চাঙ নন থকেমানি নীঙ সাঅই তা
মাথন হিনই ।
- মাখুকসা : দরম হিনমানি কক খাই তাম সীলাই দাদা, নীঙ
দরম হিনমানি ককন নীঙ কিসা সীবা অই
সুকুবুমই সাদি আব তাম কক ।
- গমাঙ : আঙ জতত সাঅই মানয়া ফান জে আঙ সাঅই
মানমানিন সাঅই নরগন খীনা- রিউনৌ ।
- কলসা : দ জে নীঙ সাঅই মানমানি আবন-ন সাদি
দাদা ।
- গমাঙ : দরম হিনমানি কক হিনকাই থাইবীরাই তঙগ,
আব হিনকাই পুইলা থাঙচানি মুঙ হিনকাই
দরম হিনকাই-ন দঙগি হিনতা, আবনি তাই

কাইসা কক হিনকাই দরম হিনকাই-ন কেৰেঙ
 কথমা হিনতা, আবনি কারই তাই থাইচা
 হিনকাই দরম হিনকাই-ন বুই চালাইমানি
 আফেঙ হিনতা, আবনি সীলাই তাই থাইচা
 হিনকাই-ন নকবার বাই বাকসা উরিঅই
 তঙনাই বাইরাস হিনতা আব-ন দরমনি মুঙ
 হিনতা, বাইরাস কাইসা, দঙগি হিনমানি
 কাইসা, কেৰেঙ কথমা কাই সা, আফেঙ
 হিনমানি কাইসা অ থাইবীরাই খাই দরমনি
 মুঙ। আববাই-ন নীঙ দরম হিনই খাইকাই
 আবতাই খায়ই নন চারিঅই ফেকরিঅই
 তিনিঅইতা চিনি জাতি গুসতিনি দরম হিনখাই
 মঙগলিয়াম জাতি গুসতিনি দরম। চিনি দরম
 হিনকাই হিঙসা কীরাইনি দরম, কাইসা
 জাতিগুসতি দরম খাইমানি-ন নীঙ হিঙসা তা
 খাইদি কাইসা দান দখিনা রিমানিন নীঙ মানা
 তা খাইদি, নীঙ তাতাল বুইতাল তা সাদি বুইন
 তা থকেদি, বুইনি তা থকদি তা হুইদি, বুইনি
 নগ'দাকাতি তা খাইদি, বুইন তা সলেদি, বুইনি
 হাময়ান তা খাইদি, বুই থেকা বেথেকাঅ বীচাদি
 বুইনি হাময়া কামন তা খাইদি। কক উঙখা নীঙ
 কক থাইচা বাই হাময়ান তা খাইদি আবসীক
 খাই-ন দরম খাইমানি সীলাই তেব বিসি লায়ই
 থাংগ।

মাখুকসা

: আউ দাদা নিনি মীতীই কক হাই খাই তাই
 কেবনি থানি ফান খীনায়াখ।

কলকসা

: আউ আঙ-বম হাই কক কাহামন খীনায়া দাদা,
 উল চীঙ নিনি নগ ফায়ই মীতীই হাই কাহামন
 খীনাফাইয়ানী। চীঙ থাংকা নন জালা রিলাঙখা
 দাদা।

মাখুকসা
গমাঙ

: চাঁঙ থাংকা দ দাদা, খুলুমকা ।
: নরক হামদি চাদি হামবাই ।

গমাঙ, কলকসা তাই মাখুকসা থাংকা ।
গইরাম, হইরাম তাই তনাই ফাইকা ।

হইরাম
গইরাম
তনাই

: আবনি উল হিনকাই তাই তাম উঙখা দাবুরা ?
: তাবুক খাই উলনি ককন-ন সাদি দাবুরা ।
: আবনি উল' হিনকাই মাখুকসা বাই কলকসা
বরক য়ারতাই গমাঙনি নগনি নখরই ফায়ই
লামা কসা জরা তাই সকফাই খীনাতা আফুরু
কাই-ন গমাঙ আতকাসা হাঅ তপসা কৌলায়ই
লেঙগই কাফৌরাঅই তঙখা হিনতা, বিহিগ তীয়
খকনানি থাঙগই ফায়ই বীসাই-ন নুগফাইবা
বীসাই কাফৌরাঅই তঙমানি নুগ ফায়ই অ
রাঙচাকবা নীঙ তাম উঙখা হিনই বীসাই-ন
কৌবাগই কাবমানি লগি লগি-ন মুকতৌরীই
লায়ই থাংমানি হাইকাই লায়ই থীয়ই থাঙকা
হিনতা, বীসাই গমাঙ-ব আহাই-ন কাফৌরাতে
কাফৌরাতে লিকসা খায়ই লায়ই থাঙকা হিনতা
থীয়ই । উ ল' কামিঙনি বররক তাম উঙখা
হিনই ফায়ই নাইফাইবা হিচাকনৌনাইন-ন
থাইয়ই তঙলাইমানি নুগফাইকা হিনতা, বীসা
বৌরীই তালথামনি চেরাই হিনকাই উয়িঙগ
মখলজাগ কাবই তঙখা হিনতা । আফুরু কাই
অচেরাই কৌলাইন বামই নাহারই আবুক
চারিলাইয়ই তনিখা হিনতা । অ কৌথাই
হিচাকনৌনাইন খাই কামিঙনি বররক কাবলাই
ককলাই খায়ই সিমালুঙগ তীলাঙলায়ই কাসত
খাইলাইয়ই খিবলাইখা হিনতা
হিচাকনৌনাইন-ন ।

হইরাম : অ চেরাইন উল তাম খাইলাইখা সীলাই দাবুরা ?
 গইরাম : দ, আব কিসা সাদি খাই দাবুরা ।
 তনাই : উলখাই অ চেরাই আবসা কীলাইন কাইসা
 ফা-ন তীলাঙলাইনানি গসেলিয়া হিনতা । বন
 ব বেদগ উঙলায়ই তঙলাইখা কাইসা ফান
 তীলাঙগই থানানি গসেলিয়া ।

বুদিনি হিনই বীরাই রানদি খরকসা ফাইকা ।

বুদিনি : সীঙখা নরক অর তামন সালায়ই ডালালাইয়ই
 তঙলাইখা সীলাই নরগ তাম ককন তীয়ই
 ডালাইলাই সীলাই হিনই সীঙখা ।

বিখারি বরক খরকসা সাখা-ইক নিয়াদে
 থায়ই থাঙলাইনাইরকনি বীসা বীরাই চেরাই
 কীলাইন পুসিনানি বাগই খরকসা ফান
 তীলাঙগই পুসিনানি গসেয়া গীজা, ম চেরাই
 কীলাইন-ত ম হাঅ বেরাঅই কীলাঙগই
 থাংগই মানয়াবেলে । ম চেরাইন তাবুক
 বরঅসে বেরাঅই কীলাঙগই থাংনাই ।

বুদিনি : নরগ অরঅ অ চেরাইন খরকসা ফা-ন
 তীলাঙগই পুসিনাই কীরাইদা ? অ চেরাই
 কীলাইন অরঅ খিতারই কীলাঙগই চান, হদি
 কাই আন আঙ তীলাঙগই পুসিউনৌ, বরক
 কীথাঙন আহাই-ন খিবই রিহরই চা-ন বিনি
 সীলাই আঙ তীলাঙ পুসি উনৌ হদি আন ।

বিখারি : আউ হামকা নীঙ-ন তীলাঙগই পুসিঅইদি ।

গইরাম, হইরাম, তনাই, বুদিনি, তাই বিখারি থাংকা ।

কলকসা বাই মাখুকসা ফাইকা ।

মাখুকসা : য়ার আবসীক ককলে তাই কীরাইখা চীঙন
 আকল রিনাই গিয়ান রিনাই দাদা গমাঙ বাই

বিহিক বাচাই গুনাতিবদে ফাতসাকাই থীয়ই
থাঙনানি নাঙসীলাই, চাঁও ফায়ই লামা কসাত
সকফাইখীনা হিনতা, আফুরু থাই-ন আচুমসা
কীলাইলায়ই থাইলায়ই থাংকা হিচাকনীনাই-ন
তাই কিসা চাঁও আর তঙখাইসে চাঁওসে
নুগবুখামন তা হিন’।

কলকসা

: চাঁও নুগনানি কীরীই তা দাদা গমাঙ জে চাঁওন
ফীরীঙগই কীলাঙমানি ককরকন চাঁও তাই
চিনি আমাল পগই থানানি ককয়া বিনি থানিঅ
বীসীক কক কাহাম কাহাম তঙবা।

মাখুকসা

: আচাইফুরু মুঙ থাইচা থীয়ই থাংফুরু মুঙ
থাইচাতা, তাবুক-ব চাঁওন সাতাই কীলাঙ- মানি
ককরক নন চাঁও আউউই খাইনাইতা অ নিনি
ককন খীনায় ফান তঙথন তেব কক কাহামন
হিনকাই নীঙ সাতাই তঙমানি কক-ন নাঙনাই,
বরক গিয়ান গীনাঙ উানসুগই নায়নাই
হিনকাইবা নিনি ককন তমজগই নাইয়ানী।
বরক উানসুকনানি রীঙয়া হিনকাইবা নীঙ কক
কাহাম সামানিন তমজগই নাইনিয়া বরক
উঙখা বুসু সাকা সাকা মাঙসে।

কলকসা

: আবত সাকা সাকা তঙফান য়ার বাগসা
খতেঅই নায়নাই তমজগই নায়নাই বরক
কীরীইদা, তাবুকবা খতেঅই নায়নাই-ন গিলা
বাঙতা।

মাখুকসা

: আউ আবলে আহাই-ন য়ার।

কলকসা

: আবসে দাদা গমাঙবা বাহাই খাইবা ফাত-
সাখায়ই হিচাকনীনাই-ন থীয়ই থাঙগই মান’
আবসে আঙ বিসি খায়ই উানাসিঅ আব উঙখা
উানামাসিঙসা ককয়াদেবা য়ার?

মাখুকসা

: তাইলে জেসা ফা-ন উঙথন অ বীসা কীলাইনি

বাগইসে আঙ উনাঅ আবুকতাইন মীচায়া
তাম খায়ই বান- চেনানি।

কলকসা বাই মাখুকসা থাংকা।
মেরুডা বাই খুমতয়া ফাইকা।

খুমতয়া : উ দাদা গমাঙ থাইয়ই থাঙমানিলে আনি বীখা
তাম হাই উঙগই থাংকা থাইয় হিনই খীনাঅই
আঙ কাবই মা থিবকা, আঙ খাই ব-ন নগ'
কীরাই বাই আন নাঙয়া সকয়া বরক হাইসে
মা তঙগ। আয়াঙব নাঙ পীলাই পীলাই
হাইকাই-ন তঙদীলা।

মেরুডা : কীরাই বরকন জেসা কাইসা বরক ফান সীঙয়া
দীলা, নীঙ কীরাই বরকনলে সাবলে সীঙবা
কীরাই বরক হিনকাই বুই বাই সাকনাঙজাগয়া
খুক নাঙজাগয়া উঙগই তঙগ।

খুমতয়া : দাদা গমাঙলে কীরাই বিগীরা খরঙবা বনলে
তাই সাব সাক নাঙসিনাবা।

মেরুডা : দাদা গমাঙ খাই বুইনত কক কাহাম কাহাম-ন
ফীরীঙবাইখা কলকসা বাই মাখুকসান খাই কক
কাহাম-ন ফীরীঙ- সুগই কীলাঙসুকথা বরক
য়ারতাই তাবুক দাদা গমাঙনি মুঙ মাঙন
খুলাইয়ই তঙলাই- সিঅ বাহাইকাইবা ফাতসা
খাই দদর খায়ই থীয়ই থাংকা হিনই কিসা ফা-ন
বরক যার- তাই দা গমাঙ থাইমানি-ন
চাজগলিয়া গীজা উঙনানি-ন আসীক বরক
কাহাম থাইমানিবা।

খুমতয়া : চীঙব সালচা বরক যারতাইন রিঙগই
নাহারই-ন বরকনি থানি কক কাহাম খীনাঅই
মানবেলে।

- মেৰুডা : रिङ्गई नाहारनावा सालचा, कक काहामन
 खीनालायई मान'।
- खुमतया : नौङ-न रिङ्गदि, आङ माई सङ्गई चारिडानी।

मेरुडा बाई खुमतया थांका
 हाईराई बाई कुसति फाईका

- कुसति : आङ दादा गमाङ्गनि बिहिग बाचाई गुनाति थीयई
 थांमनि खाई नखा बायई थांमनि हाई उङ्गई
 थांका। आउ वरक खरकसा खुरीकसु हा साकाअ
 आचायई थांग हिनमनि कक खाई सई-न,
 आवताई वरक काहाम-व आचायई थांद म
 हास्तेअ।
- हाईराई : दा गमाङ्गन आगिअ साव वरक हिनई सौङ्वा,
 वन आगिअ वरक हिनई खरकसा फा-न सौङ्नाई
 कौराईता हिनू, तावुक खाई विनिअ कक काहाम
 सामानि न नग वुरुम नग वुरुमसे सालायई
 तङ्गसिअ, ताम चेराई ताम अकौरारकनि
 थानिनि खुग'।
- कुसति : उङ्गा उङ्गन कक काहाम लाम काहाम नवा जेसा
 वरक-न सौराङ्गानि मुछुङ्गाग' नौङव मौछुङ्ग
 आङव मौछुङ्ग।
- हाईराई : निनि आव-न चामानि कक। फाईदि टाङ्ग डीइसा
 सौवा थांगई कक काहामन खीना- लाईयानी।
- कुसति : हिमदिता हिनू कक काहाम खीनालाई नानिवा
 तामङ्ग ई थाङ्गई मानया उङ्गानि, उङ्गा खाई
 नौङ फा-न रिङ्गदि कलकसा बाई माखुकसा वरक
 यारताइन।
- हाईराई : आहाई काई कुवुई-न डीइसा रिङ्गईन नाहार-
 नाईखाई, वरकन रिङ्गई नग' तुवई फाईखाई
 बीसक कक काहामन खीनानानिवा।

কুসতি

: আউ আবলে আহাই-ন।

হাইরাই বাই কুসতি থাংকা
বুদিনি ফাইকা

বুদিনি

: নন আঙত পুসিনানি হিনইত তুবই ফাইজাখা
তাবুক আঙ নন খাই পুসিনানি-ন, আনিত
আবুকতীয়-ব কীরাই কুসতাম-ব কীরাই। আঙ
রানদি-ব বরকজা নগ'-ব কীরাইজা মাইব
ফাইসা মীচাখাই ফাইচা মীচায়া আঙ নন জরাঅ
মাই-ন তুগই চারিনানি ফানসে জরাঅ মাই
কীরাই মাইবুঙ কীরাই উঙগই মাই মা সঙয়া
উঙগই তঙগ। নন-ব আঙ নগরগ' সাইচুঙ
কীলাঙগই থাংগই মানয়া, আঙ বুইনি হুগ মুলা
উঙনানি হিনই থাংফুরু আঙ নন লগি খায়ই
তীলাঙগই মা থাংগ। নন আঙ বুফাঙ সাকলম'
মুথুঅই কীলাঙখাইসে আঙ নন সাইচুঙ
খিবিঅই বুইনি হুগ' মুলা উঙগই মাইবুঙ
মাইখাম তুবই ফাইকাইসে নন আঙ মাই তুগই
চারিনানি।

বুদিনি থাংকা।

তনাই, গইরাম, তাই হইরাম ফাইকা।

হইরাম

: আবনি উল' খাই তাম উঙখা সাদি দাবুরা?

গইরাম

: অ চেরাই কীলাই উল' খাই তাই তাম উঙখা
দাবুরা?

তনাই

: অ চেরাই কীলাইন পুসিনাই বুদিনিনি খাই
আগিঅ বীসাই বাই মানরীকমানি বীসা
খরকনাই তঙগ, চীলা খরকসা বীরাই খরকসা

চিকন চিকন খা সিয়াখ গীজা, আবরক অ বুমা
 পুসিমানি বীসান কুনফুরু বুঅই কাবরিঅই
 তনিঅ কুনফুরু অ চেরাই কীলীই-ন বুমা মাই
 তুগই তঙফুরুরগ' অ মাই তুকমানিন সেগই
 নাহারই চাঅ, বুমা খিনানি হিনই থাংকাই
 থাপীৱারক রিঅই লাথিরক রিঅই কাবরিঅই
 তনিঅ, অ চেরাইনি বাগই হাতিনি চাকুমীলারক
 মিথাইরক চেরাই কীলীইন চারিনানি হিনই
 পায়ই তুবই ফাইকাইঅ কীলীইন চারিয়াঅই
 বরক বুখীকনই বাগলায়ই চালাই খিবলাইয়।

হইরাম

: আফুরুঅ অ পুসিনাই বুদিনি বীৱীই তাম খায়ই
 তঙহিন সীলাই ব অ বীসারকন মানা খায়ই
 তঙগই মানয়াদা ?

তনাই

: অ চেরাই কীলীইন পুসিনাই বুদিনি খাই অ
 বীসারকন কুদিঅই বরকনি য়াগনি সেগই
 কাবরিঅই অ পুসিমানি বীসান কিসা তুগই
 চারিঅ, কীৱীই রানদি বরকজাবীলা হাতিঅ
 থাংগই চাকুমীলারকন বীসীকলে তুবই
 মানজাবা, অ কিসিসা চাকুমীলান পায়ই
 তুবমানিবা বীসীকলে তুবনানিবা-আব মায়ানি
 বাগইসে মা তুবদীলা।

গইরাম

: উল খাই তাই তাম উঙখা দাবুৱা ?

তনাই

: উল খাই আবতীই উঙতে উঙতে অ বুদিনিনি
 সীকাঙনি বীসা-ব তরখা অ পুসিমানি চেরাই-ব
 তাই কিসা তরখা। সালসা খাই বলঙনি মায়ুঙ
 কীথীঙ ফায়ই বুদিনি তঙমানি নগন সীবাঅই
 সুকুরুসই বিনি অ বীসা বীৱীইন বুথারই খিবই
 রিখা। আফুরু খাই অ বুদিনি বিনি বীসাঅগ অ
 বীৱীইন কাসত খায়ই সগই কীলাঙগই
 মেবুডানি আবদালিনি নগ' সেলায়ই ফাইকা।

ফায়ই বীসাজীকন মুইতু উঙজাগই কাবই অ
পুসিমানি চেরাইন আগিনি সীলাই তে-ব বিসি
খায়ই মায়া খাইকা।

হইরাম

: উল' খাই তাই তাম উঙখা দাবুরা?

তনাই

: উল' খাই অ মেরুডানি নগ'-ন তঙলাইয়ই বিসি
চুকু বিসি-চি উঙলায়ই থাঙকা, আফুরু কাই
বুদিনিনি বীসীলা-ব তরখা, অ পুসি মানি
বীরাই-ব-তরখা, আফুরু কাই বুদিনিনি
ডানামানি-ব তাই কিসা কাগজাখা।

গইরাম

: আবনি উল খাই তাই তাম উঙখা সীলাই
দাবুরা?

তনাই

: আবনি উল হিনকাই বুদিনি পুসিমানি অ বীরাই
বীসা তাঙমানি তাইমানি তাই কক সামানি-ব
আসীক-ন হিন', হর চাঅ হর-ন থিঅই তঙখা
হিনতা, তাঙমানি তাইমানি-ব আবতাই-ন
হিনতা। তাবুক আঙ তেই-ব নরগন সাডানী
খীনাদি।

হইরাম, গইরাম তাই তনাই থাংকা।
বুদিনি বাই পুসিজাগনাই বীরাই ফাইকা।

বুদিনি

: মায় আঙ নন চেরাইফুরুনি সিমি-ন নীমা নীফা
কীরাই থীয়ই থাংবাইখা হিনই নন আঙ তুবই
পুসি ফাইকা, আঙ নীমা অগসীক খাইয়ই। নীঙ
আচাইফুরু নিনি মুঙবা তামব উঙখা আঙ
সঅই মানয়া বুবতাই মুঙনবা ফারকা, নীঙ
তাঙ ফা-ন মীসীক খায়ই তা তাঙদি নীঙ তাবুক
কামন তাঙমানি বা হজলাই হাই উঙগই
তঙখাবীলা। নন আঙ তাই কুসতাম মুঙন
ফারই রিঙলিয়া, আঙ নন হজলাইতি হিনই

মুঙন ফারই রিসিনাই। আঙ নন তাবুকনি
সিমি-ন হজলাইতি হিনই রিঙসিনাই নীঙ
চাজগয়া তা উঙদি-দ আঙ নন ম মুঙন ফারই
রিমানি।

হজলাইতি

- : আন আগি চেরাই কীলীই আচাই দরপ-ববা
তাম বুবতীই মুঙনবা আ-ন ফারই রিখা আবলে
আঙব সাতই মানয়া-মা, মা নুঙ তাবুক আন
হজলাইতি হিনই মুঙন ফারই রিমানি আঙ
কাহাম কাই-ন হামজাগখা-মা, আনি তাই,
কেকাইসা ফা-ন কীরাইখা নীঙন তাবুক
আনিমা অগ, নীঙ আন মীতীই মুঙ ফারই
রিমানি আঙ বেলাই খায়ই চাজাগখা।

বুদিনি বাই হজলাইতি থাংকা।

খুমতয়া বাই হজলাইতি ফাইকা।

খুমতয়া

- : আয়ুঙ বুৰীই নীঙ কামন তাঙগই তঙ হিন-ব
আসীক খায়ই তা তাঙদি, নীঙ আবতীই খায়ই
তাঙখা হিনকাই নীঙ থীয়ইসে থাংগানী নীঙ
আবতীইখে কামন তা খাইদি।

হজলাইতি

- : আঙ আবতীই খায়ই কামন খাইয়াখাই আঙ
তসে তঙথকলিয়া আববাই-ন আঙ কামন মা
খাইয়।

খুমতয়া

- : খাইদি নন কামন তা খাইদি হিনয়া, খাই-ব
আসীক খায়ই তা খাইদি, আসীক খায়ই নীঙ
কামন খাইকাই নীঙ থীয়ইসে থানী আয়ুঙ
বীরাই, খাই-ব অজন খায়ই খাইদি।

হজলাইতি

- : আন মা-ব আহাই-ন হিন' কাম খাইব আসীক
খায়ই তা খাইদি হিনই আঙসে খাইয়াঅই
তঙগই মানয়াতা, খাইকাই খাইনানি-ন মুচুঙগই

- ফাইয়। আউ যঙ বীরাই তাঙথানি তাইকিসা
কমদে খায়ই মান-ন নাইয়ানীতা।
- খুমতয়া : আয়ুঙ বীরাই তাঙথানি তাইথানি হিন-ব অজন
হিনই তঙগ উইসা তাঙগই পাইনাইয়া উইসা
চাই পাইনাইয়া।
- হজলাইতি : আউ আবলে আবতাই-ন যঙ বীরাই।

খুমতয়া বাই হজলাইতি থাঙকা।
মাখুকসা বাই হেলেঙতি ফাইকা।

- হেলেঙতি : বাপারি দাদা গমাঙ থীয়ই থাঙমানি-বা কুসু
বালগই থাংকাবেলে তাবুক বাই বিসি চিনাই
চিথামসীকরক উঙগই থাং কীনাবেলে,
বালকয়াদা দাদা গমাঙ থীয়ই থাংমানি
তাবুকদা।
- মাখুকসা : তামঙগই দা গমাঙ থীয়মানি-বা বালকয়া
উঙনানি সীলাই, বালকমানি-নতা, বাসা-
জীকসে সিকিলা উঙগই থাংকা হিনকাই
তামঙগই-ব থীয়ই থাংমানি-বা বালকয়া
উঙনানি সীলাই?
- হেলেঙতি : অ বাসাজীক তাঙমানি তাইমানি-বা হজলাই
হাইসে উঙগই তঙ হিনবেলে, আববাই-ন
তাবুকনি বুমা হজলাইতি হিনই বিনি মুঙন
ফারই রি হিনতা, কাম তাঙমানি হজলাই হাই
হিনই।
- মাখুকসা : অ আববাইদে বন আবতাই মুঙন ফারই রি
হিন।
- হেলেঙতি : আবতাই উঙগই-ন আবতাই খাই মুঙন ফারই
রিখা হিনতা, আঙলে খীনাতক- জাগখা
হজলাইতি হিনই মুঙন ফারই রিমানিন বিনি

মাখুকসা

তাঙমানি তাঁইমানি চামানি সুদু-ন হজলাই হাই।
: আবলে বিনি তঙমুঙ চামুঙ হজলাই হাই-ন
দাবুনি বীরীইসে উঙগানীবেলে ববা। আউ
উঙজাখন দাবুনি বীরীই-ন। বীরীই-ব আসীক
হাময়া উঙয়াবীলা, বীরীই-ব কাহাম-ন বীলা।

হেলেঙতি

: বা নীঙ বন বীরীই হামজাগয়াদা বীরীই খাই
খেনচেনেসে কাহাম নীঙ বন সিকিলা জুকবার
উঙগই থাঙফুবুঅ নাইসিঅই নাইদি ব বাসীক
খাই বীরীই হাম-ন।

মাখুক বাই হেলেঙতি থাংকা।

গইরাম বাই হইরাম ফাইকা।

হইরাম

: বাপারি দাবুরা তনাই খাই কেরেঙ কথমা
খীনাতক খীনাতকন সাচুগই মান-ব বরনি
আসীক খায়ই সীরীঙগই তঙখা, বিনি থানি ম
থাইচায়া তে-ব বিসি খীনাতক খীনাতক তঙগ।

গইরাম

: দাবুরা কেরেঙ কথমান সাকাই আঙখাই বিনি
গানানিসে কুতুলনানিসে মুচুওয়া উঙগই
ফাইঅ। চিনি দাবুরা তনাই-ব বর আসীক খায়ই
কেরেঙ কথমান মানই সাঅই মানখা সিয়া-দ।

হইরাম

: ব-আগি চেরাইফুরুরগ' কেরেঙ কথমা-ন
খীনাঅই সীরীঙয়াদেবা, আববাইনব তাবুক
চাঙন সাঅই খীনারিঅই মানতা হিনু উঙয়াখাই
ব বর আসীক মানখামন।

গইরাম

: আবতীই খীনাচমনাই নাইচমনাই বুইনি নুগই
সীরীঙগই তুবনাই বুইনি নাইসিগই সীরীঙগই
তুবুনাই বরক হিনই সে আলকা বরক তঙগ।

হইরাম

: আবলে আহাই-ন জে সীরীঙনাই ব-ন মান'
জে নাইসিকনাই ব-ন মান' নীঙ ফান আঙ
ফান'।

গইরাম বাই হইরাম থাংকা ।
বিখারি বাই বুদিনি ফাইকা ।

বুদিনি

: দাদা নীঙ আন চেরাই কীলীই খরকসান
য়াফারই বামরিঅই রিহরমানি আব কিসানি
চেরাই কাহামন আঙ মানবুমানি লিয়া, অ
বীরাইমা তাগথানি লুবথানি তাঙথানি
তাইথানি তাই আঙ বন সানানি হিনই নাঙয়া,
আঙসে বন আসীক খায়ই তা খাইদি তা তাঙদি
হিনইসে মা হিনু । আঙ বন আবতাই হিনমানি
ককনসে আন চাজাগয়া উঙগই তঙগ নীঙ
রিহরখা-ন আন খরকসা আবতাই চেরাই
কাহামন ।

বিখারি

: অ চেরাইন তীলাঙগই পুসিনাই খরকসা ফান
গসেয়াগীজা, নীঙ সাক হাদেঅই-ন অ চেরাইন
তুবুঅই ফাইকা বেজান খাই কাহাম উঙখা, বব
তীলাঙনানি গসেয়া, বব তীলাঙনানি গসেয়া
হিনকাই অ চেরাইন অ হাঅ-ত বেরাঅই কাবুই
ফায়ই মানয়া বীলা, উঙয়ানি উঙয়া-ন হিনকাই
আঙ ফানসে তুবই মা ফাইখামনতা, অ হাঅ-ত
থিকীলায়ই কাবুঅই ফায়ই মানয়াবেলে ।

বুদিনি

: আউ আবলে আবতাই-ন কীথাঙ পীরা
পীরানবা বর হাঅ তপসাকাই থিকীলায়ই
কাবুঅই ফায়ই মাননানিবা, আবলে আঙ
মানয়া । নরকলে তে-ব বিহিগ বীসাই
তঙলাইঅ আনি খাই বীসাই কীরাই বাই আকন
বাই অ চেরাইন পুসিমানি বেলাই খাই দুখু
মানখা, আঙত কীরাইজাবেলে অ আঙ
পুসিমানি বরকন আঙ বুইনি হুগ মুলা উঙমানি
জাগারগ' বামই তীলাঙগই মা থাংগ লগিঅ
খাই মাই ককেন দুলই মা তীলাঙগ, ব-কাবখাই

তুগই চারিনানি বাগই। আহাইলে হুগনি
হুচুঙরগনি বুফাঙ তলাঅ খায়ই মুথুঅই
কীলাঙগই আঙ বুইনি হুগ’ মুলা মা উঙতা।
আহাই কাইসে সাইরিগ’ অ হুগনি গিরিসতিনি
থানিঅ মাইবুঙন তুবই নগ’ ফায়ই সাইরিনি
হরনি মাইন সঙগই চাফাইনানি, আবতাই
খায়ই মাঙ আঙ অ পুসিজাগনাইন মা
পুসিখাবেলে।

বিখারি

: আউ আবতাই খাই উঙখীনা-ন, নগ’
কীরাইজাবেলে।

বিখারি বাই বুদিনি থাংকা।

কলকসা বাই মীলাঙতি ফাইকা।

মীলাঙতি

: দাদা গমাঙনি বীসাজীকবা কুকুবুইখাই বীরাই
হামই তঙখাবেলে সাকদু মাকদু গীনাঙসে
বীখীনাই-ব কুকুবুই কাহাম-ন বিনি বীখীনাই
সিঙগ কীলায়ই তঙগ য়াসি নাইসিগই নাইমানি
য়াসি মুয়াসক হাই উঙগই তঙগ বীচাঙ-ব
মচমসা খায়ই তঙগ, বুকুঙ নাইসিগই নাইমানি
বুফুঙ সিবুরুক খাঅই তঙগ, মকলন নাইসিগই
নাইমানি মকল মুক উানজীই খাঅই তঙগ,
য়াকুঙন নাইসিগই নাইমানি য়াকুঙ বেঙ
ফাবুকনি য়াকুঙ হাই চাঅই তঙগ, খুকচাইন
নাইসিগই নাইমানি রনজনী খুকচাই হাই চাঅই
তঙগ, মীখাঙন নাইসিগই নাইমানি মীখাঙ
বাতাসা উঙগই তঙগ, বুউান নাইসিগই
নাইমানি-ব মিসিরিকাতা চাঅই তঙগ, কতকন
নাইসিক-ব কতক মাইচেলেঙ উঙগই তঙগ,
আব খাই বীরাই হামচুগ-ন অ দাদা গমাঙনি

বীসাজীক পুসি জাগনাইমালে।

- কলকসা : আঙলে তরফামানি কাহাম কাই নুগয়াখ,
আনিলে জরাদে তঙবা বন আঙ কাহাম খাই
নাইসিগই তঙনানি।
- মীলাঙতি : অ বীরাইমান কিসা নাইসিকনানি আর জরা
খায়ই নাইনানিদে নাঙবা, আববা কিসা
নুগখাই-ন উঙগ, বিনি গরন কাহাম দে হাময়া।
- কলকসা : নাইসিকখাই কাহাম খাই-ন নাইসিকনানি
নাঙগঅ কিসা নাইসিকমানি বাইদে উঙ।
- মীলাঙতি : বন নীঙ লক লক খায়ই নাইসিগই তঙখাই
বলে নন তাম হিননাইবা। ম বরক আন
তামসীক নাইসিকখা হিনজাগনিয়া দেবা?
- কলকসা : আবতাই লক লক খাই নাইসিকখাইবা
হিনজাগনাই-নতা।
- মীলাঙতি : আবতাই খায়ই নাইসিক খাইবা হিনজাগ
নাই-নতা।

কলকসা বাই মীলাঙতি থাংকা।

তনাই বাই নমাই ফাইকা।

- নমাই : নীঙলে কেরেঙ কথমান সিমি-ন সাঅই ম
সাল-ন লাইলাঙসিনাই উঙখা, অ গইরাম বাই
হইরাম তাই সীরাবসাখাই ফায়ইসে
সকফাইয়ানী নায়ই তঙদি কেরেঙ কথমান
খীনানানি বাগই।
- তনাই : গইরাম বাই হইরাম খাই তিনিঅ ফাইনানি কক
খাই তঙগ-ন উঙয়াখাই ফাইলাইসে তঙখীনা।
- নমাই : নুকখাদে আঙ সায়াদে তিনিরগ'-ন বরগ
ফাইয়ানী হিনই। আঙ সামানি ককদে নাঙয়া
তঙ।

গইরাম বাই হইরাম ফাইকা ।

- হইরাম : বাপারি তিনি হাই দাবুরা বাই নানান
আচুকলায়ই ককন কীচাঙ কীচাঙ খাই কক
সালায়ই তঙমানি আঙ উইসা ফা-ন নুগয়াখ ।
- গইরাম : আঙ-ব নুগয়াখ নানা বাই দাবুরান মীতাই খায়ই
ককন সালায়ই তঙমানি তিনি সে নুগ' ।
- নমাই : নুগখাদে আঙ নরগন তিনি খাই বরগ সকফাই
ফা-ন মান' হিনই সামানি আনি কক খাই
কুবুই-ন নাঙখা নুগখাদে ।
- হইরাম : তাম নানা চাঙ নিনি নগ' ফায়ই দাবুরা সামানি
কেরেঙ কথমান কালি-ন ফায়ই খীনাফাইমানি
তাম নরগ চাজাগয়াদে উঙলাই তাম নানা ?
- নমাই : বরনি কক রকনবা সাঅই তঙলাই চাঙবা
কেবাই কক সালাইনানি বরক কীরাই উঙগই
নরগ ফাইকাই কক সালাইসঙ উঙগ হিনই
নরগ চিনি নগ' ফাইমানিবা চাঙবা কাহামকাইসে
নরগন হামজাগ' নরগ কালি-ন ফাইদি চিনি
নগ' । নরকসে ফাইনানি সেলেউনী ।
- গইরাম : নরগ নাইসেলেঅই ফান তঙদি চাঙলে মা
ফাইঅ নানা নিনি নগ' কেরেঙ কথমান
খীনানানি বাগই ।
- নমাই : খীনাফাইদি, তামঙ খীনাফাইয়া উঙনানি
সীলাই ?
- হইরাম : নীঙ জলেঅই ফান তঙদি চাঙ খাই ফাইনাই ।

তনাই, নমাই, গইরাম, তাই হইরাম থাংকা ।

হজলাইতি বাই বারাতি ফাইকা ।

- বারাতি : বাই হজলাই সিকিলাফুরু-ন তঙথকতা না বাই
তাবুক বিসি খায়ই তঙথগই তঙখীনা । নকবার
সিব সিব উঙগই ।

- হজলাইতি : তাবুকলে ফাগুন মাসনি জরাবা তামঙগই
তঙথকয়া উঙনানি-বা তঙথক নাইনতা
নকবার সিব সিব উঙগই তঙথাবা।
- বারাতি : আউ আবলে আবতাই-ন বাই। নীঙ তাবুকনি
জরানি রীচামুঙ থাইচা রীচাবই খিবগীরাদি বাই
তাবুক।
- হজলাইতি : আঙ রীচাবনানিসে রীঙয়া।
- বারাতি : নীঙ জে রীঙমানি আবনন রীচাবদি।
হজলাইতি রীচাব’।

ফাগুননি জরা তঙথকমানি বারা, নন থীঙমানিদে হাম-ন কারা
নকবার সিবমানি জরা, নিনি নাইথক বাঁচাঙ ততীরা
আঙ তঙমানিদে হাম-ন নিনি য়াগসি য়াগীরা
মায়ান খাইয়ানী বারা, নন নুঙগানী দারা
বরনি ফায়ই অর সকপাইখা
কলমতাই সীরা সীরা।

বরলে নিনি পারা খাইনাই আঙ নন য়াগসি য়াগীরা
ফুইচাঅই মানয়া জাতন আঙলে খাইয়ানী
নিনি আচুকমানি মুরা।

ফাগুননি কুকিলা পুঙগই তঙমানি আনি সাগলে নাঙগ
নন নুগ নুগই আঙলে তঙ মানয়া
উনসুক উনসুগই তঙগ।

কক সাকাই ককলে বাঙগ, সাগলে নকবার নাঙগ।
জুতুবু কাইসা খাই নীঙ বাই তঙনানি
আনি খাঅলে চঙগ।

রাগিনি তিসাই আঙলে রীচাবানী,
কতকনি মালা খাইয়ই কানানী
য়াগলে তীয়ই আঙলে নন নাইসিকগানী।

কক ডালে ডালে সানী নাইসিগই মীনাইয়ানী
আঙলে থাইয়াসাক নিনি গানঅ

আচুকগই তঙলাঙগানী ।
 নীঙলে কক সাকাই জরা রিউনৌ
 আঙলে থাইয়াসাক নিহিমই তঙগানী
 নন আঙ মৌরীগই তঙলাঙগানী ।
 আনি হামজাগমা নীঙলে কাইসা-ন
 জিবন' খাইয়ানী নন মাসা-ন
 তঙগানী নুখুঙ খায়ই থানচা
 মানি বহগ' আচাইখা উইসা
 পুইলা নুগমানি-ন নন কাইসা
 অ তঙগইলে থাংকাই মুঙন খাইয়ানী থাইচা ।

বারাতি : বাই নীঙবা মৌতাই রীচামুঙরকন বর মানখা
 আসাক খীনাৎক কক মুঙরকন আববাই-ন নন
 হজলাই হিনই মুঙ ফারতা নিনি মৌতাই
 রীচাবমুঙনি ককথাই আঙ কে কাইসানি থানি
 খীনায়াখ ।

হজলাইতি : জেসা ককমুঙন হিনব সৌরীঙনানি নাঙগ
 সৌরীঙয়াখাই মানয়া জেসা হিন-ব নাইনানি
 নাঙগ থানানি নাঙগ হিননানি নাঙগ আহাই
 য়াসা সৌরীঙগই মায়া, সৌরীঙনানি-ন হিনকাই
 খা উরই-ন সৌরীঙনাই আহাই- য়াখাই মানয়া
 জেসা ককন হিন-ব জেসা মানীইন হিন-ব ।

বারাতি : আউ বাই নিনি ম ককথাই সই-ন খা উরই-ন
 জেসা কাম-ব সৌরীঙনানি নাঙনাই ।

হজলাইতি বাই বারাতি থাংকা ।
 হাইরাই বাই কুসতি ফাইকা ।

কুসতি : নীঙ খীনাকাদা দাদা গমাঙনি বীসাজীকন চিনি
 কামিঙনি বৌরীই রানদি তীলাঙগই
 পুসিঅইমানি অ বৌরীই তাঙমানি তাঁই- মানি

হর-ন চাঅ হর-ন খিঅ উঙগই তঙখা
হিনবেলে।

হাইরাই

: আহাই হিনই খীনায়াখাই তাম হিন সীলাই,
আবতীই হিনই-ন আঙব খীনাঅ রীচাব-
মুঙরকসে খেনচেসে মান হিন’। মানথন আরা
অদিন খায়ই বানচেঅই থাংনাইবা, অ বীরীই
রানদি পুসিনানি হিনই তীলাঙগই থাংফুবুবা
জতই তালথাম জা সেকু অ চেরাই আচায়ই
তালথাম উঙখাইন বুমা বাই বুফা খীয়ই
থাঙগই অ চেরাইন খিবিঅই কীলাঙখাতা।

কুসতি

: আউ আবলে আবতীই-ন, অ বীরীই রান-
দিনিবত আগি বীসাই বাই মারীকমানি বীসা
খরকনাই তঙগ চীলা খরকসা বীরীই খরকসা।
অ বীরীই রানদি পুসিমানি হিন-ব আব কিসানি
কসত খায়ই মা পুসিখীনা, জরাঅ মীচায়া মা
নৌঙয়া খায়ই মা পুসি- খীনাবীলা। আরনি
বিসিঙগ অ বীরীই রানদি কীরীইজা নগ’ কীবাই
কিচিগ’ তঙজমানিবা বিয়াঙ বিয়াঙনি মাযুঙ
ফায়ইসে হর’ বিনি নগন সীবাঅই বীসা চীলা
বাই বীরীই বুখুকনাই তঙমানিন বীসা কুসু
হিনজাগনাই বীরীই বীসাতেন অ মাযুঙ নগ-ব
সীবাইখা অ বীসা কুসুন-ব বুথারই কীলাঙখা।

হাইরাই

: দুখু মাননাই বরকলে দুখু মানই-ন তঙগ।
তাবুকলে কিসা অ বীরীই রানদি সুকি উঙ-
জাউনৌ।

কুসতি

: আউ তাবুকলে অ বীরীই রানদিনি বীসীলা
অগ-ব তরখা অ পুসিজাগনাই বীরীই-ব
তরখাবা তাবুকলে কিসা-ব সুকি উঙজা- উনৌ,
উঙথন ব খাই-ব বীসীক দুখি মাঙ উঙগই
তঙসিনানি সীলাই, উঙজাথন কিসা।

হাইরাই বাই কুসতি থাংকা।
খুমতয়া বাই হজলাইতি ফাইকা।

- খুমতয়া : আয়ুঙ বীরীই নীঙ মিয়াঅ আনি মাতিঙ
বারাতিন রীচামুঙ থাইচা খীনাতকন রীচাবই
খীনারিখা হিনবেলে-না, আবতাই হিনই আনি
মাতিঙ আন সাপাইতা।
- হজলাইতি : আউ মীনাই আন থাইচা রীচামুঙন রীচাবই
খীনারিদি হিনকাই আঙ রীচাবই খীনা-রিখাতা
য়ঙ বীরীই।
- খুমতয়া : আগিঅ আঙ নীমা নীফাসঙ বাই গিলামা খাই
তঙরীকখা, নীমা বাই নীফা আব কিসানি বরক
কাহামরকয়া নন ফুনাগই মানখাই নীঙ সাঅই
মানখামন নীমা বাই নীফানি তঙমুঙন। নীফা
হিনকাই কক হাময়ান সাচেসায়া, ব কক
কাহামন মাঙ সাঅই থাইলাঙজাখা, চিনি অরনি
মাখুক-সা বাই কলকসা বরক য়ারতাই নীফানি
থানি কালি-ন থাংগই কক কাহাম কাহাম
সীরীঙলায়ই তঙলাইয় সালবুবুম বুবুম-ন
হিনমানি হাই সুদু কক কাহাম সিমিদে
ফীরীঙ-বা জত ককমুঙন-ন ফীরীঙগ।
- হজলাইতি : বাসঙ মাসঙ তাম তাম ককন ফীরীঙগই
কীলাঙথাবা যঙ বীরীই আবন কিসা আন
সাঅই খীনারিদি।
- খুমতয়া : ফুমুকমানি কক হিনই তঙগ, আইখরনি কক
হিনই তঙগ, কক মুকুমুনি কক হিনই তঙগ,
দাঙগাইমা দাঙগাইফা উলনি ককন সাঅই
কীলাঙমানি কক হিনই তঙগ, ককফিল হিনই
তঙগ, তাই-ব গিলা গিলা কক হিনই তঙগ
আবরক জত-ন ফীরীঙগই কীলাঙখাতা।

- হজলাইতি : য়ঙ বীৰীই ম ককরক-ন আন সালচা সাঅই
খীনারিদি তাবুক খীনাৰিয়া য়ঙবীৰীই মা কাম
পাইলাইয়া উঙগই তঙখীনা নগ'।
- খুমতয়া : আউ উল'-ন খীনাফাইদি আয়ুঙ বীৰীই।

খুমতয়া বাই হজলাইতি থাংকা।
হজলাইতি বাই বুদিনি ফাইকা।

- হজলাইতি : মা আগিঅ আনি মা হিনজাগনাই আনি বা
হিনজাগই কক কাহাম লাম কাহাম মাঙন সাঅই
থীইজাখা হিনবেলে-না মা?
- বুদিনি : আউ মাতিঙ নীমা বাই নীফা হিনকাই তাই
কুসতাম-ন সাঅই থীইলিয়া তাম হিনকাই কক
কাহাম কাহাম সিমি-ন সাঅই থীইজা- লাঙসি,
অব কক হাময়া হিনই থাইচা ফানসে সালোয়া,
তাম হিনকাই কক কাহাম লাম কাহাম সিমি-ন
বুইন বুইন সাঅ আবতাই তা খাইদি আবতাই
খাই তা চাদি লামা লামতিরি তা হিমদি, লামা
সিদা খায়ই হিমদি, লামা বুসুগীনাঙ তা হিমদি
লামা তানপরই সাব খায়ই হিমদি, আবতাই
খায়ই মাঙ কক কাহামন সাঅই তঙতা নীফা
বাই নীমা-ব আবতাই-ন।
- হজলাইতি : ম ককন য়ঙ মেবুডানি বিহিগ য়ঙবীৰীই-ব নিনি
মীতাই ককন-ন সাঅই খীনারিঅ আন।
- বুদিনি : আউ দাদা মেবুডা বাই বিহিগ বাচাই খাই নিনি
নীমা নীফা বাই বিসি খায়ই তঙলাইখা
আববাই-ন অ বাচাই খুমতয়া আনি সীলাই
তে-ব বিসি খায়ই সাঅই মান', মাতিঙ নীঙ
সালসা সুলসু থাংগই অ নিনি য়ঙ বীৰীই
খুমতয়ানি থানি থাংগই কক কাহামরকন
সীরাঙগই ফাইয়ইদি।

হজলাইতি

: আউ মা আঙ থাংগই সীরাঙগইয়ানীতা
কামরক কীরাই ফুবুরগ’।

হজলাইতি বাই বুদিনি থাঙকা।

মেবুউ বাই বিখারি ফাইকা।

বিখারি

: দা মেবুউ নীঙ বুদিনিসঙন নিনি নগ’ কীসা-
রিঅই তীলাঙগই থাংমানি কুকুবুই খায়ই
চাসুকখা।

মেবুউ

: তামঙগই নীঙ আবন আন চাখা হিনই মা
হিনকা, তাম উঙজাংগই নীঙ আন আবতাই মা
হিনকাসীলাই?

বিখারি

: বীরাই রানদি নগ’ কুসতাম ফান কীরাই জা
নাল’ খাল’ কীলায়ই তঙজানাই নগ কীবাই
কিচিগ, অ নগসে বলঙনি মায়ুঙ ফায়ই সীবায়ই
বীসা কুসু বীরাই খরকসা ন অ মায়ুঙ বুথারই
কীলাঙগই থাংকা, আবতাই বীরাইনসে নিনি
আবদালিনি নগ’সে অ বীরাই রানদিন জাগা
রিঅই কীসারিঅই তীলাঙগই থানানি হিনকাই
নন কাহাম উঙখা হিনই সানানি যাদেবা,
আববাই-ন কাহাম উঙখা হিনই মা সাতা
আবতাইয়াদেবা কক?

মেবুউ

: বুই বীরাই রানদি নাল’ খাল’ কীলায়ই তঙখাই
বন তুবই ফাইনানিয়াদেবা, নগ তিসাকাই
আবতাই অদিননি বরকন-ন তিসানানি
কীলাইয় বরক মুনুইসু হিনকাই।

বিখারি

: আউ আবলে আবতাই-ন দা মেবুউ।

মেবুউ বাই বিখারি থাংকা।

খুমতয়া বাই হজলাইতি ফাইকা।

হজলাইতি

: নীঙ উসীকাঙগ আন জাতেরে জাতনি ককন

- সানানি হিনমানি আবন আঙ নিনি থানি
খীনানি হিনই ফাইকাতা যঙবীরাই।
- খুমতয়া : নীঙ তাম ককন খীনানি হিনই ফাইবা ?
হজলাইতি : আঙ পুইলা আইখরনি ককন-ন খীনাগীরা-
নাইতা নীঙ আন অ আইখরনি ককন
সাগীরাতি।
- খুমতয়া : আঙ জততন সাচুগই মানয়া ফান নন কিসা
সাইই রিনাইতা আয়ুঙ বীরাই।
- হজলাইতি : দ আইখরনি কক নন সাগীরাতিতা, যঙ বীরাই
নীঙ আন সাকাই আঙবা বুদে বুজিনন সাইই
মানয়াতা।
- খুমতয়া : বুজিডানী তামঙগই বুজিয়া উঙনানিবা।
হজলাইতি : দ সাদি খাই যঙবীরাই।
- খুমতয়া : দ খীনাতিতা আয়ুঙ বীরাই তাবুক আঙ
সাউনী।

মানি কক বাই কক সাঅ জাতি গুসতি-ন সিনিরিঅ।
মাফা-ন সাল মাফা-ন তাল মাফা-ন চিনি কীপাল।
মায় বাবুনি য়াকুঙ চিনিলে নুখুঙ বাহাই নাহারদি বুকুঙ।
মায়নি কেনাবাই বাবুনি কেনা তা নাঙ, নীঙ উঙগই মাননিয়া গীনাঙ।
মায়নি মুকতাই চিনিলে কুঙতাই, ডানসুগই নাইদি তাম বুবতাই।
মায় বাবু-ন পাই থাকনাই হাঅ, ডানসুগই নাইদি খাঅ।
মা ফানি য়াকুঙ চিনি খরক বেরামুঙ, নীঙ বাই আঙ বাই জত বাই চাঙ।
মাতারি বাই সেঙকারি গীনাঙ, বাকসাবা সেলেঙজাগই হিনই তঙগ মীনাম,
মুসুক হাই বলে জাবীরা চানাই, বলে কুসতাম ফান সাইই মানয়া উঙনাই।
মুইতু কীরাই বীখান পকনাই, বিনি সাকনি মানাই-ব কীমাজাগনাই।
মীনাইমা সলয়া বলে সাইই মানয়া, তাম খাই তঙনানি বলে নাইসিকয়া ?
মরক মরক চরক চরক, বন হামজাগয়া বরক।
মরকি নাঙগই থাইলাঙখা, খাইরকমিসিসা আয়ুক সকয়া উঙলাঙখা।
মুকতীরাই কুথুক থুকা হর থুগই, তঙনাই বলে ফুঙনি সালকাঅই।
মুকতীরাই মেনে কক সাঅ তেনে, হর থুকমানি সাইই মানয়া খেনে খেনে।

মুকচাক হিনকাই খুকচাক, বলে বুই বাই রীচাবজাগ।

মদু বিলাতি মাইন সঙলাইখা, চাফুবু জত-ন মতমজাগবাইখা।

হানি তকসা, বলঙনি বীসা, রমনানি থাংকা বিরখা ফরসা।

মায়খুক বুকচা পাইসুক চারিয়া, নন অগ খাইরি বালক তনিয়া।

খুমতয়া : অঙথা আসীক-ন সাচিনাই তাই গিলামা-ন
তঙগ আয়ুঙ বীরীই নীঙ তাই থাইচা কুবুনি
সে সীঙদি।

হজলাইতি : যঙবীরীই নীঙ আন দাঙগাইমা দাঙগাইফা
সাতাই কীলাঙমানি ককনসে সাতাই খীনারিদি
আব বীবতীই কক-ব উঙথা।

খুমতয়া :
দ, আঙ তাবুক সাউনী নীঙ খীনাদি আয়ুঙ বীরীই। দাঙগাইমা, দাঙ-
গাইফা সামানি ককন।

উল সালচা তকসা তকতীই কীমানানি তঙগ।

উল সালচা বুফাঙ ডাফাঙ কীমানানি তঙগ।

উল সালচা আ মুই কীমানানি তঙগ।

উল সালচা গানথা, পাচ, থরাই, রাইসক কীমাতাই থানানি তঙগ।

উল সালচা বলঙ হাকীরা হাপিঙসা উঙনানি তঙগ।

উল সালচা তকুবু তমসা কীমাতাই থানানি তঙগ।

উল সালচা চীলা মাসান বীরীইরক হাদুক দুকসিনি রীক কেরেনানি তঙগ।

উল সালচা চিনি নুঙমুঙ চিনি চামুঙ কীমাতাই থানানি তঙগ।

উল সালচা চিনি রীচাবমুঙ চিনি মীসামুঙ কমরই থানানি তঙগ।

উল সালচা চিনি ডামুঙ চিনি সীইমুঙ কীমাতাই থানানি তঙগ।

উল সালচা চিনি ফুমুকমুঙ চিনি ককফিল কীমানানি তঙগ।

উল সালচা চিনি ককমুঙন পগই থানানি তঙগ।

উল সালচা চিনি সাইদা সুমুন পগই থানানি তঙগ।

উল সালচা চিনি গরিয়া হাঙগীরাইন কীমরি খিবনানি তঙগ।

উল সালচা চিনি মানি ককথাইয় বুইনি ককথাই হাবনানি তঙগ।

উল সালচা চিনি মাইলুমা খুলুমানি মুঙ পগই থানানি তঙগ।

খুমতয়া : আয়ুঙ বীরাই তিনি আসীক-ন সাঅই খীনা
 রিসিনাই তাই সাঅই খীনা রিনাই নুঙ উল তাই
 উইসা ফায়ই আনি নীঙ জে খীনায়া ককন
 ফায়ই খীনাফাইদি আঙ জে মান- মানিন সাঅই
 খীনা রিডানী।

হজলাইতি : আউ যঙবীরাই।

খুমতয়া বাই হজলাইতি থাংকা।
 গইরাম, হইরাম তাই তনাই ফাইকা।

হইরাম : ম হজলাই বাই খুমতয়া থাংবাইখাই তাই তাম
 উঙখা দাবুরা ?

গইরাম : বরকনি উল' হিনকাই তাই তাম উঙখা অ
 হজলাইতি কেরেঙ কথমানি কক আবন নীঙ
 তাবুক সাদি।

তনাই : উল খাই হজলাইতি আবতাই খায়ই বিনি থানি
 বিনি থানি কক কাহাম কাহাম-ন সীরাঙগই
 উল খাই হজলাইতি গিলামা কুচুগ' কাঅই
 থাংকাতা আবনন সাউনী তাবুক।

হইরাম : দ-দাবুরা আবন সায়াসানি কাহাম নায়ই
 রীচামুঙ থাইচা রীচাবই খীনারিদি তাবুক
 চাঙন।

গইরাম : আউ দাবুরা নীঙ চাঙন রীচাবই-ন খীনারিদি
 দাবুরা।

তনাই রীচাব'

নকবারলে সরসর উাটাই উাখর-খ-র
 আনি রাঙচাকসঙ বীসীক হাকচালই তঙখা
 নিনি তঙখাই থিকীনা বর ?

তীয়সা তীয় তমরমর' নীঙ বাই মালাইদে মান-ন দদর দর
নীঙলে বর তঙনাই তুবই ফাইয়ানী
নাইসগই তঙসকদি আর।

নখা গুরুময়া খাসে গুরুম', খাঅ য়ামুসুঙ রিদি।
দুঙগুর তীসানি তীয়লে রিয়রয়া
মকলনি মুকতীসে রিয়র
অ মুকতীইন হুচাঅই থিবদি।

নখানি ফেরাঙ কগই তঙফুরু
খারই নীঙ তঙদি
কগই রিজাগনাই দদি।

নখা গুরুমই মুইতু মানফুরু
খাঅ য়ামুসীঙ নীঙলে তা রিদি
নাঙগানী চিনিলে বদি।

দসা দাঁঙ দাঁরীঙ নীঙলে তা উঙদি
দসান যকনানি খাইদি
খা হাময়া থিবই খা কাহাম তুবদি
বীখা খুলাসা উঙদি।

ততনাইন নীঙলে খাইজাগদি
তঙতীতীই মুকতীই নীঙলে তা থিবদি
মায়া বিগরকনানি নাইদি।

আলিয়া কুনা সমফুরু নীঙলে খাসিঅই তঙদি
বীখা পাঙকেঅই নীঙলে মা তঙনাই
ফেরাঙলে ককনাই-ন ককনাই।

হইরাম

: বাপরি নিনি-ম রীচামুঙবা কুকুবুই খায়ই
খীনাৎকসুকখা বেলে, নীঙ বরঅ-ম
রীচামুঙরকন আসীক খায়ই সীরীঙগই তঙ,
নীঙ কেরেঙ কথমা-ব মান'রীচামুঙ-রকন-ব
মানী, নীঙ হাই বুরানি বিসিঙগ মাননাই-বা
কীসে কীরীইনা বেলে।

- গইরাম : মাননাই-ন মান' হিনই মা হিনবেলে, নীঙলে
মাননাই-বা নন-ন মান' হিনই মা হিন বেলে।
- তনাই : আঙ হিনই তামন মানজানানি, আহাই-ন
থাইচা-থুইচু বুইনি থানি সৌরীঙগই মানজা-
মানিতা, বুই হাই আঙ আসীক খায়ই মানয়া
মীতাইনতা থাইচা থাইচু খায়ই মানতা।
- হইরাম : দাবুরানি খাই খরাঙ-ব কাহাম-ন, দুঙগুরনি
তীয় রিয়রতাই চাইত তঙগ।

হইরাম, গইরাম তাই তনাই থাংকা।
বিখারি বাই কুসতি ফাইকা।

- কুসতি : দাদা গমাঙনি বীসাজীকন বুদিনি বীরাই
রানদিন নীঙ যাফরই রিহরমানি আব চাসুকখা,
তাবুক খাই অ চেরাই-ব বানচেখা অবীরাই
রানদিন-ব কাহাম উঙখা, আগিঅ অ বীরাই
রানদিন বীসা খরকনাই চীলা খরকসা বীরাই
খরকসা তঙমানি, চীলাখাই অকীরা বীরাই খাই
কুসু। অ বীরাই কুসু খাই থীয়ই থাংগই তাবুক
খাই অ পুসি- মানি বাই খরকনাই-ন খরকনাই
উঙগই তঙখাতা।

- বিখারি : আউ মীনাই আবলে আবতাই-ন উঙগই
তঙখা, বুমা-ব বানচেখা বীসা-ব বানচেখা
হিনমানি ককহাই উঙগই তঙখাতা, তাবুক খাই
অ-পুসিজাগনাই চেরাই তরই তাঙমানি
তাইমানি কক সামানি হজলাই হাই উঙগই
হজলাইতিসে মুঙন ফারজাগই তঙসিঅ।

- কুসতি : অ আববাই দা হরজলাইতি হিনই মুঙন
ফারজাগ দাদা?

- বিখারি : আউ আবতাই উঙগই-ন হজলাইতি হিনই

কুসতি

মুঙন ফারজাগ’। নীঙ তাবুকদে সাঅই মান।
: আউ দাদা আঙ তাবুক সে আবতাই উঙগই
মুঙন ফারজাগ’ হিনই সাঅই মান’, আগি খাই
আঙ সাঅই-ন’ মায়া, আঙ আগিঅ অ চেরাইন
কিসা তীলাঙগইলে থানানি মুচুঙখা আনি বীসা
কীবাঙ উঙগইসে আঙ খারমানি হাই কাই
উঙগই তঙসিঅ। আফুরু আঙ অ চেরাইন
তীলাঙগই-ন পুসিখামন।

বিখারি

: মীনাই নীঙ তাবুক খাই থাংগই নাইদি তামঙ
তঙখা অ পুসিজাগনাই বীরাইমা কানমানি
চুমমানি তরমানি চুকমানি জত-ন অজন
উঙগই তঙখা বীরাই-ব কাহাম-ন। নীঙ
পুসিখাই চাসুকখামন নিনি নগ’ খাই
খাপে-সুগই তঙখামন।

কুসতি

: আউ আঙ আফুরু তুবই ফাইকাই-ন চানানি
তুবজাগলিয়াতা হিনু, তুবখাই-ব আর সিকিলা
উঙগই তঙমানি হাই-ন আনি নগ’-ব সিকিলা
উঙগই তঙজাখামন।

বিখারি বাই কুসতি থাংকা।

হজলাইতি বাই খুমতয়া ফাইকা।

হজলাইতি

: যঙবীরাই নীঙ তাই উইসা ফায়ই ফুমুকমানি
বাই ককফিল সামানি ফায়ই খীনাফাইদি
হিনকাই আঙ নিনি থানি খীনানানি হিনই
ফাইকাতা, দ-যঙবীরাই নীঙ তিনি আন সাঅই
খীনারিদি খাই বুবতাইন হিন ফুমুকমানি কক,
বুবতাইন হিন ককফিল হিনমানি কক আবন-ন
কিসা সাদি।

খুমতয়া

: তাবুক আঙ সাউনী নীঙ খীনাডি-দ আয়ুঙ
বীরাই কক ফুমুকমানিন।

আচুক পেথা আচুকনাই বার করম বারনাই— চাকুমোরা।
 বুফাঙ সাকা পুনখি কতরা— কুয়াইফল।
 সারই রিখাই কানিসা থুমই রগই মচমসা— জাল।
 রাজানি রিজাই ফীরান-ব রানয়া— বীসীলাই।
 বখরকজনতা খিকরক লাথা— আনারস
 থাঙগুদু গুদু ফাই লেতাঙ তাঙ— থিম্যানি।
 রাজানি পাকুরি সর-ব সর বাইয়া— লামা হিমমানি।
 মামানি জাপা খুঙদক খুঙসিনি খুঙসালে কিয়ক বরম— থাইলিক মুইখন।
 উাতাই উয়া কথর কীলাইয়— পুঙখি।
 তাঙগই মাহান' নাইসাই নুগসায়া— বখরক।
 নকবীরা বীরা তুমবির খাসি— বেঙ।
 দানি দাসতু লগ-র জগ-র দানি দাসতু খরব— মাথিয়া।
 বকঙ কঙসা বীলাই লাইসা— কিসিব।
 নগ বিসিঙ মাইতাঙ তাঙসা— চাতি।
 নগ বিসিঙ নক বীখীরাই— সাতি।
 নগ বিসিঙ বুঙ চক— উয়িঙ।
 বীরাই মাসান ততীরা দুম'— চুর।
 বুমা খম খম বীসা বাথেরেরঙ থেরেঙ— রীসাম বাই রম'।
 নাইসিককাই মীনাই খাল' জুইত খাই নাইসিকখাই আন সল'—, আইনা।
 কুচুক হাচাম কাথকয়া— বেরা।

খুমতয়া : তাই আবতাই গিলামা-ন তঙগ, মীতাই
 ফুমুকলাইমানি কক নীঙ উল সীরাঙদি আঙ
 তাবুক নন আসীক-ন সাঅই খীনারিডানী
 আয়ুঙ বীরাই।

হলজাইতি : আউ তাই খাই কুবুনি সাল' সীরাঙ- ফাইয়ানী
 তাবুক খাই যঙবীরাই নীঙ আন অ ককফিল
 হিনমানিন সাঅই খীনারিদি।

খুমতয়া : আয়ুঙ বীরাই নীঙ তাবুক অ ককফিল
 হিনমানিন আঙ নন সাঅই খীনারিডানী নীঙ
 তাবুক খীনাতি।

১। যাখিলিক এঙসা কায়াসানিসে দগা ডাসীরীক সীরীক
যাখিলিক এঙনাই কায়াসানিসে

খিতুঙ উইসিনি ককবা (উলাইমানি কক)

২। দফিদফিকা কলম দফিকা

লাইচরকসানি হকি হাম রাইদা

দাবা নলিচা কেথক (বিসিক্রা সামানি)

৩। নীঙব ফাইদরপ আঙব ফাইদরপ

লামজার' মালাইদরপ

আচুক খুকলাসা বীসা সিন বীরাই

আঙদে বায়াপনি লাহি অ রাদা আঙদে বারাপানি লহি

(রাদান দাদা হিনবাইয়ান বাই হিন')

৪। বাকিয়া মুরা বাকিয়া পারা

বক হকিনি মদু

অ বাইয়ারক হকিনি মদু।

(বরনি উঙখা নীঙ আনি মদু)

৫। কর সিঙহ নর জিঙগ সীকাঙ সুনদুবু

গগ-ত খারুক সীবা সনদুবু না-দ

থুথু নরসিঙ সীবা সনদুবু না-দ।

(বীরাই সিকিলারক সনদুবু জাগমানি কক)

৬। অ বাইয়া তানকি রায়া দানি দাসতু লগ-র জগ-র

দানি দাসতু খরব

নুঙব ফাইদরপ আঙব ফাইদরপ

লাম জা-র মালাই দরপ (লামাত মালাইমানি)

৭। সিচিঙ সেঙমালনি সিচিঙনি য়ঙরক

সিচিঙ বরবক সকক

সকক রাজানি গাতি বারদরপ

বাদুখুঙ লাগগমানি।

(নীঙ বাই-ন উঙনানি হিনই তঙমানি)

৮। অ বাইয়া তানকি রাইয়া

রিগীনাই কানদি য়াসকু জরা

য়াথেকসা বারা বারা

বলঙ গেগুমা সাঁইচা দাগেখা
ককসাকা খারা খারা ।

(সীরাপসা আচুগই আঙ বাই ককন সাদি)

৯। অ বাইয়া তানকি রাইয়া

সাকনি খুমবারমা হাকর' কাইদি

খরক বাঁখানাই বারদি

কুরিয়া কুরিদক কাইসিনি

মাইচু বাঁচাঙগ চুদি, (নৌঙ সিকিলা উঙখানা)

১০। গুগুরা কবর য়াগতীক

চাঙরি তলানি য়াফাতীক

বলঙনি মীসাঁই বাহারই থাঙগই-বা

তাম ততীরা গীদীক (নৌঙ আন মারীকনিয়া)

১১। অ বাইয়া রাঙগিয়া মায়া

ককন তা সাদি খতেব

তাইসা খাঙগীরাই বথেব

য়াগনি য়াসিন লেখাঅই খিবদি

তীমা নৌঙ আন সতেব

(নৌঙ তামঙগই অ ককন সাসীলাই)

১২। য়াসি সবাইথাই নাইসিক নাইমানি

তঙথানি বিতিবিতি

বাঁখা কক থাইচা কাহাম সামানি

আবদে তাই মিতি

(নিনি ককথাইন আনি বাঁখাঅ তাই মিতিলিয়া)

১৩। খীনা আইখাই-ন রঙগ তামসা

নাকুনি উরি পুরি

কাহামদে উঙখা হাময়াদে উঙখা

থাংনাই-ন বইখনত' পুরি

(নৌঙ বাই বইখনত' পুরিঅ থাংনাই)

১৪। নাইথক সিনিয়া লামা গীদীকসা

ততীরা কাইঅ বুকুঙ সুরচাঅ

সুনা কানিয়া খানদাইসা গীনাঙ
য়াসিসা মুয়া মুয়া

(আঙ নাইথকয়া আঙসীক কাহাম কীরাই)

১৫। তীয়নি তাঁই সাকা সাকানি সাকা

বারসাখা বাকা বাকা
তলা তঙতীতাই নাইসাই নাইবাইখা
আনি মেনদীরা উঙখা
মীনাইগীরানা কিসা
রাঙচাকনি থালি কাইসা।

(নৌঙ আন হামজাগয়া থাংমানি তাম উঙখা তাবুক)

১৬। হাদুক দুক কলক সতরবঙগ

মিরতিঙগা সাথে লাথি বানাইয়া
মকমা কালি তরনি বানদে বামন সাগীতাই
রাইকিতিঙ কাতাঙ রাজিয়া থাঙজাগনাইরক।
(নৌঙ বুঙ বাইদে বাসঅই ফাই)

১৭। বালিয়া বাই চেঙ চেঙ

চখা পুঙগ এঙ এঙ
হুগনি মাইলুমা য়গই তঙখীনা
থাপাত কেরেঙ কেরেঙ।
(ফাইদি হুগনি মাইন রালাইনানি)

১৮। মীসা স্করম' আউম

উাতীইলে উাখা হাউম
দাদা বাই কাগই থাংকাই
সিলাই দুনালা কগই কীলাঙখা রাউন।

(দাদাবাই আঙবাই কাগলাইজাগতাই উঙতাই বুইন তা সাদি)

১৯। পাতাল' তঙগ পাতালনি বরক

মাথাম ততীরা আ বুসু লাইয়
দিদাসঙ গেরকলাইয়

মানিয়া মতম নুহুরই তঙখীনা

দাঙমাই পুদিরি কায়ই

(দিদাসঙ চাঙন হামজাগমানি লেঙলায়ই তঙখীনা)

২০। অ বাইয়া মীসাই পানথর' লুপা

মাইতীক কক সাকা থাপা

ফুঙ আয়ই বীচাই হাকর চগানী

খুমতাইসা খলই তুবদি সাকা।

(অ মীনাই নীঙ কানি-ন আঙ বাই নুগজাগ ফাইদি ফাইতাই
খুমতাই তাইসা খলই তুবদি)

২১। অ বাইয়া তানকি বাইয়া

দুঙগুর তীয়সানি খুমপুই

থাইচেরেম খাককা মীখাই

জাদুয়া লীকসঙ জাঙগিনি কতন

তাম উরইবা সতন

মুয়া বসকহাই খাইদি

(অ মীনাই তাইসানি খুমপুইন খলই কানই তাম আন কীখাই
খাইয়ই সীলাই)

২২। অ-রাদা মাইসিঙ সিয়রি যঙগলা পুঙগ

দুঙগুর বেসেরনি নগসি

দাসা দা কীরাই য়াগ বাই তানসাদি

য়াফা দালে-ম পাসা

নীঙ বাইলে আঙ সাক বাগসা।

(অ দাদা মাইসিঙনি নকসি তাননানি ফাইদি দা কীরাই ফান
তানই মান' নীঙ আঙ বাই সাকচালাইবা)

২৩। অ বাইয়া তঙথক পুরিনি হাঅ

মাইতীক তক ফাইদি মাইমুফুন কাইদি

মালা কান গীনাঙ খাইদি

বাসি বাসিয়া মায়ান ফীনাঙদি

বুগিলি কানই ফাইদি।

(নীঙ আঙ বাই ফাইদি মাই সঙগই তঙফাইদি মালা-ন কানই
নাইথক খাইদি)

২৪। অ রাদা বুফাঙ বখর' মনাই করম'

সাক বাই সাক খাপেনাদে

তঙথক বিখিনি তঙগই তঙলাঙ ব
দেৱে দেৱেলে তাখাই
বুফাঙ বখরনি বাহাই

(অ দাদা নীঙ বাই আঙ ফাইনানি-ন আন নীঙ খাদে
খাপেজাগন)

২৫। অ বাইয়া সাকন সুবিয়া সুবিঅই তঙদি

মানিয়া মতমনি বাগই

হরি ৱাকায়া দা সলঙ সলঙ য়াগ' চেমবুকসা তীহিদি

খাইচিঙ ব উৱায়া বিস-ব কায়া নীঙলে খাইসিঙ সিঙ উঙয়া

কক-ন তাসাদি দবুনা খাইদি তা-ম চচরক চরক।

(অ মীনাই নীঙ আন হামজাগয়া হিনকাই নিনি হামজাগমানি
বাই তঙদি)

খুমতয়া

: আনি থানি মীতাই ককফিল সানানি হিনকাই
তেই-ব তঙথ নন উল' খায়ই আঙ সাঅই
খীনাৱিডানী আয়ুঙ বীৱাই নীঙ তাবুক আনি
থানি খীনানানি হিনকাই তাই ককনি ককন
খীনাঅই মান', আবনি সীলাই-ব তেইব কাহাম
কাহাম কক তঙগ আনি থানি অ ককরকন
হিনকাই আঙ উল' নন সাঅই খীনাৱিডানী।

হরজলাইতি

: নীঙ তাবুক আন সাঅই খীনাৱিনানি হিনমানি
কক খাই বুবতাই সীলাই যঙ বীৱাই?

খুমতয়া

: তাবুক আয়ুঙ বীৱাইন ককসুতুব ককন কিসা
সাঅই খীনাৱিডানী নীঙ তাবুক খীনাডি
ককসুতুব ককন।

১। আথাম বাৱিয়া মাথাম, উৱলে উঙগ উঙয়াই-ব তঙয়া

দুৱগা মীতাইনি কাথাম

তঙমানদে হামন থাংমানদে হাম-ন

তঙগই থাঙগানী সাতাম।

২। সাকা-ব বাৱাই খামা-ব উৱাই

বিয়াঙ থানানি খাৱই

চানানি থাংকাই রিয়ক খিবমানি থাংকাই কথক

আঙলে থাইমানিদে হাম-ন কতকন সরই।

৩। নাইমানিদে হাম-ন, নাইয়াদে হাম-ন

আনি দুল দুলা বীখা

থাংমানদে হাম-ন থাংয়াদে হাম-ন

থাংয়া মেনদীরা উঙখা।

৪। নুগয়াখাই নুগয়া নুগয়া বাবাইসা

নুগখাই-বা তাম উঙন

তঙয়াখাই তঙয়া তঙয়া বাবাইসা

তঙখাইবা তাম হিন-ন।

৫। সাল-ব থাংরর সানজা-ব উঙরর

তাম খাইনানি হামকা

মীসা ফাইরর' মাযুঙ ফাইরর'

বুফাঙগ কামানিদে চাখা।

৬। হরি হাকায়া দাসলঙ সলঙ

মানথাই সানমানি-ব রিয়া

মানইসে তঙথন মানয়াইসে তঙথন

বিখা আঙ নন সানয়া।

৭। রিসা সরবাঙগি সানই আঙ সরয়া

তাগই সরডানী আঙলে

মকল বিখিনি তঙগইসে তঙথন আঙলে নাইসিকয়া

থেরা খুডানী নীঙলে।

৮। দঙগই য়ইনি তীয়সানি খুমপুই

নন সীঙয়াঅই খলয়া

হাদুক দুক কলক হিমনানি হিনকাই

নীঙ বাইয়া খাইলে হিময়া।

৯। তাঙয়া সানি-ন থীয়ইসে থাঙতন

জাদুনি মুংন খুনাই

নুগসে তঙথন নুগয়াইসে তঙথন

আনি হামজাগমা নুঙখাই।

১০। তেনতীরাই পুঙগ বিসিবয়া কমবয়া জন সুডা সের

নাইলাই তঙগ বেসের

নিনি-ব ফান তঙগ আনি-ব মুঙ তঙগ

খীনাতকজাগয়া কেচের মেচের।

১১। মাইসিঙ তাঙবীলা বুইসাকনি পুইলা

মোনাইসঙ তঙগ খুলা

সিরিঙ সিরিঙ খাই তাবুক-ব তঙগ

উঙয়ালে হালা গুলা।

১২। বুইসাগ' কাইয় মাতাই গরিয়া

মোনাইসঙ রিঅ মায়া বারিয়া

বসর কীতালনি গরিয়া কাইমানি

মাতাইন খুলুম ফাইয়া।

খুমতয়া

: তাই-ব গিলামা খীনাতক খীনাতক কক তঙগ
আনি থানি, নীঙ উল' ফায়ই আনি থানি তে-ব
সীরীঙফাইদি আয়ুঙ বীরাই। আঙ মীসীক
খায়ই নন ফীরীঙগই রিমানি বাই-ন নীঙ তে-ব
বিসি খায়ই ককমুঙ ককথাইন বানকগই সাঅই
বুইন খীনারিঅই মানানী।

হজলাইতি

: যঙ বীরাই নীঙ আবতাই খাইয়ই আন হামবাই
রিদি আঙ কক কাহাম কাহামন বানগই বুইন
সাঅই খীনারিঅই মানথন হিনই।

খুমতয়া

: আঙ হামবাই রিঅ নন আবতাই-ন উঙথন
নীঙ।

হজলাইতি বাই খুমতয়া থাংকা।

বুদিনি বাই হজলাইতি ফাইকা।

হজলাইতি, মা আঙ যঙবীরাই খুমতয়ানি
থানি আইখরনি কক, দাঙগাইমা
দাঙগাইফা-সাঅই কীলাঙমানি কক মুকুমু,

ককফিল, ফুমুকমানি, তাই ককসুতুব কক-
রকন আঙ সীরাঙগই তুবই ফাইকা,
আবতাই ককতমারকন কে কাইসা ফা-ন
বিনি থানি থাঙগই সীরাঙগইয়াখনা,
আঙলে অ যঙবীরাইনি থানি থাঙগই
সীরাঙগই ফাইকা।

বুদিনি

: অ নীঙ বুফুবু আবতাই ককন সীরাঙগই
তঙগইখাসীলাই, আবতাই হাই কক কাহামন
সীরাঙগই তুবই ফাইমানি বা বেলাই কাহাম
ককসেবীলা আবতাই কক কাহাম সীরাঙগই
তুবই ফাইনানি-নতা, জেসা-ব সীরাঙনাই-ন
মা-ন নিয়া সীলাই নাইনাইন নুগনিয়াদা।
আববাই-ন নাইনানি সীরাঙনানি নাঙগ।

হজলাইতি

: অ যঙবীরাইনি থানি তে-ব কক কাহাম কাহাম
তঙখ ফন, আবন আন উল' ফায়ই
সীরাঙফাইদি হিনই সাঅ।

বুদিনি

: সীরাঙগইদি মাতিঙ সীরাঙগই মানমানি
বাইসে কক।

বুদিনি বাই হজলাইতি থাংকা।

হজলাইতি ফাইকা।

হজলাইতি

: সীরাঙনাই-ন মাননাই নাইন নুগ হিনই অ
ককন মা আন সামানিবা আব কিসানি কক
কাহাময়া বেলে। আঙ তাবুক খাই তে-ব বিসি
খায়ই ককলাম সীরাঙনানি নাইনানি নুগনানি
তাই তাঙনানি তীহানানি আবতাই খায়ই মাঙ
আঙ তঙসিনাই। ম আনি মা বুইয়া আনি মা
অগ উঙগই-ন আন মীতাই কক কাহামন
সাঅই খীনারিঅ।

হজলাইতি থাংকা।
হাইরাই বাই কুসতি ফাইকা।

কুসতি

: অ দাদা গমাঙনি বীসাজীক পুসি- জাগনাই-বা
কুকুবুই খায়ই জাতেরে জাতনি ককন সাঅই
মানবেলে, বিনি কক সামানি-ব পেরেম পেরেম
কক সামনি-ব খীনাৎক, বিনি কক সামানি
খীনাঅই মাঙসে তঙনানি মুচুঙগ আঙখাই।

হাইরাই

: আবতাই আরা আদিননি বীসা বীতাই-ন
মানফির' জেসা-ব ফাত ফাত। আব কমদা বুমা
বুফা থায়ই থাংগই অ হজলাইতিনি তীলাঙগই
খরকসা ফান পুসিনানি গসেনাই কীরাই,
বাহাই-ব বীসা খরকনাই গীনাঙ বুদিনি
তীলাঙগই পুসিজাইসে দীলা, খরকসা ফা-ন
তীলাঙগই পুসিনাই কীরাই হিনকাই
হজলাইতি আহাইনসে কবনই কচগই
থাংজাখামন।

কুসতি

: আহাইয়া খাই তাম সীলাই, তাবুক খাই তাম
উঙখা নাইসীলাই বন-বা চিনি কামিঙগ
তাঙথানি-ব পাইয়া সঙথানি সুকতানি-ব
পাইয়া, ককলামন সাথানি-ব কাইসা ফান
পাইয়া আচুকনানি বীচানানি-ব কীরাই, ব উল'
তামঙনাইনাবা সবা পানদা কতর কতররগ'
বীচাঅই কক-ন সাঅই মানানী নায়ই তঙদি।

হাইরাই

: মানথন চাঙ আবতাই-ন নায়ই তঙগ বীরাইনি
বিসিঙগ আবতাই পানদা কতর রগ' কক
কাহাম সাঅই খীনারিঅই বুজগই মাননাই
ন-চাঙ নাইতুগই তঙগ, বলে আরা আদিননি
বীসাবা মাসে মানথন কিসা আঙ খাই ব-ন
হামবাইসে রিঅ।

- কুসতি : আউ হরজলাইতিন হামবাই-ন রিবাইদি,
ব-হামই তঙথন চাঅই তঙথন হিনই।
- হাইরাই : হজলাইতিন বুদিনি পুসিফুবু হিনই বীসীক
কসত উঙখা হিন আয়াঙব রানদিজা হিনকাই
নগ'-ব কুসতাম ফান কীরাই খরঙ খরঙ
হিনকাই মাই মাচালাইয়াসে বীসীক খায়ই মা
তঙলাইখা হিন।
- কুসতি : আউ আবলে আবতাই-ন উঙলাইখা।

হাইরাই বাই কুসতি থাংকা।
বুদিনি, কেদেকরাই তাই হজলাইতি ফাইকা।

- বুদিনি : বাবু নীঙ নিনি মীনাই বাই চিনি হুগ তাঙবাইয়া
বারা তাই কিসা তঙগই তঙখ আবন নরক
বুখুকনাই থাঙগই তাঙগই পাইলাইয়ই
রীলাইয়ই ফাইলাইদি, আঙ থাংলিয়া নরগ
খীনাঅ থাংলাইখাই আঙ নগ কুমুন তঙগই
তঙসি-ন নরগ থাংগই পাইলাই ফাইসিদি।
- হজলাইতি : আউ চাঙ দাদা বাই থাংগই তাঙগই পাইলায়ই
ফাইলায়ই ফাইসিডানী।
- কেদেকরাই : আউ চাঙ মীনাই বাই কীনাই থাংগই তাঙগই
পায়ই ফাইলাইসিডানী, নীঙ তাথাং-সিদি নগ
কুমুন খায়ই তঙগই তঙসিদি।
- বুদিনি : পাইয়াখাইলে তা ফাইদি পাইয়ই ফাইলাইদি,
নরগ মাইচুন তীলাঙলায়ই থাংলাইদি। দিপসা
খাই তাতে তাঙবাই-ন তাতে তাঙবাইয়া,
তাঙবাইখাইত কাহাম-ন উঙগ।
- হজলাইতি : আউ মাইচুন তীলাঙগই থাংগানীতা মা।
- বুদিনি : আউ তীলাঙগই-ন থাংদি।

বুদিনি, কেদেকরাই তাই হজলাইতি থাংকা ।
কেদেকরাই বাই হজলাইতি ফাইকা ।

- হজলাইতি : চিনি হুগ তাঙগই পাইনানি তাই বিসি
কীরীইখাবেলে দাদা, কাহাম খাই তাঙলাই-
খাই দাকতি-ন পাইয়ানী ।
- কেদেকরাই : তাই বিসি কীরীইখাবেলে দাকতি-ন পাইয়ানী,
তীরীক তীরীক খাইয়ই-ন তাঙগানী তামসীক
দথানানি ।
- হজলাইতি : দাকতি তাঙবাইখাই দাকতি-ন থাংলাইয়ই মান’
দাকতি দঅই-ন তাঙলাইমানি হাম’ ।
- কেদেকরাই : দ জেসা খাই ফান তাঙলাইদি তে-ব তিনি-ন
পাইয়ানীবালা লেরই তাঙব দঅই তাঙব ।
- হজলাইতি : দ তাঙলাইদি খাই দাদা নীঙ আনি য়াগীরা
ফাইসিঙগ খাই তাঙদি আঙ নিনি দেবীরা
ফাইসিঙগ খাই তাঙগানী ।
- কেদেকরাই : দ মীনাই হুগন তাঙতীতাই তাই তাম খাই
তঙনানি কিসা ফুমুকগই খীনরিদি খাই ।
- হজলাইতি : আঙ তামন ফুমুকগই খীনারিনানি আঙ
ফুমুকমানিন মানয়াবেলে ববন হিন ফুমুকমানি ।
- কেদেকরাই : বা মীনাই নীঙ আন তাতাল সারাক উসীকাঙ
সে নন আঙ যঙবীরীই খুমতয়ানি থানি
ফুমুকমানি সীরীঙগ হিনই খীনামানিসে ব
তাবুক আন মানয়া হিনই সাতই তঙনানি দীলা ।
দ-সাতই খীনরিদি থাইচা আঙ অ ফুমুকমানি
ককন খীনানানি মুচুঙগই তঙখা, দ-সাতই
খীনরিদি কিসা ।
- হজলাইতি : আঙ নন ফুমুকগই খীনরিখাই নীঙ আনি ককন
খীনানানি দেবা ?
- কেদেকরাই : খীনাডানী নীঙ জে আন সামানি ।

- হজলাইতি : কুবুইদা নীঙ সহিত খাইদি খাই।
- কেদেকরাই : কুবুই-ন আঙ সহিত খাইকা।
- হজলাইতি : জানি খা ফুরমা য়াগ সঅই নাদি সিকীলাদনদি
কীরাই হিনমানি কক খাই তামসীলাই দাদা।
আবনি ককন নীঙ আন কিসা সঅই খীনারিদি
খাই আন নীঙ।
- কেদেকরাই : আব খাই মীনাই বীরাই সিকিলা বাই চীলা
সিকিলা হামজাগই থাংলাই-ব কুসতাম ফান
উঙলাইয়া হিনমানি ককতা।
- হজলাইতি : দাদা নীঙ-ব সিকীলা আঙ-ব সিকীলা চাঙ য়াগ
সলায়ই থাংলাইখাই তাম উঙন?
- কেদেকরাই : নীঙ আঙ বাই আবতাই খায়ই থাংগইদে
মাননবা?
- হজলাইতি : থাংগই মান', নীঙ-ব সিকিলা আঙ-ব সিকিলা
তামলে তঙবা নীঙ তীলাঙনানিদেবা আন?
- কেদেকরাই : নীঙ থাংনানিদেবা আঙ বাই?
- হজলাইতি : আঙ নন-ন হামজাগই তঙবেলে, আঙ
তামঙগই থাংয়া উঙনানিবা নীঙ বাই? হিমদি
দিবরনি মাই চালাইগীনারা।

কেদেকরাই বাই হজলাইতি থাংকা।

হজলাইতি ফাইকা।

- হজলাইতি : বিনি বীখা বিসিঙনি কক-ন সাঅ আঙ আন
পুসিনাই বীরাইনি বীসীলা কেদেকরাই বাই-ন
কাইজাগনানি। আঙ বুই বাই কাই- জাগই
থাংকাই আঙ আন পুসিনাইন আঙ কুসতাম
ফান খায়ই মাননিয়া, আববাই-ন বীসীলা বাই
কাইজাগই আঙ সেবা জতন' খায়ই কাহাম
হাময়া হিন-ব নাইকলই নাইসিগই চারিঅই

তনিমানি হাম’, থানচা খায়ই তঙগই তেবসে
আন ব পুসিঅই তুবই ফাইমানি গুনন আঙ
সুবাইসুগই মানগীলাক, আন বীসীকসে ব চায়া
কারই চারিখীনা নুঙয়া কারই খানি কীনা
আবনদে আঙ তাই বন যাগূল সুবাইয়ই মানসি
আনি মা অগয়া ফান।

হজলাইতি থাংকা।

হজলাইতি বাই কেদেকরাই ফাইকা।

কেদেকরাই : মীনাই আঙ নন মানানী হিনই সিয়া, নন আঙ
মানই আঙ বর মা তঙখা সাঅই মানলিয়া, নন
আঙ আগিনি সিমি-ন হামজাগই তঙবা,
হামজাগই তঙফান নন আঙ সারাগয়া।

হজলাইতি : আঙ-ব নন আহাই-ন সারাগয়া উঙগই তঙগ,
অ সাল’ খাই কেব কীরীই উঙগই আঙ নন
সাঅই নাইখাতা।

কেদেকরাই : আঙ থীয়ই থাংব নন খাই তাই কাগলিয়া।
হজলাইতি রীচাব’।

আঙ-ব তঙথানি নীঙ-ব তঙনানি
কীনাই খাই তঙলাইনানি।

আঙ-ব থাইতানি নীঙ-ব থাইনানি
কীনাই-ন থাইলাইনানি।

ম-ন সরগনিপুরি
নীঙলে নুগয়াদে নন আঙ তঙমানি সুরি।

নিনি সাম’-ন আঙলে তঙগ গুরি
হিময়া আঙ তাই লামা লামত্রি।

আঙলে মাফানি বীসা
আচাইখা আঙলে কাইসা।

আনি মায়ান নন রিসুকখা

বীখা বাবেখা নীঙ বাই-ন তঙগানী থানসা ।
 কীনাই-ন তঙগানী কীনাই-ন চাউনী
 কীনাই-ন তঙলাইয়ানী ।
 মায়াজাল নাঙগই মকল বাই নুগখা
 নুগই আঙ নন খাবাই হামজাগখা ।
 আনি হামবাইন নন-ন বাগখা
 বাইথাঙনি বীখাঅ জুঙজাল য়াক কাগখা
 উঙগই থাংসিতন নীঙ-ন ।

- কেদেকরাই : আঙ নন মীতাই হিনই সাঅই মানয়া, উ য়া
 খাই আঙ নন ব কাল'সে সাখামন নীঙ আন
 হাদে হামজাগ হিনই, নীঙ আন তে-ব সীকাঙ
 সীঙখাবা হামকা ।
- হজলাইতি : তামঙগই আঙ নন সীঙয়া উঙনানি সীলাই
 নীঙ আনি হামজাগই তঙমানি চীলানবা ?
- কেদেকরাই : নীঙ সীকাঙ সীঙখা খুবই-ন কাহাম উঙখা,
 চাঙ থাইয়াসাক তাই নীঙ বাই কাগলাই- লিয়া ।

কেদেকরাই বাই হজলাইতি থাংকা ।
 গইরাম, হইরাম তাই তনাই ফাইকা ।

- হইরাম : আবনি উল'খাই তাই তাম উঙখা দাবুরা ?
- গইরাম : পাইনানি কাসকখাবা তাবুক খাই নীঙ পাই-
 সুগই-ন সানানি কীলাইসিনাই ।
- তনাই : হজলাইতি কক-ব আসীক সীরাঁঙখা কক
 মুকুমু-ব আসীক-ন সীরাঁঙখা কক ফিল-ব
 আসীক-ন সীরাঁঙখা, ফুমুকমানি কক-ব
 আসীক-ন সীরাঁঙখা আবনি বাদে-ব কক
 কীতাই কক কীখা হিনই জাতেরে জাত কক-ন
 সীরাঁঙগই তঙখা, পানদা কতর কতররগ' কক
 সাঅই তঙগই মানখা । তাবুক খীনাডি আঙ
 সাউনী ।

হাইরাম, গইরাম তাই তনাই থাংকা ।
মেরুউ বাই খুমতয়া ফাইকা ।

- খুমতয়া : নৌঙ খীনাকাদা, চিনি দাদা গমাঙনি বীসাজীক
বুদিনি বাই পুসিজাগনাই বীরীই হজলাইতিন
তাবুক বুই বীসীক খায়ই বন হামজাগবাই হিন
তাই সাঅই মানলাইলিয়া ফন । অ হজলাইতি মানি
থানি তাবুক জাতেরে জাতনি ককন সীঙনানি
বাগই দল দল খায়ই বরক ফাইয়ু । আঙলে কালি-ন
বরকন খেয়াল খায়ই তঙবা নুগতা ।
- মেরুউ : বরক কাহামন হিনকাই আবতীই-ন জত-ন
রীকথার' বিনি থানি কক কাহাম তঙমুঙ
কাহামন সীরীঙগই তীলাঙগই থানানি বাগই,
তাই বিনি কক কাহাম সামানি-ব খীনাই
বুজিঅই থানানি হিনই ফাইয় ।
- খুমতয়া : আঙ-ন পুইলা অ হজলাতি আয়ুঙ মান
ককফিল ককতাঙ ফুমুকমানি ফীরীঙগই
রিগীরানাই আঙসে দীলা, আব বাই-ন ব তাবুক
আন কাহাম কাই হাম- জাগ'-নিয়াদা ।
- মেরুউ : আঙ আব বাই-ন নন সাকাবেলে বরক কাহামন
খাই জত বরক-ন হামজাগ' হিনই ।
- খুমতয়া : ম হজলাইতি মা উল' থাইচা উঙলাঙগানী
নাইদি ।
- মেরুউ : উঙথন উঙখাই-ন কাহাম ।

মেরুউ বাই খুমতয়া থাংকা ।
মাখুকসা বাই হেলেঙতি ফাইকা ।

- হেলেঙতি : দাদা গমাঙনি বীসাজীক হজলাইতি
হিনমানি-বা কিসা খায়ই ককনি ককফিলরক,
কক ফুমুকমানি কক সুতুব- মানি, ককরীবাইনি

কক, কক কীখাইনি কক, কক লেঙগীরাঙনি
কক, কক তানসনি কক, কক বুইতালনি কক,
কক রীবাইনি কক, কক থকয়ানি কক, কক
হাতারনি কক, মুকুমুনি ককরক গিলামা খায়ই
সীরাঙ তঙখা হিনবেলে, তাই সাঅই মানয়া
জাত খায়ই।

মাখুকসা

: সীরাঙখাইবা কাহাম উঙনানি নতা সীরাঙ-
নাই-ন সীরাঙগই মান', নাইনাই-ন নায় নাই
নুগ', চানাই-ন চানাই মীচাঅ নিয়াদে বুইনি
কক' আবতাই তঙবেলে।

হেলেঙতি

: বা আবতাই বীরাই-ব হাঅ আচাইনাই তঙ
বেলে! বুদিনি হিনমানি ম হজলাইতিন
পুসিয়াখাই থীয়ইসে থাঙজাখামন, অ বুদিনি
হিনমানি ব-ন পুসিসাঅইসে। চাঙ জত চেরাই
খীনাইরকনসে সাঅই কীলাঙ- বাইনানি নরগ
চিনি কামিঙনি হজলাইতি হাই-ন উঙবাইদি
হিনই, নরগ-ব-হাই উঙবাইনানি হিনকাই কক
হাময়া সীরাঙ যাই কক কাহামন সীরাঙবাইদি
হিনই।

মাখুকসা

: আউ আবলে আহাই-ন জে চেরাই খীনাই রকন
আবতাই খাই-ন সাঅই কীলাঙ- বাইদি তঙ
হাময়া তা তঙদি কক হাময়া তা সাদি কাম
হাময়া তা খাইদি হিনই, আঙ-ব সাডানী চিনি
সীলাই জে উল' আচাইনাই রকন।

হেলেঙতি

: আঙত সানাই-ন সানাই, নীঙ-ব সাদি।

মাখুকসা

: আউ আঙ-ব সাডানী।

মাখুকসা বাই হেলেঙতি থাংকা।

বুদিনি বাই হজলাইতি ফাইকা।

হজলাইতি

: মা তাম চিনি নগ সাইরিকনি বলরক কীরাইদে
তাম? কীরাইখাই আঙ উ বুইনি কামিঙচাঙ

ফাইসিঙগ বল ফাকসা নাহারই ফাইয়ানী আঙ
গুদু গুদু খায়ই।

বুদিনি

: বর তাবুক সাল থাংন নক সাইচুঙ থাংগইবা
বল নাহারতীৰুঙ তঙগইনানি।

হজলাইতি

: বর আঙ সাইচুঙ খাইবা তাম উঙনানি বল
কঙসা কঙনাই তানই তুবই ফাইনানিবা তাম
তঙবা, কুসতাম উঙয়া মা আঙ সাইচুঙন থাংগানী।

বুদিনি

: নন সাইচুঙ সুসুগ খাই আঙ নন রিহরয়া
আঙ-ব নিনি লগিঅ থানানি হিনই মাসাকনাই
থাংলাইখা।

মাসাকনাই থাঙগই বলন তানলাইতে
তানলাইতে হজলাইতি হাপলক সাকাঅ গলা
থাইচা কতরমান নুগই রিখা গলা কতরমা
থাইচা, ম বরনি গলা কতরমা থাইচা অর
সকফায়ই তঙফাইকা সীলাই হিনই হজলাইতি
বল তানতীতীই নাইনানি হিনই থাংগই
নায়ইখাতা, নায়ই-বা রাঙ গলাসে চকচক
আচুগই তঙগ, উল'খাই হজলাইতি বুমান
রিঙখাতা অ মা ফাইগীরাদি হিনই।

বুদিনি

: ফায়ই সীঙফাইকা নীঙ তাম খাইনানি বাগই
আন রিঙ হিনই।

হজলাইতি

: সাকা মা ইক নাহারদি হাপলক সাকাঅ রাঙগলা
থাইচা আচুগই তঙখা হিনই ফুনুকখা।

বুদিনি

: থাঙগই নায়ই নাইবা কুকুবুই চাচা-ন রাঙ গলা
কু পুলুঙ চাঅই তঙখা উল' খাই বুমা
বীসাজীকন বুইন তা সাদি হিনই মাসাক- নাই
খায়ই অ রাঙ গলান লাঙগাঅ খুকীলাইলায়ই
রিখা নাইবা মাসাকনাইনি লাঙগাঅ-ন অ রাঙ
লাঙগানি বুখুনজু জরা উঙখা, উল' খাই লাঙগা
সাকাঅ বল কিসা কিসা বকসাঅই নগ'
হরলায়ই তুবলাইয়ই ফাইলাইখা।

বুদিনি বাই হজলাইতি থাংকা ।
গইরাম, হইরাম তাই তনাই ফাইকা ।

হইরাম : হজলাইতি বলঙগ বল তাননানি হিনই থাঙগই
হাপলক সাকাঅ রাঙ গলান নুগই বুমা বাই
মাসাকনাই হরলায়ই তুবই ফাইয়ই উল' খাই
তাই তাম উঙখা দাবুরা ?

তনাই : উল' খাই অ রাঙন হজলাইতিসঙ মাসাক নাই
লাঙগা বাই হরলায়ই তুবই ফায়ই বরকনি
সোনদীক কতরমাত দাতই তনি ফাইকা হিনতা ।
আবতাই খায়ই দাতই তনি ফাইকাই উল'
হিনকাই কিসা কিসা খায়ই চাসাতই ফাইকা
হিনতা ।

গইরাম : উল' খাই তাই তাম উঙখা সীলাই দাবুরা ?
তনাই : হজলাইতিন উল' খাই অ কামিঙনি বররক
জেসা কক সালাইথানি হিন-ব বন রিঙগই
তীলাঙ হিনতা । আবতাই উঙতে উঙতে সবা
পানদারগ'-ব রিঙজাগখা, সবা পান- দাত
রিঙজাগতে রিঙজাগতে উল' খাই সবা পানদা
কতর কতররগ'সে বীচাতই কক মা সাকা
হিনকাই বুই বিনি ককন খীনানি বাগই সবা
পানদা উঙখাই হাকচাল হাক চালরকনি বররক
সুদু-ন ফায়ই খীনালাই ফাই হিনতা ।

হইরাম : অ হজলাইতি-ব সবা পানদা কতর কতর র-গ'
হিনকাই তাম ককন সাতই খীনারি হিন সীলাই
দাবুরা ?

তনাই : হজলাইতি অ পানদারগ' কক সামানি
হিনকাই-ব সাতই খীনারিঅ চাঙ কীরাই
বররক থানচা খায়ই তঙনানি নাঙনাই চাঙ
থানচা খায়ই চানানি নাঙনাই । চাঙ চিনি

জাতিগুসত্তি আগিঅ চিনি সীলাই সীকাঙগ
আচায়ই থাংনাই দাঙগাইমা দাঙগাইমা চাঙন
সাতই কীলাঙমানি চিনি হুকুমু মুকুমুন
নারীকলাইদি হিনই সাতই কীলাঙমানি চাঙ
আ-ব মা নারীকলাইনাই আবতাইরক হিনই
সাকীলাইতা তাবুক আঙ তে-ব সাউনো খীনাদি।

হইরাম বাই তনাই থাংকা।
বুদিনি বাই বিখারি ফাইকা।

- বুদিনি : দাদা আনি আঙসীলা কেদেকরাইন কাইয়ই
খিবনানি বাগই বীরীই খরকসা নাইতুগই রিদি।
- বিখারি : আঙ নন তাবুক বরনি বীরীই খরকসা নাই-
তুগই রিনানি সীলাই, নিনি নীসীলা বাই
খাপেনাই বীরীই আঙ নুগয়াতা চিনি কামিঙগ,
আঙ বুইনি কামিঙরগ-ব নায়ই নাইখা আঙ
নাইতুগই মানজাগয়াতা আবতাই
খাপেলাইনানি-ব নাঙবেলে।
- বুদিনি : আঙ তাকীলাই-ন কাইখাই কায়ই পায়ই
খিবনানি হিনই নাইমানিতা, বন খাতিঅই
নারীকগই তনিঅই তাম খাইনানি সীলাই
জেতীই-ন উইসা কায়ই খিবনানি নাঙগ।
- বিখারি : আকন কাইনানি খাই কাইনানি-ন নাঙগ
আবত। এই আঙ মুইতু উঙখা তাবুকলে।
- বুদিনি : নীঙ তাম-ন মুইতু মানজাগখাসীলাই আতকাসা
দাদা?
- বিখারি : আবতাই বীরীইবা নিনি নগ-ন খরকসা
তঙবেলে নীঙ তাম খাইনানি তাই কুবুনি
বীরীইন নাইতুগই তঙসীলাই, নীঙ পুসি মানি
বীরীইন সিচে সিনিয়াখ, আব বুবতাই জাত
বীরীই ব।

বুদ্দিনি
বিখারি

- : আব চা-ন দাদা ?
: আব চায়া তঙ, আবন বিসি খায়ই চানাইতা,
নিনি আব বীসা অগয়াবা তাম তঙ তাবুক
নৌসীলা বাই কাইখাই-ন বীসা অগ উঙগই
থাংগানী তাই তাম তঙবা ?

বুদ্দিনি
বিখারি

- : আউ ককলে আহাই-ন।
: কায়ই-ন খিবদি তাই তা উনাদিনগ'-ন বীরাই
কাহাম নাইথক তঙগই তাই তাঙমানি তাইমানি
হজলাই খায়ই তঙগই তাই কক সিম্যানি-ব
সানানি কক কীরাই, কাইদি নৌঙ পুসিমানি অ
বীরাইমা বাই-ন।

বুদ্দিনি

- : দ-আহাই কাই আঙ পুসিমানি অ বীরাইমা
বাই-ন কাইসিউনৌ খাই, নৌঙ-ন নিনি লগিঅ
তাই খরকসা খরকনাই বরকন তুবই কক
সৌঙগই সাদি খাইনানি সালন থিক খায়ই
কীলাঙগই থাংফাইদি দাদা।

বিখারি

- : আউ নন সাহরই-ন ফাইয়ানী আঙ।

বুদ্দিনি বাই বিখারি থাংকা।

মেরুউ বাই খুমতয়া ফাইকা।

খুমতয়া

- : বুদ্দিনি নিনি বীসাজীক হজলাইতিন নিনি
বীসীলা কেদেকরই বাই-ন কায়ই রিখাই
উঙখামন, বুদ্দিনি আর আর বীসীলান
তাকীলাই কায়ই খিবনানি হিনই বীরাই
নাইতুগই তঙমানি সীলাই।

মেরুউ

- : বুদ্দিনি অব পুসিমানি অ বীরাইমা বাই-ন
বীসীলান কাইনানি উঙখা হিনবেলে আন
মিয়াঅ বিখারি সাঅ, কক সৌঙলাইনানি হিনই
আনসে লগি সঅই তঙখা হিমদি নৌঙ-ব
খরকসা চিনি লগিঅ অ কক সৌঙমানি সাল'

খুমতয়া
মেরুউ

আহাই-ন থাংলায়ই ফাইলাইয়ানীতা, থা-ব
থাংকা সাদি খাইনানি সাল-ব খীনাই ফাইকা।
: দ-কাহাম কীরীঙ খাই থাংগানীতা।
: আউ আব-ত আহাই-ন।

মেরুউ বাই খুমতয়া থাংকা।
গইরাম, হইরাম তাই তনাই ফাইকা।

হইরাম
তনাই

: আবনি উল' খাই তাই তা-ম উঙখা দাবুরা?
: আবনি উল' খাই বুদিনিনি বাঁসীলা কেদেকরাই
বাই হজলাইতিনি সাদি উঙকা, অ সাদিঅ
গিলামা বরক-ন কীচারই ম সাদিনি মাইন
রিঙগই চারিখা, সাদি হিনখাই হম হম দম দম
ডাসেক ডারেঙ খাই-ন খাইলাইখা, অ সাদি
খাইলাইমানি-ন বরক খরকসা ফা-ন
হামজাগয়া হিনই কীরীইখা জত বররক-ন
হামজাগবাইখা।

গইরাম

: নিনি হজলাইতিনি কেরাঙ কথমা পাইখাদে
দাবুরা?

তনাই

: আনি কেরাঙ কথমা অর-ন পাইখা। চাঙ তাবুক
থাংকা।

হইরাম

: আউ হিমদি দাবুরা।

গইরাম, হইরাম তাই তনাই থাংকা।

আঙ হজলাইতিনি কেরেঙ কথমান
সাইনাই-ব অর-ন পাইরিঅই রিখা জতন-ন
চুবাই য়াগজুর, আওয়া তককে, দুখু থাং সুকু
ফাই। খুলুমবাইখা।

TRIBAL RESEARCH AND
CULTURAL INSTITUTE



ISBN 978-93-86707-41-3

Price : Rs. 100/-